

INSAIT

Japan man askim PNG long wok long

Lukim ol spots stori na piksa

5pela pes olgeta

- pes 24-28

Moa nius bilong Amerika pait na ol ovasis nius

- pes 14-15

Ol meri laik traim ileksen

- pes 3

LAE SAPLIMEN

Lae aspless bilong kainkain bisnis

Ol teroris painim samting bilong bagarapim planti manmeri, Bush i tok

AMERIKA NA TERORIS WOA

Ol kilim planti tausen, ol Muslim tu na bihain amamas nogut tru

PRESIDEN Goerge Bush long Tunde i tok lukaut olsem Osama bin Laden wantaim grup bilong em al Queda teroris netwok i "painim ol kemikel o marasin bom na nuklia samting bilong pait."

"Givim sans long ol, ol birua bai bagarapim olgeta kantri na bihain inap bagarapim wanem gutpela sindaun yumi kamapim pinis," Bush i tokim ol lida bilong Istem Yuropien lida long wanpela bung bilong tok long teroris insait long Poland.

"Yumi noken wet na sindaun lukluk na larim ol man husat save kilim planti manmeri long kisim ol samting bilong pait we inap bagarapim planti bilong yumi.

"Yumi mas wok bung wantaim nau na traim rausim dispela blakpela birua yumi stap namel long en bai ol tumbuna pikinini i ken stap gut," em i tok.

Bihain long de, Presiden Bush i tok olgeta manmeri i mas kisim stret toktok pret bilong bin Laden long yusim ol wepon bilong kamapim bikpela birua tasol i luk olsem Osama bin Laden i nogat wanpela wepon we inap kamapim birua olsem em i tok.

"Osama bin Laden na al Queda i painim rot bilong kamapim ol wepon bilong kamapim bikpela bagarap," Bush tokim ol nius manmeri we Presiden bilong France Jacques Chirac i stap tu long en.

"Mi tok olsem bikos em yet i tok wankain toktok. Em i bin tokaut long tingting bilong em na mi bilip olsem yumi mas kisim olgeta toktok olsem tru.

"Tasol mipela i mas mekim



• Pait long Afganistan i go bikpela yet namel long Amerika na ol teroris birua.

olgeta samting yumi ken long lukim olsem em i no kisim ol dispela samting bilong kamapim birua long planti manmeri."

Long toktok bilong em long ol lida husat bung long pait egenim teroris, Bush i tok pait wantaim ami egensim Afghanistan "i go het gut tru bihainim wanpela gutpela as" na tok strong olsem "mipela i no kilim ol manmeri nating."

Bush i tok: "Fridom bilong olgeta manmeri i stap aninit long pret

bilong dispela kain pasin."

Bush i tok ami bilong Amerika i kamapim strongpela wok misin bilong em. Em i tokaut long trending kemp bilong ol teroris we i bagarap, masin gan bilong sutim ol balus i bagarap na samting bilong salim toktok i go i kam i bruk nabaut.

"Dispela em wanpela hat pait stret na mipela i no klia wanem taim bai pinis. Mipela wok long ronim wanpela birua husat wok long hait long hul bilong ston we

ples i tudak na nogat lait."

Bush i tok gavman bilong Taliban i wankain olsem sampela gavman bilong Yurop long bipo husat bin bagarapim tru pipel bilong ol. Em i tok wankain pasin bilong i kamap long ol pipel husat stap aninit long lo bilong Taliban.

"Yumi serim wankain stori olsem ol lain long Itali, Germany na Rasia i bin bagarapim ol pipel bilong ol sampela yia i go pinis.

Wankain olsem ol Yurop kantri bipo, ol i laik strongim pipia bilip bilong ol wantaim tok pret na kainakin bagarap nabaut.

Em i tok mipela lukim wankain tingting bilong bagarapim gutpela sindaun, bikpela tingting long kontrolim olgeta samting long graun na long kisim ol dispela samting yumi kilim planti tausen manmeri. Olgeta samting em bilong traim na kontrolim laip bilong narapela na olgeta laip long graun.

"Yumi olgeta lukim wanem kain tingting ol dispela man i gat long rot ol kamapim birua. Ol kilim planti tausen manmeri husat nogat asua wantaim ol na ol i amamas. Ol kilim ol narapela Moslem tu, planti bilong ol i dai long Wold Trade Senta long dispela de nogut na ol yet i amamas olgeta ol i mekim wanpela gutpela samting," Presiden Bush i tok.

Pasin na tingting bilong Taliban, husat holim yet Osama bin Laden na al Queda teroris netwok bilong em i wankain tru na pret i bikpela tru.

Samepla piksa em givim olsem ol Taliban i save kalabusim ol meri long haus tasol na i no givim sans long ol kisim marasin na skul, kaikai ol givim bilong ol pipel husat hangre, ol lida i save stilim, piksa bilong ol narapela lotu bilip em ol i save bagarapim. Ol i save stapim ol pikinini long flaim kait, singsing o pilai wantaim ais. Ol bai paitim wanpela liklik gel sapos em werim ol waitpela su.

Wakon i abrusim kot bilong lida ... Ombudsmen i no amamas

YAKAM KELO I raitim

OMBUDSMEN Komisin i no amamas long pasin gavman bilong Sir Mekere i mekim long pinisim olpela Plis Komisina John Wakon long wok bilong em long las wik.

Sief Ombudsmen Ila Geno i tok gavman i no bin toktok wantaim ol o kisim sampela tok stia pastajm long ol i go het na mekim dispela disisen long rausim Mista Wakon na makim Joseph Kupo olsem nupela Plis Komisina.

Mista Geno i tok em i save long ol kain senis olsem we i

save kamap long opis bilong Plis Komisina long bipo i kam we politiks i save stap insait. Mista Geno i bin Deputi Plis Komisina long bipo.

Mista Geno i tok ol kot we Mista Wakon i stap long en i bikpela. Ol dispela sas i sut long wok bilong em na arapela eria bilong edministresen insait long plis fos. Olsem na olgeta sas ya i mas gat ansa long en, em i tok.

Dispela disisen long pinisim Mista Wakon long Plis Komisina i stapim Lidasip Traibunel kot we em i kisim sas long hevi bilong yusim plis ka taim we em

i gat nem long kisim opis ka aninit long nem bilong em. Dispela kot i stap yet na tu Suprim Kot i stap yet long harim kot bilong em long sas bilong sakim Kot Oda we em i no bin kisim bek olpela Deputi Plis Komisina Geoffrey Baki long wok bihain long em i rausim Mista Baki long las yia. Nesenel Kot i sasim em na em i apil i go long Suprim Kot.

Mista Geno i tok taim ol lida i kamap long dispela kot bilong Lidasip Traibunel na gavman i rausim ol long wok, ol bai i nogat sans moa long stretim nem

nogut we i kamap long ol insait long kot. Dispela i no stret long dispela lida.

Tasol dispela tu i mekim lida ya i kamapim man bikos em i nogat kot moa. Em i no moa lida o publik sevans olsem na kot bilong Lidasip Traibunel i no inap holim em na sasim em moa.

Tasol Minista bilong Pablik Sevis Philemon Embel i tok ol i mekim dispela senis bikos long stretim opis bilong plis i sanap gut long redim ol wok bilong plis long karimaut insait long nesenel ileksen long neks yia.



PLIS RIPOT

MOSBI:

* Plis i wok yet long painimaut as bilong bikpela paia we i kamap long Sogeri Nesenel Hai skul long Sentral Provins.

Sevnpela bilding bilong ol boi i save silip em paia i bin bagarapim na ol i wok yet long luksave long as we paia i stat.

Plis i go yet long skul na toktok wantaim ol studen long kisim toktok long painimaut husat tru i bin statim paia.

LAE:

* Bikpela pait namel long sampela lain long Lae bihain long sampela man i pulim wanpela liklik gel i go na mekim pasin nogut long em. Ol lain bilong gel i belhat nogut tru na bikpela tok pait i kamap. Plis i go hariap long ples na stapim moa hevi long kamap na stretim ol lain. Tasol belhat tingting i stap yet na plis i was yet.

ENGA:

* Sampela risev plis i bin pinisim skul bilong kamap risev plis na ol i bin greduet long las wiken. Planti ol hetman bilong plis i bin go bung long Enga long witnessim. Ol risev plis i kisim tok-tok long wok strong long helpim gutpela lo na oda long provins.

MADANG:

* Sampela plis man i maritim meri bilong ol long haus lotu las wik. Dispela marit i stretim husat tru bai kisim helpim long ol benefit i kam long wok bilong man bilong ol meri husat i plis-man. 26 plisman i bung na mekim dispela lotu bikos ol i pilim olsem em i gutpela long bihainim kristen pasin long marit long haus lotu.

MENDI:

* Tupela sinia man bilong forestri em raskol i bin hansapim tupela long Mendi na stilim ol samting bilong tupela. Ol i bin stilim ka bilong tupela tu. Tupela i no bin ting kain pasin olsem bai kamap long tupela. Plis i wok yet long holimpas husat tru i stilim ka na ol kago bilong tupela.

Sekim ol taun bas long Goroka

SAPE METTA i raitim

PLANTI komplek na kros i wok long kamap nau namel long ol man na meri husat i save yusim taun bas sevis long ron i go i kam insait long Goroka, lsten Hailans.

Ol lain manmeri ya i bin pulim lain i go long Goroka plis stesin na taun atoirit long wik i go pinis long putim komplek bilong ol bikos planti ol bas we i save i givm sevis long Goroka taun i olupela na i bagarap tru. Ol sit, dua, windua na ol winksrin glas i bruk nabaut.

Na laip bilong ol manmeri na pikinini i stap long birua taim ol i raun na yusim dispela ol olupela bas.

Mekim olsem na ol lain manmeri ya i tok-tok strong we ol i laikim

ol plisman na LensTrenspot Bod (LTB) long kamap na lukluk long dispela hevi.

Makim maus bilong ol taun komyuniti bilong Goroka, Salome Sase husat i wanpela lokal wimens lida tu i tokim Wantok olsem laip bilong ol manmeri na pikinini em i bikpela samting. Na ol lain husat i save ronim ol PMV bas sevis i mas tingim laip ol manmeri pastaim na stretim gut bas bilong ol na ronim.

Em i tok long las mun klostu wanpela yangpela skul pikinini husat i bin ron insait long wanpela olupela taun bas i bin pundaun i kam aut taim bas ya ron yet. Manki ya i bin pundaun i kam aut taim dua bilong dispela bas i kamaut.

Na yangpela pikinini ya husat i gat 10-pela krismas i bin kisim bikpela bagarap tru

long het na bodi bilong en. Misis Sase husat i bin i stap tu insait long sem bas ya i lukim dispela hevi na long sem taim tupela plis ka we i karim sampela plisman i bin witnessim tu dispela trabel na i stapim ka bilong ol.

Tasol ol i no mekim wanpela samting na tokim draiva bilong bas ya long kisim dispela manki i go long haus sik.

"We i stap lo na oda bilong yumi?" Misis Sase i askim. Em i tok planti ol taun bas i olupela na i bagarap stret, tasol ol i wok long ron yet i go i kam insait long taun. Na i no long taim planti manmeri na pikinini husat i save ron i go i kam long dispela ol bas i ken kisim bagarap na hevi.

Em i tok strong i go long ol plisman na LTB long sekim olgeta taun bas. Na lokim ap ol dispela olupela bas.

Komyuniti mas wok bung

PEKU PILIMBO i raitim

WANPELA saveman bilong Japan Mamoru Shimamoto i tok olgeta manmeri bilong setelmen i mas bungim tingting na wok wantaim long stretim sindaun bilong ol yet.

Mista Shimamoto i kam aninit long Japan Intenesenel Koporesen Ajensi (JICA), wanpela han bilong gavman bilong Japan we i save givim helpim.

Em i bilip olsem wanwan setelmen i gat wanwan hevi bilong ol yet na ol hevi ol i mas bung na skelim pinis orait bihain painim rot bilong stretim ol dispela hevi.

"Ol pipel i gat kainkain save bilong mekim ol samting. Ol komyuniti i mas skelim saev bilong ol wantaim narapela na wok bung wantaim," Mista Shimamoto i tok.

Em i tok JICA bai wok klostu wantaim ol komyuniti grup olsem Morata Faundesen, NGO, sios na yut grup

long traim developim ol setelmen na bringim gutpela sindaun long ol pipel.

Em i tok olsem long wanpela lukluk raun i go long 6 Mile Dam setelmen long Pot Mosbi las wik.

Wanpela ripot bilong Profesa Kiechi Kumagai wantaim Lady Carol Kidu i bin luksave pinis long wanem kain hevi i stap long setelmen.

Mista Shimamoto bai bihainim ol ripot na wok bung wantaim gavman, ol komyuniti grup na JICA long traim painim rot bilong helpim.

Em i tokim ol pipel olsem Profesa Kumagai i man bilong rit na rait tasol em yet i man bilong kamapim ol samting.

Ol komyuniti lida bilong setelmen i tok amamas long wok bilong JICA bikos gavman bilong PNG i no luksave long ol olsem pipel.

Ol i tok ol i save votim planti memba i go long palamen tasol ol i no save tingim ol na helpim long givim sevis.

Hagen Distrik Kot i askim Nesenel Gavman long baim K10,000

JACKSON SIRU i raitim

HAGEN Distrik Kot i givim kot oda long Nesenel Gavman long peim K10,000 i go long errol Mogul bilong Dalnamb viles, Nondugul, Westen Hailans provins.

Mista Raphael Appa wanpeal sinia mejistret bilong Hagen Distrik Kot i painimaut olsem long Septemba 5, 1996, sampela plisman long Barz na Nondugul plis Stesin insait long provins bilong ol man long ples.

Sampela samting ol i bagarapim em i olsem brukim odua bilong haus, putim paia long haus, brukim plet, kap na spun long haus, paitim ol man long plis.

Hagen Distrik Kot tu i painimaut olsem ol plisman i kisim sampela ol samting tu i go long ol yet. Bikpela samting kot i painimaut olsem ol tu i kisim 3-pela pik i go na tokim lokim long Banz plis sel.

Ol plisman i mekim olsem bihain long bihainim wanpela kot oda i no stap long Dalnamb ples. Ol lapun papamama bilong em i haitim.

Loya Danny Gonol husat i makim maus bilong Errol pinis kot oda i go long Gavman long baim Errel Nuggul. Long kes na interes wantaim i go antap pinis long K16,000.



• Dispela manki Manus i danis long opim bung bilong 16 Info Fish Governing Council long Mosbi dispela wik.

WANTOK

All departments, Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief: Anna Solomon.
Acting Advertising Manager:

Papers distributed by air throughout PNG. Available by air mail subscription within Papua New Guinea and overseas

Editor of Wantok: Yakam Kelo.

Email address: word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

TR TOO

PANEL 1: TORO WANTAIM OL BOIS BILONG EM SPAK RAUN LONG KAR... TORO HOLIM STIA...

PANEL 2: BAGA NOGUT GIVIM SIKST STRET. EM WOK LONG SENISIM GIA KLOSTU, KLOSTU... TORO FIT!

PANEL 3: NAU EM LUKIM WANPELA KAR LONG FRAN I SLO TRU NA TORO TINGTING LONG OVA-TEK... TORO OVA-TEK LONG KAR YAH! EM BIKRET... SMOL TINGS!

PANEL 4: BAGA OVA-TEKIM NA LAIK GO LONG FRAN.. TASOL NOGUT, WANPELA TRAIPELA TIPA TRAK I KAM LONG NARAPELA SAIT... HEY! ISI YAH! NOKEN BESI TUMAS? HA! HA! HA! MAN, TAIM TORO ILUKIM TRAK I KAM, EM SUTIM KAR I GO STRET LONG BARET... AAA EEE YAAAAH!! HA! HA! HA! I GAT MOA? HAIWE DRAIVA OGETA PLAI TASOL I KAM AUT LONG WINKSKIN...

Agiru bai sanap long kot bilong Lidasip Traibunel

YAKAM KELO i raitim

GAVANA bilong Sauten Hailans Anderson Agiru bai kamap long kot bilong Lidasip Traibunel bihain long Pablik Prosekjuta i painimaut olsem i gat inap ripot long kotim em long sas bilong soim pistol long het bilong wanpela man.

Pablik Prosekjuta Chronox Manek i tokaut olsem long Mande Septemba 24, 2001, wanpela nius ripot i kamap olsem bikman i bin pilai golf wantaim wanpela man na soim pistol long pes bilong dispela man long wanpela lokol spot klap wantaim tu ol arapela hevi we i kamap long dispela hap.

Mista Manek i tok em i bin lukluk insait long dispela ripot na painim olsem igat inap evidens o tok klia we i soim olsem Mista Agiru i mas sanap long kot bilong Lidasip Traibunel. Dispela em kot i banisim ol lida na ol pablik sevans.

Em i askim Sief Jastis Sir Arnold Amet long makim dis-

pela kot long kamap. Dispela ripot i bin go long opis bilong Ombudsmen Komisn long Novemba 6, 2001 na Ombudsmen Komisn i kisim na skelim pinis na painim olsem i gat ol asua long sasim Mista Agiru. Olsem na ol i givim dispela ripot i go long Pablik Prosekjuta we Pablik

Prosekjuta i lukim olsem i gat inap as long kotim Mista Agiru.

Tripela wik i go pinis, Mista Agiru i bin go bek long provins long kisim bek wok bilong em wantaim pawa bilong ronim provinsal gavman. Dispela em bihain long Nesenel Kot i mekim disisen olsem nesenel gavman i

brukim lo long rausim pawa bilong Sauten Hailans provinsal gavman.

Tasol bihain Nesenel Kot i givim wanpela oda long Mista Agiru i noken mekim wok yet inap ol Kot i stretim kot bilong edministreta we Mista Agiru i rausim long wok taim em i go bek long opis wantaim pawa bilong em.

Ol Westen Hailans viles kot mejistret i no amamas

JACKSON SIRU i raitim

TURANGU ol mejistret bilong ples i kisim taim stret long traipela das na hat san bilong Hagen siji las wik. Moa long 2000 viles kot mejistret bilong Westen Hailans hapsait long Kapal Haus Provinsel Hetkota, olgeta dispela mejistret em ol lida long komyniti na planti bilong ol i no amamas.

Planti mijistret i tok, ol man i go pas long peim mipela i-pulim mani bilong mipela. Mipela save mekim bikpela wok stret na planti komyniti stap gut long provins.

Viles kot em i bun bilong kamapim gutpela sindaun insait long provins na i wankain olsem long paini ol arapela provins insait long kantri.

Kagal Ponge viles kot Mista Kil Wap i tok, "mipela save mekim bikpela wok tasol K25 bilong gavman i save peim mipela long wanwan mun i no inapim tru long traipela wok mipela mekim long kamapim gutpela sindaun long ples.

Em i tok ol opis man husat i go pas long mipela laikim olsem mipela ken kisim pe long olgeta 3 mun na mipela olgeta i wanbel long em

tasol nau mi no harim kaikai na mipela i no save wanem samting bin kamap. Las taim mipela bin kisim em long mun Julai 31, 2001 na bihain long dispela 3-pela mun i go pinis na mipela laik kisim gen na i nogat nau.

Narapela Keripia viles kot mejistret i tok, mipela bilip olsem maski ol saveman na kisim moa long K500 long olgeta 2 wiks, ol i traim long paulim sampela mani bilong ol mejistret. Ol i no sori long mipela ol turangu lain save lusim olgeta gutpela taim na oltaim tingting strong long kamapim gutpela

sindaun long ples.

Ol i mekim mipela kamap olsem ol long-long man, ol strit manki na tu olsem ol man nogut nem long komyniti.

Alkena Viles Kot, Luke Noke i tok, "mipela i no wanbel liklik bikos olgeta taim mipela ol mejistret i go en long taun na stretim planti hevi na i go kam long PMV.

Em i tok tu olsem Provinsel Gavman i mas luksave olsem mipela mejistret i holim ol komyniti gut na dispela i kamapim gutpela sindaun long ol komyniti na long provins wantaim.

Mista Noke i tok, mipela i no askim gavman long peim mipela moa o apim pe bilong mipela, mipela tok tasol olsem bilong wanem na ol i kisim longpela taim long peim dispela wankain mani we mipela kisim pinis long en.

Sik taipoid i kamapim wari long Kiunga

IAN KAKARERE i raitim

SIK taipoid i kamap bikpela nau long Kiunga taun we 20 manmeri i stap long haus sik nau long kisim marasin.

Wanpela sinia helt Ekstensen Opisa John Lari i tok ol sikmanmeri i kam olsem long Lagun na Parama kona bilong Kiunga taun na sampela long ol setelmen klostu.

Mista Lari i tok olsem ol helt opisel i wok strong long painimaut as bilong dispela sik i kam long wanem hap tru. Bikpela san tu i wok long mekim planti wara i drai long ol setelmen we i

mekim planti manmeri i no lukautim gut ol samting bilong ol.

Em i tok wara saplai long taun tu i stap insait long wok painimaut we ol helt opisa i wok long sekim wantaim ol arapela wara saplai.

Mista Lari i tok Kiunga haus sik wok lain i statim pinis pablik awenes kempen long ol skul, long maket ples na ol wanwan hap long setelmen na ol ples insait na arere long Kiunga taun. Dispela em long mekim ol manmeri i klia long dispela sik taipoid i wok long kamap bikpela na ol manmeri i mas lukaut gut.

NPF kot i harim olsem Smith Kela i lusim K250,000

WINNIS MAP i raitim

BISNISMAN bilong Pacific Helicopters Malcolm Smith Kela i tokim Nesenel Providen Fan (NPF) kot olsem em i no bin kisim wanpela win mani long mani em i putim i go insait long wanpela kampani.

Dispela NPF kot i harim olsem Mista Smith Kela i bin salim K250,000 i go long

olpela eksekjutiv siaman bilong Finance Pacific, Peter O'Neill long putim i go insait long Resource Investment Finance Limited (RIFL) Benk.

Dispela kot i harim olsem namel long Septemba na Oktoba 1999 Misa O'Niell ibin bungim Mista Smith Kela long salim K250,000 bai em i ken kisim 25 pesen (%) bilong RIFL Benk na kisim milien Kina o benk bai holim yet wan milien.

Mista Smith Kela i tok dispela K250,000 bilong em i go long benk na em bai holim 20% we i holim tu benking laisens, gutpela kampani nem na olgeta samting. Em i ting dispela em gutpela bisnis tru.

Emi tok em i tokim akauntan bilong em long redim K250,000 sek bai em i baim sea wantaim RIFL bikos em i gat bilip long Mista O'Niell long stretim dispela kampani.

Tasol em i tokim NPF kot olsem em i no kisim wanpela win mani yet long dispelak250,000 bilong em na tu em i bin painimaut olsem em i nogat nem olsem sea holda long dispela kampani. Olsem na em i risain olsem dairekta na askim strong long K250,000 bilong em i mas kam bek.

Kot ya i harim olsem Mista Smith Kela i bin toktok wantaim Jim Dawson long dispela mani bilong em na Mista Dawson i tok mani bilong em i stap gut long wanpela lon bisnis.

Mista Smith Kela i tok Mista Dawson i tok dispela K250,000 em mani we i nogat interes o win mani long en. Dispela i mekim Mista Smith Kela i no wanbel tru.

Ol meri bai resis long ileksen 2002

SAPE METTA i raitim

PLANTI toktok i kamap pinis olsem planti meri kendidet insait long kantri bai resisi long dispela 2002 nesenel ileksen.

I nogat lo i pasim ol meri long resis olsem na ol meri i gat olgeta rait long sanap na resis.

Ol meri long lsten Hailans i lukluk nau long sanapim ol meri long resis egensim ol man.

Na wanpela provinsel wiemens lida husat i gat bilip olsem em i ken skoarim sampela poin na winim dispela ileksen long ilektoret bilong em i tokim Wantok olsem taim bilong ol man em inap. "Mipela ol meri i redi nau long sanap na win." Lida meri ya husat i no laik tokaut long nem bilong en tasol i givim hait nem bilong en olsem, Tina i tok sapos yumi skelim na glasim gut pasin namel long ol man na meri, yumi i ken luskave olsem planti paul pasin na asua em ol man i save kamapim.

Olsem na sapos ol meri i sanap na winim ileksen na kamap olsem ol

nesenel lida ol i ken mekim ol samting na ronim kantri gut. na long sait bilong bringim ol sevis na developmen i go insait long provins bilong ol, em ol meri i ken mekim kamap tru tru.

Tina i tok long lukluk bilong ol meri ol lida man i save mekim planti mauswara.


Em i tok long kain mauswara tasol i mekim na planti samting olsem ol rot, helt senta, skul na planti ol arapela samting moa insait long kantri i bagarap tru. na hsaut tru.

"Yumi save toktok planti na pairap i go i kam long developmen. we i stap developmen?"

Tina i tok nau em i taim bilong ol meri olsem na yu husat i laik tromoi vot long neks yia, yu mas makim husat meri kendidet i sanap long ilektoret bilong yu.

No ken tingting long kago, masin na kaikai. Tasol tingim developmen na bihainim taim bilong ol pikinini na ol tambuna bilong yumi.

Tina i tok nogut long yumi tromoi vot nating nating na tanim bek bai sindaun bilong yumi bai bagarap stret.



Ka karim man o man i laik kilim ka • Ashley Cooper taxi sevis i no pilai long karim ol pasindia.

Pawa bilong makim ol Gutpela Lida o Lida Nogut i stap long vot bilong yumi



ELECTION 2002

ILEKTOROL Komisn bai yusim olpela wei bilong vot long Nesenel na Lokol Gavman ileksen neks yia, bos bilong ileksen Mista Reuben Kaiulo i tokaut pinis.

Ol i kolim dispela olpela wei bilong vot First Past The Post sistem long Tok Inglis.

"Yumi bai i no yusim nupela wei bilong vot," Mista Kaiulo i tok. "Olgeta manmeri i mas klia long dispela." Mista Kaiulo em i Iektorol Komisina na em i mekim dispela toksave long Iektorol Komisn Hetkwota bilong em long Pot Mosbi. Stretim na lukautim ileksen em i wok bilong Iektorol

Komisn.

Mista Kaiulo i no laikim ol manmeri i paul long wei bilong vot. Nupela Lo i stap nau long Nesenel Paliamen long senisim olpela wei bilong vot. Ol Mema bilong Paliamen bai toktok long dispela nupela Lo long Novemba na tok orait o nogat long senisim wei bilong vot.

Ol wasman bilong T I o Transperensi Intanesenel i no laikim olpela wei bilong vot na ol i wok long mekim planti planti toksave long redio na niuspepa long rausim olepla wei bilong vot. T I em i bikpela wol N G O grup husat i save go pas long kirapim ol gut

pela gutpela wei bilong helpim ol kantri na ol gavman wok gut.

Mista Kaiulo i tok ol manmeri i noken paul long ol toksave T I i wok long mekim nau long wei bilong vot. Sapos Paliamen i senisim Lo, Nesenel Gavman i tok pinis olsem nupela wei bilong vot bai i no nap kamap long ileksen neks yia, Mista Kaiulo i tok.

"Sapos Paliamen i senisim Lo, mipela long Iektorol Komisn bai yusim nupela wei bilong vot bihain long 2002 ileksen," Mista Kaiulo i tok.

Em i tok olsem Nesenel Gavman i tok orait pinis long dispela long winim sapot bilong olgeta Mema bilong

Paliamen nogut ol i poret long sapotim nupela wei bilong vot.

Ol i kolim nupela wei bilong vot Limited Preferential Voting long Tok Inglis.

I bai hat moa long winim ileksen aninit long Limited Preferential Voting bikos ol wanwan kendidet i mas kisim planti vot tru long win.

Em i isi moa long winim ileksen aninit long olpela wei bilong vot bikos wanpela kendidet i ken win maski em i no kisim planti vot tumas.

• PNG Iektorol Komisn i sponsorim dispela ileksen Tok Save.

Pipel gat tupela tingting long ol asailum sikas

PIPEL bilong Is Niu Briten i gat tupela tingting long PNG gavman tok orait na kisim ol asilum sikas i kam long Manus ailan.

Wanpela grup i no laikim na narapela grup i laikim ol asilum sikas long i kam long PNG.

Wanpela man bilong viles i ting olsem ol bot pipel i gat teroris bek graun na i no gutpela long PNG kisim ol i kam long Manus provins.

Tuepla wik i go pinis gavman bilong PNG i bin tok orait long kisim 225 bot pipel i kam redi pepa bilong ol long Manus bai ol i ken go long narapela kantri na statim laip bilong ol.

Em i ok ol dispela pipel i kam long ples we ol manmeri i save gat nem bilong kros na pait na i no gutpela.

Tasol wanpela pablik sevan i tok planti bilong ol bot pipel i gat gutpela save olsem loitya, dokta, enjinia, fama na tu sampela i gat planti mani.

Planti pret long laip bilong ol na i save ronawe wantaim wanem

samting ol i gat.

Sapos i gat sans sampela bilong ol i ken stap bek na wok long Papua Niugini.

Em i tok tu olsem sapos PNG i ok nogat long kisim ol, Australia husat save givim plani helpim i no inap amamas.

Is Niu Briten Gavana Leon Dion i autim hevi olsem Australia i gat planti hap bilong stretim hevi bilong ol bot pipel na bilong wanem PNG i kisim ol manmeri ya i kam.

Olsem wanpela lida bilong rijen em i no wanbel tasol dispela i no min olsem em kros wantaim tingting bilong Manus Gavana Stephen Pokawin.

Kodineta bilog Provinsel Disesta na emejensi sevis Peniel Lotu i ting olsem nogut ol asilum lain i giaman stap na kam tru log hait na pait wantaim Amerika.

Mista Lotu i tok PNG i no fit long lukautim 225 bot pipel na nesanel gavman i asua pinis long bringim ol i kam.



• Joseph Kabui (Iephan) sanap wantaim Prait Minista Sir Mekere Morauta (namel) na Minista bilong Bogenvil Afeas Moi Avei long taim bilong sainim pis agrimen dispela yia. Fail foto.

Watabod peim K60,000 long graun

ONIAS MANO i raitim

PAPUA Niugini Watabod i givim wanpela sek mani inap long k60,000 i go long wanpela lokel paparaun grup long Is Niu Briten bihain long wara saplai projek i stap long graun bilong ol.

Koporet Menesa bilong PNG Watabod Richard Maru i givim sek mani i go long Luluka papagraun Siaman William Tonga.

Mista Tonga makim maus bilong ol papagraun i kisim mani na tok promis olsem ol pipel bilong em bai lukautim wara saplai wantaim narapela sevis bilong gavman.

PNG watabod i kisim tok orait pinis wantaim provinsel edministresen long surikim na kamapim bikpela wara

saplai na tu opim bilong nupela wara saplai projek long Kokopo.

Ektng Provinsel Edministreta i givim K33,000 long PNG Watabod i ken karim aut stadi na putim wara saplai i go insait long ol rurel eria.

Wara em wanpela bikpela samting na gavman bai yusim wanem liklik mani em i gat bilong helpim ol rurel pipel kisim gutpela wara saplai.

Mista Maru kisim mani na tok olsem Is Niu Briten i wanpeal namba wan provins long kamapim stadi bilong saplaim wara long rurel eria.

Dispela em namba wan hap bilong wok bai kam long stretim wara saplai long rurel eria bikos planti manmeri save kisim taim long drai sisen.

UN bai helpim long rausim ol gan long Bogenvil

BOGENVIL Afeas Minista Moi Avei i tok Unaited Nesens Obseva Misin long Bogenvil (UNOMB) bai helpim long rausim ol samting bilong pait long Bogenvil bihainim pis agrimen pten.

"Gutpela rot ol pren bilong yumi long UN i kisim long helpim Papua Niugini i soim gutpela wok bung pasin bilong bringim bel isi long Bogenvil.

Bikpela wok UNOMB nau long rausim samting bilong pait bai kisim bikpela mani na man long mekim na UN i sot tru long ol dispela samting bikos em i mekim wok long planti hap bilong graun," Minista Avei i tok.

Em i tok long rausim ol samting bilong pait bai kisim moa risos bilong ol kantri long Pasifik rijen husat i sapotim dispela bel isi long kamap.

Em i salensim ol man husat bai mekim wok long hariap bai bel isi tru i ken kamap long Bogenvil.

Opis bilong UN i bin kisim pinis bel isi agrimen bilong Bogenvil long PNG gavman na i tok orait long givim mani

na helpim long rausim ol samting bilong pait.

"Em i gutpela long olupela pait man na komyuniti long soim gutpela tingting long toktok bilong pis agrimen na UNOMB i ken mekim wok bilong em pinis long namel o pinis bilong neks yia.

Mista Avei i tok tu olsem lo bilong givim atonomi na referendum long politikel bihain bilong Bogenvil i go het yet.

"Ating lo bai redi long kamap long palamen taim ol memba i bung long Disemba.

"Lo sapos kisim tok oraiti long palamen bai kamapim planti senis tru long mama lo bilong kantri," Mista Avei i tok.

New Zealand i tok orait pinis long givim ol strongpela konteina bilong ol gan i ken go insait long em.

Mista Avei i askim ol pipel bilong Bogenvil long bihainim tok orait ol i sainim pinis na lumis ol gan na samting pait i go bilong kisim bel isi long ailan.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA VIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

Biabia



BAGA SO-OFF STRET...



Ol pipel bai peim takis long RULLG

NELSIE GIRAURE-SAYA i raitim

OLGETA manmeri na bisnis long Rabaul bai baim takis i go long Rabaul Eben Lokel Level Gavman Kaunsel (RULLG).

Dispela kamap bihain long olgeta kaunsel i bung na kamapim wanpela tingting olsem i mas gat takis long ol bisnis na manmeri husat stap long Rabaul.

RULLG tasol i wanpela husat i no kisim takis olsem ol narapela bikos long birua bilong volkano taim memba bilong ol Sir John Kaputin i tambuim kaunsel long kisim takis na larim ol

pipel stretim sindaun bilong ol pastaim.

Taim ol i givim tingting bilong ol long Rabaul Taun Meyo na Fainens na Edministresen Siaman Ephraim Jubilee na tok kliia ogenik lo bilong provinsel na lokel level gavman i givim pawa long ol i kisim dispela takis.

Mista Jubilee i bin tok olsem ol manmeri bilong taun i bin amamasim nating ol sevis klin maket, rot, klin taun na i no bin peim wanpela mani.

Dispela takis bai givim ol inap mani bilong stretim ol sevis we i laik bagarap na Rabaul bai kamap wanpela gutpela taun. I luk olsem ol bikpela man bai peim

K20 na meri bai peim K10 na ol bisnis haus bai peim K100 wanwan yia.

Long statimdispela tingting Kombiu, Watom na Balanataman lokel level gavman peim takis pinis tasol RULLG i nogat.

wankain taim RULLG bai sasim takis long ol pipel husat laik kisim tok orait long mekim sampela wok bisnis.

Ol i tingting long sasim K50 long wanwan tok orait ol i givim long ol piple bilong Rabaul long mekim wanpela samting.

Ol samting ol PMV, klab haus, laisens bilong bisnis o wanem arapela tok orait i kam long LLG.

Pipel askim EU long K200,000 helpim mani

FELIX RAMRAM
i raitim

PIPEL bilong Kilipau ples insait long Vanimo Grin Distrik, Wes Sepik i traim olgeta rot long kisim sampela kain luksave na helpim mani long kirapim wanpela pawa stesin yusim wara (hydro pawa plan), sem taim saplaim wara long Vanimo taun na kamapim wanpela liklik taun.
Wantaim ol narapela

wok kamap em bai go wantaim wok bilong kirapim ples.

Kodineta bilong ol dispela wok kamap long Kilipau Matthew Moiga i tokaut olsem i bin longpela taim, em wantaim grup bilong em Kilipau Risos grup i bin traim olgeta rot long painim mani long kirapim ol dispela developmen.

Tasol olgeta dua ol i go long en i nogat gutpela ansa, maski dispela tingting o ples tu i kam aninit long Fri

Tred Jon eria.

Matthew Moiga i tokaut olsem olgeta pepa wok bilong ol long dispela projek, asosiesen i salim kopi i go pinis long olgeta lain.

Husat i gat sampela samting long mekim wantaim wok bilong wara pawa na tu long S a n d a u n Edministresen na ol han opis bilong Gavman long Vanimo.

"Ol bikman bilong yumi insait long Nesenel Gavman

Levol, Provinsel Levlo na Distrik Levlo i nogat luksave. Long wanem samting ol lain bilong mi i traim long mekim. Na no mipela tasol bai i kisim pawa saplai na olsem tu long wara saplai.

Vanimo taun, ol wokmanmeri, hotel, ol tred stoa, haus-kaikai, geshaus, haus sik na ol lain i sindaun long setelmen.

Ol i European Union (EU-ACP) long K234.100 aninit long EU Asistens Skin.

Indonesia atoriti bai sekim pisaman ripot

FELIX RAMRAM
i raitim

OL atoriti insait long Jayapura bai bihainim na mekim ripot bilong ol pisaman husat long ol i bin kam insait wantaim nogat tokorait. Na painim pis long Wes Kos bilong Vanimo long mun i go pinis.

Toktok ya Deputi Gavana bilong Wes Papua long Jayapura Dokta. Consant Kama i mekim i go long memba bilong Vanimo Grin Micah Wes, taim em wantaim deligesen bilong em i go bungim Deputi Gavana long opis

las wik.

Mista wes i tokim Dokta Karna oslem i gat lo i stap pinis namel long Papua Niugini na Indonesia. Na ol sitisen bilong dispela 2-pela kantri i mas rispekim ol dispela lo long gutpela bilong 2-pela kantri wantaim.

Mista Wes i tok, em i toktok pinis long dispela hevi i sanap long Vanimo Wes Kos long taim bilong miting long Nesenel Palemen.

Na i gutpela ol atoriti long Jayapura i bihainim sistem bilong ol na painim aut na stretim dispela hevi.

Deputi Gavana bilong

Wes Papua i tokaut olsem opis bilong em bai i toktok wantaim ol opisa.

Husat long ol i save mekim wok bilong lukautim boda mak na askim sampela samting long stretim dispela hevi.

As bilong dispela hevi em long Sarere 13 Octoba wanpela moto bilong hapsait i wok long painim pis ausait tasol long Wes Kos ples Florin, na ol plesman i stap long moto ya i traim long troimoim wanpela danamaitis antap long wanpela lokel plesman husat i traim long go ausait long kanu long askim ol.

Gavana Somare rausim Is Sepik edministreta

GAVANA bilong Is Sepik provins Arthur Somare i lusim edministreta Nelson Hungrabos long wok bilong em long dispela wik bikos em i tok planti samting i paul long wok bilong edministresen bilong Is Sepik.

Mista Somare i tokim ol sinia pablik sevans olsem i nogat ples bilong ol wokman long sevim laik na interes bilong ol yet na tu i no smat long wok.

Em i tok bai wanpela grup i kam long opis bilong Dipatmen ov Pesenel Menesmen long sekim ol buk na rekot bilong edministresen. Ol bai sekim ol eria olsem:

- Provinsal edministresen straksa
- Menpawa odit

- Rot bilongn selek-sen na apoinmen na
- Eria bilong fainensel menesmen.

Mista Somare i tok ol senis we i bin kamap sampela taim i go pinis long makim ol man long ol posisen bilong top menesmen long Dipatmen bilong Is Sepik i stop pinis.

Na wanpela independen tim long praveit sekta bai glasim gen na putimaut ol posisen gen long lukim olsem ol wok bilong makim ol man long wok i stret na bihainim rot stret.

Mista Hungrabos em longtaim pablik sevans bilong Morobe provins inap dispela yia tasol ol i makim em i go kamap edministreta bilong Is Sepik.



BUNG BILONG LAINIM

- Ol pipel bilong olgeta hap long Sepik i bung long Wewak.
- Ol i laikim senis long Is Sepik.

Bewani papagraun raun long Argo wel pam projek

FELIX RAMRAM
i raitim

WANPELA 20 man deligesen bilong Bewani insait long Vanimo Grin Distrik long wik i go pinis bin mekim wanpela 3-pela de lukluk raun long Jayapura na Argo Wel Pam Projek insait long Jayapura provins bilong Wes Papua. Lukluk raun ya i bringim ol papagraun long bungim na toktok wantaim ol didiman long en.

Long wok bilong wel pam em ol papagraun bilong Bewani i laik kirapim insait long Bewani yet.

Wel Pam Projek bilong Bewani i kisim ol papagraun 6-pela krismas olgeta long patim toktok na stretim ol pepa na painim helpim mani long kirapim. Na insait long dispela yia tasol Sandaun Provinsel Gavman i luksave long bikpela wok ol papagraun i bin mekim na givim K35,000.

Insait long miting bilong ol papagraun wantaim go pas bilong Vanimo memba Micah Wes em ol i holim wantaim ol didiman opisa long Jayapura.

Tupela grup ya i wanbel long wok bung long helpim

wanpela na narapela long wanem rot tupela inap long helpim tupela yet. Tasol bikpela tingting ol lain didiman opisa long Jayapura i laikim long kamap, em long

wokim wanpela rot. Dispela rot bai i mas bungim Bewani i go long Argo, olsem bai ol wel pam frut bai ol papagraun long Bewani Wel Pam Projek i ken mekim i go long fektori

long Argo.

Ol papagraun bilong Bewani i harim olsem i gat fektori i stap pinis long Argo.

Na bai i gutpela long salim ol wel pam frut long rot i go

olgeta na wilwilim ol wel pam frut ya long Arao fektori long kisim wel.

Tasol wok bilong rot ya bai i kamap sapos tupela gavman, bilong Papua Niugini na

Indonesia i wanbel long wokim.

Ol papagraun bilong Bewani i narapela tupela projek. Lukluk raun long pis i stap long ol raun wara long Senteni Pis Pam na ol pukpuk long Enrop Pukpuk Pam.


Ol i lusim Jayapura na go bek long Vanimo long Fonde Novemba 1. Planti long ol papagraun i namba wan taim bilong ol long go "ovasis" long Jayapura na ol i pret long lusim hotel ol i slip long en.

Vanimo Grin Distrik Edministreta George Jelsiwi i tokaut olsem ol papagraun inap mekim wokabout olsem i go long Kimbe o narapela hap we i gat wel pam.

tasol kos bilong mekim longpela wokabout na bikpela deligesen olsem bai kos bikpela mani tru. Olsem na long sevim mani dispela papagraun deligesen i go long Argo we i klostu long Vanimo na Bewani.

Long dispela taim, wanpela konsalten na seveya i kamap pinis long Vanimo na go long Bewani.

Long karim aut ol wok painimaut long dispela 12,000 hekta graun. Papagraun: kampani, Wowel Risoes i tingting long yusim long planim wel pam.



• Olpela Australian Hai Komisina David Irvine i hamamas long kisim dispela presen bilong ol Sepik pipel. Slef Somare i hamamas wantaim ol.

Wok painimaut long pinisim malaria

ADAM ELLIOTT
i raitim

SAMPELA helt wokas long Madang i wok strong long kamapim wanpela marasin we bai pinisim sik malaria olgeta.

Taim mipela i kisim sik malaria yumi save kisim kain marasin olsem kwinen long stapim sik tasol em i no save pinis olgeta.

Long Madang em ol helt wokas na dokta i wok strong long traim painim wanpela

marasin we bai pinisim sik olgeta long blut na bodi bilong ol manmeri.

Dispela wok i save kamap long olgeta hap long kantri olsem long Sepik tu tasol las tes em ol i mekim long Madang long Institiyut ov Medikel Rises (IMR).

Dokta Alfred Cortes em wanpela dokta bilong kantri Spain na em i wok long go pas long mekim wok painimaut bilong marasin bilong malaria.

Dispela wok painimaut long Madang i kisim bikipela sapot i

kam long gavman bilong Australia tru long AusAID program bilong ol.

Dokta Cortes i tok bai ol i wok yet long dispela projeck long mekim dispela marasin bai helpim ol pipel long kantri.

Malaria i save bagarapim planti pipel long kantri na taim em i stap long bodi bilong man em i ken kamap gen sampela taim bihain.

Sapos dispela wok painimaut i kamap gut bai marasin i pinisim sik olgeta na nogat moa wari long sik.

Tisa mas wok strong yet

HETMISTRES bilong Jomba Praimari skul long Madang Alice Bossi i tok ol tisa long provins bai bungim planti hevi tru long wok bilong ol tasol ol mas noken les na wok strong.

Em i tok planti kainkain hevi bai kamap long mekim ol i tingting long lusim wok ol i laik mekim tasol ol noken tingting olsem na wok strong yet.

"Noken mekim wok bilong yu olsem tisa bikos yu laik amamasim ol bikman long opis antap, yu mas mekim wok bilong yu bikos yu laikim wok bilong yu," Misis Bossi i tok.

Planti tisa taim ol i pinisim skul bilong ol long kamap tisa ol i save ting olsem wok bilong ol bai isi tru.

Sampela i tingting long stap long taun na sampela i laik go long rural eria na ol i ting olsem wok bilong ol bai isi.

Long ol rural eria i gat gupela rot na tu bai nogat rot sampela taim tasol ol i mas wok strong yet.

Misis Bossi i tok ol tisa i mas

tingim ol liklik pikinini long ol rural eria husat i putim bikipela bilip bilong ol long han bilong ol tisa long lainim ol gupela samting.

Ol tisa i save wok strong long lainim ol pikinini em ol pipel bilong kantri long bihain na ol i mas laikim tru wok bilong ol.

Misis Bossi i tok maski gupela rot o nogat bris i stap ol tisa i mas go het yet long wok long helpim ol pipel bilong bihain.

Em i tok em yet wanpela tisa na ol i mas wok strong long sapotim ol yet long mekim wok bilong ol.

Moa singaut tu i go yet long ol atoriti long helpim long mekim wok bilong ol tisa kamap gupela bikos sapos ol tisa i painim moa hevi bai ol i no inap mekim wok bilong ol gut.

Long Madang provins yet em planti ol rural eria i save gat skul em komyuniti yet i save helpim long lukautim.

Taim ol komyuniti i mekim olsem bai skul i ken stap gut na ol pikinini bilong ol i ken lainim samting.

Ol mama lainim gupela samting long woksop

ADAM ELLIOTT
i raitim

SAMPELA meri long Sisiak 1 ausait tasol long Madang i bin holim wanpela woksop long kisim save long we bilong planim gupela kaikai long kisim mari na kaikai bilong famili.

Woksop ya em Faundesen fo Pipel na Komyuniti Developmen (FPCD) i bin helpim long kamapim na progrem opisa Dege Naus i go pas long helpim long skulim ol meri long dispela samting.

Mista Naus i tok ol meri i lain long mekim ol kaikai olsem pinat bata, jam na kodiel. Ol i yusim ol kaikai em ol yet i planim long gaden bilong ol.

Wanpela man nem bilong em Max Dowal i bin givim mani long helpim ol mama long woksop bilong ol.

Mista Dowal i bin wok wantaim Praimari Industri na em i save long wok bilong FPCD.

Em i tok planti taim ol mama long setelmen na viles i no save kisim helpim long traim kamapim gupela sindaun long famili na em i givim sapot long dispela



• Ol mama lainim planti gupela skils long woksop.

wok. Mista Dowal i tok em i save long hevi ol mama i save karim na em i yusim mani bilong em yet long helpim ol.

Planti mama i bin kam long woksop na ol i amamasim tru bikos planti samting em ol i no bin save em ol lainim long woksop.

Mista Dowal i tok planti moa mama na meri long Madang i mas lukaut long kain woksop em FPCD bai holim long provins bihain taim bikos em bai helpim ol moa yet long kamapim gupela sindaun.

Bihain long ol meri i skul long dispela kain woksop bai ol i save long mekim ol kaikai em ol yet i planim long gaden na tu ol i ken salim sampela kaikai bilong ol.

Sampela mama i tok taim ol baim kodiel long stoa long mekim ais blok long salim ol i no mekim planti profit.

Tasol taim ol i mekim wantaim muli o beri em ol yet i planim ol i save mekim gupela mani tru.

Wanpela mama husat i go long woksop em Mis Esther Yambo na em i tok em i kisim planti

helpim tru.

Em i tok olgeta samting nau em mani tasol bai ol i yusim long kisim long helpim famili bilong ol.

Kain samting olsem skul fi, haus sik fi, wara bil na kaikai em olgeta bai nidim mani olsem na kain skul i helpim ol.

Mis Yambo i tok ol pikinini i no save laik kaikai kumu na long woksop ol i lain long mekim sup wantaim kumu bai ol pikinini i ken kaikai.

Ol i kisim gupela skul tu long we bilong kukim ol kaikai nabaut.

Rural eria mas gat moa AIDS aweanes

JAIVE SMARE
i raitim

WANPELA volentia bilong HIV/AIDS long Madang i tok ol aweanes kempem nau i wok long tingim ol pipel husat i stap long siti tasol na i no go long ol rural eria.

Dispela man em Alois Ulan na em i tok kain aweanes we Nesenel Aids Kaunsil i kamapim em i gupela.

Ol aweanes i tingim ol pipel bilong siti na taun husat i ken ritim niuspepa na harim long redio na lukim long TV tasol ol lain long rural eria i nogat kain samting bai ol i lukim na kisim save long AIDS tu.

Mista Ulan i tok ol pipel long rural eria em ol i stap tu na nogat we

bai ol i save long sik bai kamap long ol olsem wanem.

"Ol viles na rural eria i no save long dispela sik i save kamap olsem wanem bikos ol i nogat gupela save long sik," em i tok.

Mista Ulan i tok wanem kain helpim nesenel gavman i laik givim em i mas tingim olgeta hap eria bilong kantri na maski long tingting long bikipela siti na taun tasol.

"Wanem kain mani ol pipel bilong siti na taun husat i ken ritim niuspepa na harim long redio na lukim long TV tasol ol lain long rural eria i nogat kain samting bai ol i lukim na kisim save long AIDS tu."

Em i tok em i mekim planti wok tru long ol rural eria long provins

na em i tok ol rural pipel i mas kisim moa aweanes toktok long dispela sik nogut.

Long narapela sait tu em ol lain husat i gat sik long ol rural eria i painim bikipela belhevi taim ol wan lain bilong ol yet i les long lukautim ol.

Mista Ulan i tok sampela i save toktok long pes bilong ol olsem ol i laik kilim ol i dai.

Dispela kain tingting i stap bikos ol i no save gut long we bilong kisim AIDS.

Ol i no save olsem yu i no inap kisim sik ya taim yu holim man o meri husat i gat sik. Sik i no save go nating long man o meri pikinini.

I gat bikipela nid tru long mekim gupela aweanes long rural eria.

Volentia redi long taim nogut

MADANG Red Kros brens i bin holim wanpela woksop long soim ol wokas long we bilig wok gut long taim bilong taim nogut o disasta.

Siaman bilong Madagn Red Kros Maureen Hill i tok as tingting bilong holim dispela woksop em long soim ol volentia na ol memba long kainkain we bilong wok long helpim komyuniti taim bikipela taim nogut o disasta i kamap.

Taim ol i lainim dispela kain pasin bai ol i save gut long wanem kain bagarap i save kamap long olgeta hap bilong kantri na i no Madang tasol.

Long taim bilong woksop ol i lainim wanem kain ol ples long kantri i save kisim wanem kain bagarap na tu ol i save gut long wanwan provins na hevi ol i save pilim.

Planti hap long kantri em ol pipel i save painim bikipela hevi tru bikos ol i no save long we bilong helpim ol yet taim bagarap i bungim ol.


Yumi save harim graun i bruk, maunten i paia na solwara i bruk i kam na bagarapim olgeta samting tasol yumi mas tingting gut na redi long kain taim olsem.

Misis Hill i tok wantaim dispela kain tingting bilong redi ol i kamapim dispela woksop bai ol volentia i ken redi gut na save long wanem kain wok ol i mas mekim taim bagarap i kamap.

Em i tok long Madang yet taim bilong san i save kamap strong na nogat wara i save kam na ol pipel i save painim hat tru long kisim wara.

Ples i save smel taim ol i no yusim wara long toilet na mekim ol manmeri pikinini i save painim bikipela sik tru. Long dispela woksop ol i lainim we bilong bungim wara long kainkain we bai ol i ken helpim ol pipel long taim nogut.

Madang em i wanpela gupela provins na ol i laik redi taim hevi i painim ol.



• Vais Minista bilong Turism Ginson Soanu i bungim ol pipel bilong Wasob ples insait long Madang provins long wanpela bungim.

Goroka yunivesiti laikim moa graun long gro bikpela

YUNIVESITI bilong Goroka (UOG) i tingting long surikim olgeta klasrum, laiberi na samting bilong skulim ol sumatin i go long wanpela hap tasol.

Vais Sansela bilong UOG Dokta Masuwe Sinebare i tok hevi i stap

long graun. Skul i nogat inap graun bilong muvim ol samting raun.

Em i tok em bai gutpela long surikim olgeta samting olsem haus slip bilong ol tisa, sumatin na arapela wok manmeri i go klostu long sait bilong Hailans Haiwe na larim

ol samting bilong lainim sumatin i stap wansait.

Nau yet olgeta klasrum na haus slip bilong ol tisa na sumatin i stap long wanpela hap tasol.

Dokta Sinebare i tok em i gutpela long ol kisim spes bilong pulim win na mekim gutpela

skul wok. I no long taim i go pinis olpapagraun bilong eria i bin kros wantaim gavman long ol i no peim graun we yunivesiti i sanap long en.

Dokta Sinebare i tok tu olsem em bai gutpela long ol i sanapim wanpela senta we olgeta

sumatin i ken bung bilong pilai, miting, stadi na sindaun stori tasol mani i nogat olsem na dispela i hat.

Em i tok sapos i gat inap spes bilong graun, ol inap mekim planti samting.

Aninit long rifom,

kantri i nidim moa tisa tasol samting bilong helpim ol long skulim ol sumatin i no stap.

Em i tok planti sumatin save aplai long kam tasol em i hat long ol i kisim olgeta long wankain taim.

Dokta Sinebare i tok

planti skul insait long kantri i nogat inap tisa na i painim hat tru i stap.

Em i tok gavman i no save givim mani ol i askim bilong bringim developmen na senis long yunivesiti i ken kisim moa nupela sumatin.

Hailans Haiwe bagarap tru

PEKU PILIMBO i raitim

HAILANS Haiwe i bagarap tru na inap bagarap olgeta sapos gavman i no stretim bris na rot hariap.

I no long taim i go pinis dispela niuspepa i go raun long Goroka i kam olsem long Kainantu, Kompri, Henganofi, Yonki, Aiyura na Kassam Pas i no stap gut.

Planti hul wankain mak olsem hul bilong maunten paia i stap na ol ka i no save go i kam hariap.

Planti PMV bas i no ron

bikos ol i les long bagarapim ka na westim mani long fiksims.

Ol bikpela bisnis tu i pret na planti kago billong Hailans i kam daun tu i no save lusim ples hariap i kam daun long Lae.

Olgeta bris i stap long mak bilong pundaun stret. Taim bilong drai sisen na olgeta samting i orait tasol taim liklik ren, wara bai inap karim olgeta liklik bris we nau bagarap nogut tru na i stap.


Wankain pasin i kamap long haiwe tu na planti foawil draiv ka i ken isi long abrusim ol hul na i kam

tasol planti arapela bai painim hat tru.

Planti taim, bensin, spea pat mani i save lus nating.

Hailans Haiwe i stap olsem namba wan taim ol i wokim. Nogat sampela senis i kamap wankain olsem senis long namba bilong bisnis, ka na manmeri we wok long kamap bikpela olgeta yia.

Nesenel na Provinsel gavman i mas lukluk long dispela haiwe hariap bikos kopi, gol, kopa, oil na ges bilong Hailans sampela taim i save bihainim Hailans Haiwe long kamap long Lae.



Hailans Haiwe i bagarap tru. Ol foa wil draiv ka olsem long piksa i orait long ron. Bikpela trak na PMV bas save painim taim stret. Foto: PEKU PILIMBO.

Olgeta pipel mas baim ol sevis

PEKU PILIMBO i raitim

OLGETA pipel bilong Goroka i mas peim mani bilong wara bai mani i ken stretim ol samting olsem paip, rot na baim marasin bilong stretim gutpela wara saplai.

Woks Menesa bilong Goroka Taun Paul Ambane i tok planti viles na setelmen arere long Goroka taun i no peim wara na wankain taim ol i save larim wara ron long laik bilong ol.

Long wanpela lukluk raun i no

long taim i go pinis, Mista Ambane i tok planti pipel i no save peim wara bil.

Long wankain taim ol pipel i save larim wara ron long laik na i no ting olsem taun kaunsel i wok long mekim bikpela wok long stretim.

"Ol pipel i no luksave olsem mipela (Goroka Uban Lokel Level Gavman Kaunsel) i save westim bikpela mani t long peim ol wok manmeri, baim marasin bilong stretim wara saplai, putim paip na mekim planti arapela samting.

Em i tok ol pipel peim takis long wara bilong bai gutpela tasol ol i no save mekim olsem na em i no

wanbel tru.

Long wanpeal lukluk raun long wara saplai sistem, gavman bilong Japan aninit long Japan Intenesenel Coporesen Ajensi (JICA) i promis long stretim na kamapim bikpela wara saplai projek.

Wok bilong kamapim wara saplai paip long Jokijo riva i kam long wara saplai eria bai kamap klostu.

Gavman bilong Japan bai givim klostu K29 milien bilong stretim dispela wara saplai projek.

Sampela hap bilogn K29 milien bai go long wara saplai projek bilogn Lorengau long Manus

provins tasol luk olsem bikpela bai go long Goroka.

Toktok i stap olsem bikpela kampani bai kam long Japan yet tasol ol liklik kampani bilong ples bai kisim kontrak long projek.

Kampani bai stretim wara saplai projek i go bikpela na wankain taim putim foapela nupela tenk bilong wara saplai i ken stap.

Mista Ambane i ting olsem dispela em bikpela helpim tru na ol bai traim stretim na putim sampela lo bilong mekim ol setelmen na viles klostu husat kisim wara saplai i mas peim long yusim sevis.

Goroka plis holim 5-pela man

SAPE METTA i riatim

LONG wik i go pinis plis long Goroka i holim 5-pela man we ol i bilip olsem i bin kamapim planti stil pasin insait long Goroka taun.

Ripot i kam long Goroka plis stesin i tok ol plisman i bin go daun long Goroka setelmen arere tasol long Goroka taun na i bin holim pasin dispela 5-pela trabel man insait long wanpela reid em ol i bin karimaut insait long dispela setelmen.

Ripot i tok plis i bilip olsem dispela 5-pela trabel man i bin kamapim ol stil pasin we ol i bin brukim bikpela stua haus bilong Courts Furniture na stilim planti bikpela samting olsem redio kaset, TV skrin, vidio kaset, pawa jenereta na planti arapela samting moa we i kos planti tausen kina.

Provinsel Plis Komanda, Winnie Henao i tokim Wantok olsem dispela em i no pes taim long ol stilman i mekim dispela stil pasin long Courts.

Em i tok insait long 10-pela mun bilong dispela yia, ol stilman i bin brukim Courts 4-pela taim na stilim pinis planti samting.

Mista Henao i tok bihain long mamba 4 taim, taim ol trabel man i brukim Courts, em i kisim ripot olsem ol stilman ya husat i stilim ol samting i save i stap long Genoka setelmen. Na em i salim ol plisman i go daun long hap na ol i holim pasin dispela 5-pela lain. Em i tok ol trabel man ya i stap nau long rumgat na ol plisman karim aut moa reid na traim long holim ol arapela husat i hait yet i stap.

PPC Henao i tok lukaut tu long ol mama long was gut taim ol i raun long taun long stua.

Em i mekim dispela tok lukaut bihain long em i kisim planti ripot na komplem long ol stilman i wok long pulim bilum bilong planti mama na ol arapela meri tu na ronawe.

"Dispela pasin i wok long kamap bikpela tru insait long taun eria olsem na mi laik askim ol meri long was gut taim ol i raun long taun," Mista Henao i tok.

Pekpek bilong Goroka go long rong hap

PEKU PILIMBO i raitim

PAIP i bagarap pinis na blok na olgeta pekpek bilong Goroka taun we inap kamap long Seigu sewes pond i ron na i go daun long wanpela liklik wara bilong setelmen.

Woks Menesa bilong Goroka Taun Paul Ambane i tok olsem pekpek wara i bagarapim tru wara na pipel husat slip arere.

Em i tok ol lida i mas lukluk long dispela na stretim hariap bikos laip bilong ol manmeri i bikpela samting tru.

Em i tok paip i bilong bipo tru na i karim ol pipia bilong taun i go longpela taim na i bagarap.

Mista Ambane i tok Hai skul tasol i salim pipia long hap tasol ol narapela hap bilogn taun i no go long ples bilogn pipia stret.

Em i askim lida bilong taun long lukluk long dispela na painim sampela mani bilong streim dispela hevi.

Mista Ambane i wari tru na i bin askim ol niusman go lukim ples we pekpek inap go long en.



Ples we pekpek bilong Goroka taun inap kamap long en i drai nogut tru na stap nating. Em i gutpela sapos ol lida givim mani bilong putim paip na putim pipia bilong Goroka Taun long ples bilong em stret. Foto: PEKU PILIMBO.

Ples i drai nating i stap. Olgeta paip i bruk nabaut na nogat wanpela pipia bilong taun i kamap long hap.


Goroka i gat klostu long mak bilong 30,000 man

meri i stap na namba i wok long go bikpela wanwan krismas na sapos dispela wok bilong putim pipia bilong taun i no kamap ol pipia inap bagarap ples.

Olgeta sapos ol lida givim mani bilong putim paip na putim pipia bilong Goroka Taun long ples bilong em stret.

bilong olgeta lida bilong taun i wari olsem Mista Ambane i wari, em bai gutpela long lukim ol narapela lida bilong komyuniti na gavman sanap wantaim long stretim dispela hevi

long stretim dispela hevi



DEPARTMENT OF LANDS AND PHYSICAL PLANNING

**TOKSAVE I GO LONG OLGETA MANMERI HUSAT HOLIM
GRAUN BILONG GAVMAN INSAIT LONG PAPUA NIUGINI**

Dipatmen bilong Lens and Phisical Plening i laik toksave long olgeta manmeri husat holim graun bilong gavman insait long kantri olsem wanpela progrem bilong kisim mani bilong graun i redi pinis long kisim mani ol manmeri i no peim yet.

Manmeri husat holim graun bilong gavman insait long Papua Niugini i gat dinau mani ol no peim yet i sanap long mak bilong K56 milien long rent bilong graun. Dispela i karamapim moa long K14 milien rent mani bilong 2001 ol pipel i no peim yet.

Dispela toksave i bilong tok klia long olgeta man husat holim graun bilong gavman tasol i no peim rent i mas traim pinisim peim olgeta rent mani bipo long pinis bilong mun Novemba 2001 o stretim toktok wantaim dipatmen nau long wanem taim yu bai peim sapos yu gat bikpela dinau bilong bipo i stap yet i kam inap nau.

Sapos yu lukim dispela toksave tasol yu no mekim wanpela samting long bekim na dinau i stap i go abrusim mun Novemba, bai mipela mekim olsem:

MIPELA BAI (a) Husat brukim lo na holim graun bilong gavman wantaim nogat developmen na tu i no peim graun rent insait long 6-pela mun. Mipela inap givim em toksave pepa na askim em bilong wanem em mekim dispela pasin na mipela inap rausim graun long em aninit long seksen 122 bilong Land Act.

OR (b) Ol man brukim lo tasol holim graun wantaim sampela senis tasol ol i no peim graun rent o dinau i winim moa long 6-pela mun bai inap kisim pepa we tok amas dinau ol i gat na ol i mas p[eim hariap. Sapos nogat wanpela pe i kamap, mipela bai kisim ol i go kot long traim kisim rent mani na long brukim lo, mipela inap fainim em long amas graun em holim na amas mun em yusim nating na amas mani em i gat dinau wantaim mipela

GUAO K. ZURENUOC, OBE
Secretary for Lands and Physical Planning

Selsmen kisim bagarap long han

SAMPELA lain manki long 2 Mail setelmen namel long 6 Blok long Lae siti i bin holim wanpela selsmen bilong Milo kampani long las mun..

Ol man nogut i bin

traim long kisim sampela samting long em insait long ka.

Tasol bikman ya i bin spitim ka i kam aut na ol i pairim gan na sutim em we em i kisim bagarap long han

bilong em.

Wanpela bikman long selsmen i bin tok klostu tru ol i brukim het bilong em tasol katres i bin abrus na kisim han bilong em na rausim olgeta mit bilong em.

Osenik rekoting studio long Lae siti askim sapot

DAPSY MINGKA i raitim

WANPELA studio long Lae siti Osenik Rekoting Studio save stap long Indo Spots Stadium i bin stap 4-pela krismas olgeta. Papa bilong dispela studio Mist Kenny Lucas i tok mi laik stopim wok studio bilong mi bikos i nogat gutpela sevis na helpim long dispela studio.

Mista Lucas i tok, planti bilong ol yuts manki long Lae siti insait long Morobe provins i gat save na moa save long musik tasol gavman bilong yumi long Morobe provinsel gavman lus tingting yet long ol yuts na i no luksave long laikim bilong ol yuts manki bilong yumi we i nogat wokmani bilong ol. Mista Kenny i tokim olsem, mi askim Gavana bilong yumi Morobe long helpim mi long bildim ap dispela studio Osenik long sapotim ol yuts long gutpela amamas na sindaun bilong ol long mekim ol stap gut long rekotim musik bilong ol.

Tasol nogat wanpela gutpela ansa i kam long Gavana bilong Morobe.

Mista Kenny i tok dispela em i wanpela gutpela wokmani long mekim ol wok manki bilong Morobe stap isi bikhet long strit o wanem kainkain hambak pasin insait long siti.

Mista Kenny Lucas i tokim *Wantok* olsem, mi laik salim dispela rekoting studio long K60,000 na husat i orait i ken lukautim bilong em na mekim wok long dispela na sapotim yut manki bilong yumi insait long Morobe.

Em i tok Morobe i gat gutpela singsing tumbuna long tredisinel na tu em i kalsa provins tu. Em i tok i gat kainkain save musik man na meri bilong Morobe i stap, kain olsem sios gospol na wimens Kwaya na tieta grup na sampela atis bilong musik we ol i kam long Morobe provins ol i stap insait long Lae siti. Em i tok nau yet 2001 bai no i stap inap 2002 bihain long ileksen bai mi go bek long ples bilong mi. Sapos yu husat laik rekotim musik bilong yu plis hariap long kam long rekotim keset bilong yu.

Dispela rekoting studio i stap insait long Lae Indo Spot Stadium long Lae siti.

Pangu strongim Morobe brens

YAKAM KELO i raitim

PANGU Pati brens long Morobe i askim ol sapota bilong pati long sanap strong na sapotim pati yet long dispela taim.

Vais presiden bilong Pangu Pati brens long Morobe James Enoga i tokim moa long 500 manmeri long provinsal brens miting tas wik long Lae olsem Morobe

bai sanap yet olsem asples bilong Pangu bikos Pangu i kamap long Morobe olsem na ol pipel i mas sanap strong long pati bilong ol.

Mista Enoga i tok Papua Niugini tude i lukim planti kainkain nupela pati i kamap na ol i toktok long planti kainkain tingting na save bilong ol we ol i laik karimaut sapos ol i winim ileksen na kisim gavman. Tasol ol pipel i noken lusim tingting tu

long ol lain i save gut long ol hevi na wok na em i sanap strong yet long karim hevi bilong ol pipel na kantri. Pangu Pati i bin stap insait long planti wok na ol samting i bin kamap long kantri na em i save long rot bilong stretim na kisim kantri i go het yet, em i tok.

Insait long dispela provinsal brens miting, ol sapota wantaim ol komiti na ol kendidat bilong neks yia i bin kamap na stap insait

long toktok na tromoi ol tingting bilong strongim ol wok bilong pati.


As bilong, dispela bung em bilong kirapim na strongim gut brens operesen bilong pati na stretim ol wok bilong em long go insait long 2002 nesanel ileksen long neks yia.

Mista Enoga i tok amamas long ol sapota na ol lain i kam long dispela miting we i soim olsem ol i sanap strong yet wantaim Pangu Pati.

Morobe brens presiden John Wia i tokim *Wantok* olsem em i stap long Mosbi long sampela wok bilong pati na em bai go bek long Lae we Morobe Pangu konvensen bai kamap long Novemba 25 long dispela mun.

Mista Wia i tok em i amamas long ol lain i kamap long las i wik bung na em bai amamas long lukim moa pati sapota i kamap long konvensen long Novemba 25 long Lae.

Ol nupela interum eksekutiv bilong Morobe brens em; James Enoga Vais Presiden, Aden Awakire Tresera, Semu Amoa Seketeri na Pota Nuo olsem Kodineta.



• Olpela Minista Ludger Mond (lephan) i givim ki bilong opis i go long nupela Minista bilong Hausing, Ginson Saonu.

Beroleki wokim pespela miting bilong ol



• Beroleki grup i bungim ol yangpela manki Slo long Finsafen long kamapim dispela kalsa grup long go raun putim kainkain pilai long publik.

BEROLEKI Tieta Grup long Lae siti i bin bung long Botoanikal Gaden long Fonde las wik long Lae siti.

Bikman bilong ol Mista Apolo Jacob Instrukta bilong ol i bungim olgeta yet na strongim tim spirit bilong ol na givim gutpela tingting na toktok long ol long we biong kamap olsem Kalsa Tieta Grup we ol i kamapim.

Mista Apolo i tok dispela em i ats pefomens grup nau na i no pilai ap tim we yumi joinim.

Em i tok dispela wanpela olsem skul we yumi bin skul, na greduet na long hai skul i go nesanel hai skul i go yunivesiti, olsem nau yumi wok long skul long lainim drama danis na ekt na ol steps.

Mista Apolo Jacob i tok long kalsa bilong waitman olsem, taim yu

go long Yunivesiti o koles long 4 tu 5 yia em bai yu kamap olsem mekenik o enjinia kain olsem long kalsa tieta grup. Dispela miting i strongim ol boi bilong em long strongim ol taim ol i kam ausait long pilai long publik ples o long wanem hap long hotel o long so. Instrukta Apolo i tok, nau yumi yangpela mas tingim gut na strongim dispela tieta kampani

bilong yumi.

Dispela miting i kamap long ol memba mas save na putim long het long stap strongim dispela tieta kampani bilong ol. Instrukta Apolo i tok mipela i statim tieta grup yet na nau mipela i stap long maket long go aut pilai. Olsem na ol i holim dispela bung bilong ol long sapotim ol yet na strongim tim spirit bilong ol.

Balob koles kamapim kalsa so

BALOB Tisa Kolis long Lae i holim wanpela bikpela kalsa so bilong ol long las wik Fraide.

Dispela em wanpela bikpela so stret na i bin kamap long dispela taim long Sarere moning. I bin gat ren drops na ples long insait ausait long feit i bin bagarap tru long graun.

Ol Balob Tisas Kolis i bin haiarim 13 singsing grup bilong wanwan ples insait long Morobe na ol provins olsem Simbu, Hagen, Goroka, Kainantu, Asaro madmen i bin kam long kalsarol so bilong ol.

Dispela taim tu laip konset ben tu i bin pilai. Ol i bin kisim Amun Serum, Lista Serum, ol manki long Balob yet na ol manki long 3 Mail N35, Exmanki Gilgilwan Ben na ben lida bilong memba Sagio Kuwic Waina Kembo Mista Kulix Kuri ol i bin pilai laip wantaim foma ben Meneta bilong Junia Darkends ben Mista Lasi Metere. Em tu i pilai laip wantaim Pingki Pingki Ponki long stets taim ol

manmeri i bin singaut.

Planti musik lain i bin pilai long so bilong Balob Tisas Koles long 12 kilok i go 2 kilok long apinun na insait long so graun tu i bin gat ol plisman na ol studen yet bilong Balob Tisas Koles i bin pulap stret long dispela taim.

Balob feit ya i bin pinis stret long 6 kilok long apinun taim prinsipol bilong Balob i pasin dua na progem bilong tupela de so. Planti haus bilong na rekim mani i bin salim kainkain ol samting olsem kaikai mit kouk abus smok buai na sampela moa samting taim bikpela pait tru i bin kamap long ol ausait man we i bin i go insait long lukim ben konset.

Dispela kalsarol so i bin kamap gut tru na i stap gut inap apinun.

I bin kamap. I bin gat gutpela gutpela tumbuna singsing i bin kamap na tu ol i soim ol wanwan kalsa pasin bilong wanwan ples bilong ol.

Morobe Sevings na Lon Sosaiti, gut edukesen komiti

BOD ov Dairekta bilong Morobe Sevings na Lon Sosaiti makim pinis edukesen komiti.

Tripela dairekta na publik rilesen opisa bilong sosaiti kamapim ol memba bilong dispela komiti. Dispela komiti bai mekim wok long tok save na givim stia long ol memba. Mista Basanu i tok ol bai ol i mekim dispela wok long redio, niuspepa na TV i go long olgeta memba na pipel long Morobe provins.

Em i tok olsem mipela i kolim dispela namba wan pepa i kamap long edukesen komiti olsem, stia tok "A 2000" na "kaikai bilong tingting." Mista Passingan i tok edukesen komiti bilong sosaiti i laik bai ol memba mas kisim stretpepa na gutpela tok klia long wok sosaiti i wok long mekim long dispela taim, stat long namba 3 mun Mas long yia 1999, i kam inap long namba 12 mun

Disemba 1999.

Em i tok toktok bilong stretim tu bel bilong sampela manmeri i stap tu long dispela stia tok long ol liklik pepa pampréts wantaim tingting o plen bilong ol wok bai sosaiti laik kamap long yia 2000 na i go. Dispela em i tok i go pas bilong dispela Morobe Sevings na Lon Sosaiti i gat liklik pepa olsem niuspepa i stap bai yupela lukim ol i kolim, stia tok "A 2000."

Bikpela lotu helpim Kristen

NAZARENE Sios long Pot Mosbi i bin holim wanpela bikpela bung lotu bilong em long 5-mail sios las wik.

Long dispela lotu planti manmeri, pikinini na yut i bung long lotu na kisim planti skul tru long we bilong lotu tru tru long Papa God.

Het pasta bilong Nazaren Sios long Yunivesiti ov Papua Niugini Geoffery Nokai i tok em i amamas tru long bikpela lotu.

Pasta Geoffery i tok i gat sampela hap eria long laip bilong kristen long kisim helpim bikos yumi man tasol na stap long graun.

Long bung lotu Pasta Geoffery i tok em i luksave pinis long han bilong Papa God em i kisim ol nupela na gutpela tingting we em i no save gat bipo.

Bikpela pasta bilong Hagen sios Reveren Andrew Moime i tokim ol lain olsem nau em i taim nogut na laip bilong ol pipel i stap long ol.

Reveren Moime i tokim ol lain husat i bin bung long lotu olsem nau em i taim bilong lusim olgeta pasin nogut na abrusim pasin nogut na stap long gutpela laip.

Pasta Geoffery i tokim ol Kristen bilong em long yuni olsem nau em i taim bilong lusim rong bilong narapela na tingim gut long we bilong lotu.

Em i tok planti taim mipela i save tingim rong bilong narapela na satan i save yusim tingting nogut long staim pasin nogut long laip bilong mipela.

Pasta Geoffery i tok long bikpela bung lotu em i kisim planti helpim tru na em i laikim olsem pasin bilong ol Kristen i mas strong na noken lusim bilip bilong ol.

Em i tok em yet i pasta tasol em i lukim olsem planti taim long laip bilong em em i luksave olsem helpim i mas kamap long laip bilong em long givim strong long em bai sanap na wok yet long pasta wok bilong em.

Pasta Geoffery i tok bihain long em i harim gutpela toktok Reveren Moime i autim em i tok tingting bilong em i strong olgeta na amamas i kamap long bel bilong em bikos em i save olsem laip wantaim Jisas Krai em i laip we i gat gutpela mining tru.

Pasta karim hevi tasol wok strong yet

WANPELA pasta bilong Luteran Sios nem bilong em Pasta Kamakumul Alai na em i gat 32 krismas. Em i bin wok klostu olsem 11-pela yia olsem pasta long Papua Niugini.


Pasta Kamakumul i tok wok misinari long kamap wokman bilong God i no liklik wok bikos planti taim i gat hevi i save kamap na save traime bilip bilong ol pasta na misinari.

"Mipela ol pasta husat i save wok long bus, maunten, taun o siti i save lukim planti hevi tru taim mipela wok wantaim ol kristen," em i tok.

Ol pasta i no save gat ol mani stap long benka na ol i nogat planti kago tasol ol i save putim bilip bilong ol long Papa God na Kristen bilip bilong ol na ol i save wok strong yet.

"Mipela ol wokman bilong sios tu i save sot tru long mani planti taim long wok bilong mipela tasol em i no bikpela samting," Pasta Kamakumul i tok.

Em i tok God i mekim yumi wanwan long



• Pasta Kamakumul Alai.

karim hevi na bihainim em olsem Baibel i tok olsem na em i save wok long karim hevi yet.

"Long dispela as ol misinari na pasta i mas bihainim lek mak bilong Jisas Krai na karim diwai kros na bihainim," em i tok.

Em i tok ol pasta i save mekim wok i go maski hevi na wari i

bungim ol na ol i mas wok yet inap dai i bungim ol.

Pasta Kamakumul i tok wok bilong ol pasta em long helpim ol kristen na bringim ol i kam bek gen long banis na lukaum ol.

Em i tok em i amamas tru long wok em i save mekim na em i laikim bai ol narapela husat i wankain olsem em i mas wok strong yet.

Pasta Kamakumul i greduet long seminari long Finsafen long Morobe provins na bihain long em i pinisim skul bilong em em i go stat wok long Kainantu long 1994. Em i stap foapela yia long hap na bihain em i go wok long Simbu na long las yia em i go wok pasta long Karkar.

Em i tok bai em i sanap strong yet long mekim wok bilong Papa God long wanem hap em i go maski hevi o traime i bungim em.

Kristen tisa bung long insevis

PAULUS TALI i raitim

ROT I Gat Laip opis long Lae i bin kamapim wanpela bikpela insevis kos bilong ol tisa long Bialla long Kimbe Wes Nu Briten provins.

Kodineta bilong Rot I Gat Laip opis long Lae Mista Lukas Waka i tokim Wantok Niuspepa olsem em i bin givim dispela insevis kos long olgeta tisa long Kimbe.

Dispela kos i givim skul long gutpela we ol tisa i ken skul long lainim gut ol pikinini na studen bilong ol long klasrum.

Planti gutpela kain progrem i save kamap long Rot I Gat Laip long we bilong soim Kristen pasin long wanpela na narapela.

Mista Waka i tok em i gutpela long lainim ol tisa olsem bai ol i ken save gut long wanem



• Ol kristen tisa bung long Kimbe.

samting ol i laik tisisim.

Em i tok ol tisa i mas save gut long wanem kain ol progrem i stap insait long buk ol i laik yusim. Taim ol i gat dispela gutpela save em bai isi tru long ol i lainim narapela man o meri.

Long dispela as tasol ol i kamapim insevis kos bilong ol tisa long Bialla long opim tingting bilong ol tisa.

Ol tisa husat i bin bung long kisim kos i tok ol i amamas tru long kain kos ol i kisim na ol i tok nau ol i laik tru long lainim narapela long samting ol i kisim save long em.

Ol i tok nau ol inap gat sans long mekim wok long strongim sios na helpim ol lain i ken kamap kristen.

Wok bilong misinari

na pasta em i no bilong wanwan man tasol. Nau em i taim bilong olgeta long wok bung na kamapim gutpela sindaun.

Distrik level i go long viles level em ol i nidim toktok bilong Kristen bilip na we bilong gutpela sindaun em Papa God tasol inap long givim ol pipel bilong kantri.

Sios gat plen bilong yut long kantri

HILDA WAYNE i raitim

NAZARENE Sios i gat bikpela plen tru long autim toktok bilong Jisas Krai taim ol i laik yusim radio long mekim lotu wok.

Dispela plen i stap yet na ol toktok tasol i stap long mekim wok i ken go het yet.

Het Pasta bilong Yunivesiti ov Papua Niugini i toktok long dispela wik olsem ol bikman bilong sios i bin bung pinis long toktok long dispela samting.

Em i tok wanpela radio stesen long Mosbi i givim tok orait long Nazarene sios long kamapim ol progrem na dispela em ol i amamas tru.

Pasta Geoffery i tok ol i no kamapim wanpela progrem yet tasol em i tok bai ol i lukluk long

laip bilong ol pipel long kantri na ol yut na toktok long ol long wanem kain samting i save bagarapim laip bilong ol yangpela long dispela de.

"Long laip bilong olgeta yut long tude em i gat tupela we i stap. Wanpela em we pasin bilong graun i soim yumi na nambatu em we bilong Jisas Krai i soim mipela," Pasta Geoffery i tok.

Bai ol i toktok long edukesen, helt, prenpren, sosollaip, sindaun long famili na we bilong kamapim gutpela sindaun long komyuniti.

Pasta Geoffery i tok taim olgeta wok i redi bai ol yut i ken kamap long radio na tokaut long wanem kain tenis i kamap long laip bilong ol taim ol i kisim Jisas Krai i kam insait long laip bilong ol.

"Sampela ol yut husat i save simokim spak brus tu i stap na bai ol i tokaut long wanem nogut samting i stap long dispela samting," em i tok.

Pasta Geoffery i tok ol bikpela loya o opis man husat i stap long bikpela wok tu i bai tokaut long kain laip we i stap ananit long Jisas Krai.

Plantu yut long dispela de i wok long bihainim pasin nogut tasol em i tok Nazarene Sios i laik wok strong tru long helpim ol long toktok bilong Jisas Krai.

Taim sios i yusim radio long mekim toktok olsem bai i gutpela long planti moa yut i ken save olsem i gat gutpela laip i stap.

Pawa em i stap long han bilong ol sapos ol i laikim dispela gutpela laip wantaim Krai o ol i laikim pasin bilong graun.



• Wanpela baibel drama i ka m long Lae. Fail foto.



Tok Piksa Bilong Bosboi

Sapos wanpela man i save lukaut long ol liklik samting, orait em bai i lukaut gut long ol bikpela samting tu. Na man i save mekim pasin i no stret long ol liklik samting, em bai i mekim pasin i no stret long ol bikpela samting tu. Sapos yupela i no save lukaut gut long man i nogut bilong dispela graun, orait husat bai i givim samting tru long yupela bilong lukaum? Na sapos yupela i no lukaum gut ol samting bilong narapela man, orait husat bai i givim yupela ol samting bilong yupela yet?

Luk 16: 10 - 12

Zeipi laik train Westen provinsal sit

OLPELA memba bilong palamen Perry Zeipi i laik salensim rijinol sit we Gavana Nobert Makmop i holim tude.

Mista Zeipi i tok i gutpela long ol pipel bilong Midel Flai eria olsem long Suki, Gogodala na Leik Mari i holim ol sit long 2002 nesenele iksen.

Bikos ol dispela eria

i no save kisim wanpela gutpela luksave na helpim i kam long ol nesenele lida olgeta taim inap nau.

Em i askim ol pipel bilong Westen provins long lukim gut na glasim gut man bai ol i ken mekim gutpela na klia disisen long husat bai ol i ken votim bai ol i ken votim gutpela lida we ol i noken wari

long bihain.

Sapos ol i makim rong lida, ol bai wari inap 5-pela krismas bihain.

Mista Zeipi i tok Westen provins i wok long pundaun longpela taim i kam na nau em taim bilong ol gutpela na strongpela lida long kamap na bringim bek provins i kam bek long rot bilong kisim sevis

na developmen.

Long dispela taim tu Mista Zeipi i tokaut olsem em i gat tupela man we bai sanap long Saut Flai na Midel Flai ilektoret. Tupela bikman ya em Isaac Goaba na Sinclair Gora.

Mista Goaba em wanpela Intenel Odita wantaim Helt Dipatmen na Mista Gora em wanpela loya bilong Provinsal Gavman na tu loya wantaim ol pravit lo kompani long Mosbi.



Mekim saksak em hat wok • Meri Kerema soim stall bilong ol Kerema long wasim saksak long Hiri Moale so.

Nupela klasrum long Kokoda Treil opim dua long moa projek

TUPELA nupela klasrum bai kamap long Sentrel sait bilong Kokoda Treil na dispela bai stat bilong ol arapela projek we bai kamap insait long 5-pela krismas olgeta.

Dispela klasrum bai kamap long dispela mun we kos bilong em i olsem K120,000 na bai ol i wokim klasrum ya long Kavovo top ap na Menari Komyuniti Skul long Kagi.

Dispela em kaikai bilong agrimen ol bikman i bin sainim sampela taim i go pinis namel long Nesenele Kalsarel Komisn (NCC) Rotary Australia, Koiari Developmen Atoriti (KDA) na ol lokal level gavman lida.

Siaman bilong Kokoda Treil

Developmen Projek Komiti (KTDP) na NCC Eksekyutiv Dairekta, Dokta Jacob Simet i tok Oro sait bilong Kokoda Treil tu i stap insait long dispela projek developmen. Em i tok taim ol i pasim sait treil long Oro sait, dispela i kamapim planti hevi.

Dokta Simet i tok em i klia olsem Oro Provinsal Gavman i bin kros long ol wok i no kamap hariap olsem na ol i bin go het na pasim toktok wantaim Nu Saut Wels palamen memba Charles Lynn na Australia Toa Opereta.

Ol i bin mekim dispela bihain long ol i pasim sait rot bilong Kokoda Treil long Oro sait.

Helpim tisa i lusim Kiunga

IAN KAKARERE
i raitim

KIUNGA i lusim wanpela gutpela tisa husat i bin wok long hap tupela krismas olgeta olsem Sains tisa long Kiunga Sekenderi Skul. Dispela tisa em Marc Scott.

Taim Marc i bin stap long Kiunga, planti manmeri long komyuniti i save gut long em.

Em i bin kam olsem volentia o helpim tisa

aninit long Volentia Sevis Ogenaisesen (VSO) long tism Sain tasol em i skulim ol sumatin tu long wok bilong kompyuta long las ya taim AusAID i bin helpim skul wantaim 21 nupela kompyuta.

Marc i skulim ol gret 11 na 12 long kompyuta klas wantaim Pisiks na Kemistri.

Em i givim trening long ol tisa tu long yusim kompyuta.

Marc i save pilai golf tu long Kiunga taun.

Em i lusim famili bilong em i stap bek long Peterborough long Inglan olsem na em i go bek bihain long tupela krismas nau.

Bai i nogat wanpela memba bilong VSO i go kisim ples bilong Marc bikos olgeta VSO woklain i save stap tasol long Momase na Hailans rijon olsem na i nogat man long kisim ples bilong em.

Skul manki dai long ka eksiden

IAN KAKARERE
i raitim

WANPELA gred 3 studen i dai taim em i kisim bagarap long skul long Kiunga long las wik Fraide long moning.

Wanpela bikpela ka i bin rives na kisim manki ya na pasim wantaim simen bilong skul bilding.

Dispela ka i bilong Ok Tedi Maining Limited, Teks Kredit Skim na em i bin karim ol samting bilong wokim nupela klasrum projek long skul ya taim dispela hevi i kamap.

Ol wokman wantaim ol tisa na ol skul studen i bin traime hat tru long pusim ka i go aut long kisim boi ya.

Ka bilong Kiunga Sekenderi Skul i bin kamap na kisim boi ya i go long haus sik tasol em i dai long haus sik.

Draiva bilong dispela bikpela ka i sanap longlong na wanpela tisa i traime long helpim em long

kisim tingting bilong em i kam bek.

Dispela draiva i go long plis stesin na ripot long birua i kamap na plis i holim em long stesin bikos long ol birua we inap long kamap bihainim dispela dai.

Em i tokim ol plis olsem em i no bin lukim dispela boi.

Ol tisa wantaim ol studen i krae nogut tru long lukim dispela birua.

Skul i pas na salim olgeta studen i go long haus bikos olgeta studen i no stap gut wantaim gutpela tingting taim ol i lukim dispela hevi.

Sampela taim bihain, ol i singautim bung we ol lain bilong dispela dai manki wantaim ol lain bilong draiva ya i kam bung bilong pasim toktok bilong stretim dispela hevi we i kamap long manki ya.

Ol lain bilong boi ya i singaut long kampani na ol wantok bilong draiva husat i stap long Kiunga long stretim kompensens long dai bilong yangpela boi ya.

Gordon Tallis na Wally Lewis i kamap long Mosbi

YAKAM KELO
i raitim

WALLY Lewis i bin raun long Mosbi siti long las wik long ol skul na long stedium we planti tausen skul pikinini na ol manmeri i bin i gat sans long lukim em na harim toktok bilong em. Wally Lewis em biknem ragbi pilai bilong Australia na em i save pilai wantaim Broncos ragbi klap. Olgeta manmeri i save kolim em King bilong pilai ragbi.

Long las wik em wantaim Praim Minista bilong Papua Niugini Sir Mekere Morauta i bin raun i go long Hohola

Demonstration Skul na tu long Gerehu Hai Skul.

King Wally i bin gat sans tu long bungim planti yangpela yut bilong Mosbi long Sir John Guise Stedium long Trinde las wik.

Dispela kamap bilong Wally Lewis i pulim ai bilong planti tausen pikinini na ol ragbi lig sapota hia long Papua Niugini we ol i bin traime hat tru long lukim em.

Wally Lewis i kam hia long Papua Niugini long sampela bisnis raun bilong em wantaim ol kampani hia long PNG.

Pastaim long Wally Lewis i kamap long Mosbi, narapela biknem Broncos ragbi lig pilai i

bin kamap wanpela wik pastaim na i go bek. Dispela man em olgeta manmeri i save long em olsem wanpela strongpela fowet man bilong Broncos na Australia tu.

Kepten bilong Broncos Gordon Tallis i bin kamap long Mosbi long mekim maket bilong ol poto kopi masin bilong ol kampani hia long Papua Niugini.

Em tu i pulim planti tausen manmeri na pikinini i go long lukim em na em i sainim nem antap long ol siot, hat, buk na ol samting ol i gat long holim olsem memori bilong ol olsem ol i bin bungim Gordon Tallis pinis.



BANK OF PAPUA NEW GUINEA

PABLIK TOKSAVE

Kina Faciliti Reit (KFR) bilong November 2001

Gavana bilong Benk bilong Papua Niugini i tokaut olsem Kina Faciliti Reit bilong Novemba 2001 bai i no inap senis. Em i stap yet long 12 pesen.

L. Wilson Kamit CBE
Governor

ECPNG amamasim namba tu baptais long Madang

ANDREW ALPHONSE
i raitim

MADANG taun brens bilong Evenjelikel Sios ov Papua Niugini (ECPNG) i holim baptais seremoni long Fins setelmen, we moa moa long 300 manmeri i kamap na lukim.

Moses Bakura wanpela Pastor bilong Wol Visen Intanesenel opis long Hagen i kamap na karimaut dispela seremoni.

Pastor Bakura i tokim ol nupela baptais kristen long sanap strong long bilip bilong ol na strongim wok bilip bilong ol

wantaim Jisas long olget samt-ing ol i mekim long olgeta de long laip bilong ol bai ol i no ken pundaun insait long sampela wik, mun o krismas bihain.

Em i askim ol arapela kristen long helpim na sapatim ol dispela nupela lain long sanap strong long bilip bilong ol long Jisas Kraisis.

Long dispela taim tu, komyuniti lida na bisnisman Joe Tari i tok amamas long ol dispela nupela baptais manmeri na em i tokim ol long bihainim gutpela laip na sindaun we i gutpela long ai bilong komyuniti.

Mi amamas long yupela i bin mekim bikpela disisen tru long bihainim Jisas Kraisis na stap

gutpela laip insait long setelmen na komyuniti tasol salens i stap long yu yet nau, Mista Tari i tok.

Em i tok ol arapela yut bai lukim dispela kain pasin na traim long senisim pasin na laip bilong ol long dispela taim we hevi bilong lo na oda na sindaun bilong ol pipel i bungim planti hevi long dispela taim tude. Planti yangpela i bungim ol hevi bilong nogat wok long ol opis na kampani, ol i kisim na smokim spak brus nabaut na mekim raskol pasin we i mekim bikhet na trabel pasin insait long komyuniti i bikpela hevi tru.

Het Pastor Henry Haluni i tok ECPNG i gat nupela sios long Madang, maski em i bin kamap

bipo na sanapim het kota bilong em long Halongoli long Tari, Sauten Hailans provins.

Kamap bilong sios i bihainim ol hap we kalsa bilong em i go long en we planti manmeri long Fins setelmen long Madang em ol pipel bilong Hela Huli long Sauten Hailans provins.

Sios i bin kamap long Desemba 1998 na long dispela taim i kam i bin gat moa long 150 manmeri i kisim baptais.

Dispela baptais seremoni em namba tu taim long kamap bihain long sios i bin kamap namba wan taim long Madang na holim namba wan baptais seremoni pinis.

Namba wan TV program bilong ol skol

PEKU PILIMBO
i raitim

EDUKESEN Media Senta long Pot Mosbi bai namba wan taim traim kamapim TV program bilong ol skol long isten Hailans, Bogenvil, Sentrel na Is Sepik provins stat long mun Jenuari neks yia. Dairekta bilong senta Paul Mungul i tok dispela mun bai ol i pasim tok wantaim Sony kampani bilong Japan wantaim Pacific International long stre-tim ol dis bilong kisim televisen long ol foapela provins ol i makim pinis.

Em i tok dispela foapela provins i namba wan long traim aut tasol na bihain bai ol i traim surik i go aut long ol narapela provins na kamapim wankain program.

Em i tok tenkyu long Japan gavman husat sanapim Media Senta long mak bilong moa long K13 milien.

Gavman bilong Japan anit long Intenesenel Koporesen Ajensi (JICA) i givim tu ol saveman na sampela masin bilong wok long kamapim ol program long senta.

Dispela nau i kamapim ol program bilong redio na televisen bilong ol skol insait long kantri.

Senta i gat ol kain masin bilong rekotim, katim, miksim na kamapim ol program.

Ol i gat studio bilong rekotim ol singsing tu na dispela em wanpela bikpela samting we bai helpim long givim gutpela edukesen long ol pikinini.

Mista Mungul tok ol program bilong redio i olpela tru na i bin kamap bipo long Independens na dispela ol i laik senisim. Tasol tok orait i mas kam long Curriculum Developmen yunit olsem na ol i wet tasol i stap.

Tasol em i tok hevi bai stap long taim ol skol i painim hat long kisim ol masin bilong kisim piksa.

Em i ting olsem planti skol bai painim hat long kisim TV program bikos ol i stap long bus tru.

Em i tok Nesenel Edukesen Dipatmen i save peim NBC K230,000 wanwan yia bilong kamapim ol program long redio tasol planti bus skol i no save kisim kila ol toktok bilong redio.

Long wankain taim JICA i bin salim planti saveman bilong ol i kam skulim na stap wantaim ol manmeri bilong senta na ol i kisim bikpela helpim tru.

Long wankain taim helpim bai bringim moa edukesen program i go klostu long ol sumatin bilong kantri.

Mista Mungul i tok em i no wanbel olsem olgeta rifom bilong Edukesen Dipatmen i mas kamap long sait bilong redio na vidio tu.

Ol niusman i mas kisim trening long wok long taim-nogut

OL niusmanmeri husat i save go ripot long ol bikpela pait na birua i mas sindaun long sampela kain bung bilong stretim gut tingting na bel bilong ol gut taim ol i kam bek long dispela wok.


Ol niusmanmeri long PNG na long Pasifik kantri wantaim tu ol studen i kisim dispela toktok insait long bikpela bung bilong Pasifik Ailan Nius Asosiesen (PINA) konfrens long Madang las mun.

Patrick Matbob, wanpela sinia niusman i tokim miting olsem em i bin wok wantaim sampela nius kampani na em i lukim olsem taim ol niusmanmeri i go long kisim nius long ol bikpela hevi na bagarap olsem volkeno, solwara i bruk na bagarapim ol ples na ol manmeri o bikpela pait we ol man i dai, ol i no save kisim wanpela toktok bilong stretim het na tingting bilong ol long wanem samting ol i lukim na pilim taim ol i kam bek long wok. Taim ol niusman i lukim stret ol manmeri i dai o bikpela bagarap i kamap stret long ai bilong ol, dispela i save pas long tingting bilong ol na taim ol i mekim wok o stap wantaim famili, ol i save tingim olgeta taim.

Em i tok namba wan taim bilong em long go long Hailans na ripot long wanpela bikpela pait long hap, dispela i no save lus long tingting bilong em olgeta taim na em i no save tokim wanpela famili o ol lain bilong em inap nau.

Mista Matbob i tok tu olsem ol nius ripota i mas kisim sampela kain trening tu long wok insait long ol taim nogut olsem volkeno, solwara i bruk, graun i guria na arapela moa we ol ples na ol samting i save bagarap. Bikos Papua Niugini em wanpela hap we planti taim nogut i save kamap, em i tok.

Can't leave work to get to the Bank?



DISCOVER THE CONVENIENCE OF...



TOLL FREE HOTLINE 180 2333

AS A REGISTERED CUSTOMER, I CAN NOW SAVE TIME AND MONEY WITH PNGBC'S NEW TELEPHONE BANKING SERVICE.

IT'S SO CONVENIENT.

AND WHAT'S MORE IT'S ABSOLUTELY FREE... TOLL FREE IN FACT.

"I SIMPLY DIAL 180 2333 TO DO ALL MY BANKING ENQUIRIES AND MONETARY TRANSACTIONS."



Visit us @ www.pngbank.com.pg

And you could be in the running to win 10 lucky **K100** cash prizes... and other high quality PNGBC promotional items.

HOW TO ENTER:

1. Personal customers of PNGBC can enter the competition.
2. Registered Foreign Customers: Call the entry coupon, 180 2333, and send it to: Foreign Competition, P.O. Box 74, Port Moresby.
3. Customers Not Registered with PNGBC: Obtain an application form from your branch or by calling 180 2333. Complete the application form and the entry coupon, attach them together, and drop them off at a designated area in your branch. The area will be clearly marked.
4. Every Friday, commencing the 26th October 2001, 10 lucky winners from all four regions will have their names published in daily newspapers. There are three levels of prizes, each attracting a variety of high quality PNGBC promotional items.
5. Winners will be contacted and their prizes sent to them.
6. On November 16, ten lucky winners will each win K100.00.
7. PNGBC staff and their immediate families are not eligible to enter.
8. All decisions on any aspect of the competition are final.

Name: _____
 Address: _____
 Tel: _____
 Signature: _____

Goroka Yunivesiti gat nupela K9m laiberi

PEKU PILIMBO i raitim

YUNIVESITI bilong Goroka i sanapim pinis wanpela K9 milien laiberi bilong ol sumatin i ken yusim.

Olpela laiberi i pas bikos i gat planti namba bilong sumatin husat i laik yusim laiberi tasol spes pulap olgeta taim.

Olpela laiberi i gat moa long 300,000 buk i stap tasol spes bilong ol sumatin i liklik na dispela nupela laiberi bai givim inap spes bilong moa long 1,000 sumatin husat stap nau long skul.

Global Construction i statim pinis wok bilong sanapim dispela laiberi na wok bai kisim olsem 48 wik long pinisim.

Ekting Vais Sansela Dokta Musawe Sinebare na Pro Vais Sansela Joseph Kata i tok ol i sanapim haus tasol nogat mani bilong putim ol tebol, sia, desk, kompyuta, buk



• Dokta Musawe Sinebare (raithan) na Joseph Kata (namba tu long lephan) i stori wantaim wanpela niusman.

na arapela samting bilong insait long haus i nogat tru.

Tupela i askim helpim i kam long gavman bilong PNG na narapela kantri tu long mekim dispela laiberi kamap wanpela bikpela laiberi long kantri.

Doktas Sinebare i tok mani bilong laiberi em ol i wok long sevim long baset mani long sampela taim bipo long ol i sanapim laiberi.

"Bikpela askim bilong mipela em ol samting (equipment) bilong insait tasol long mekim laiberi kamap

gut," Dokta Sinebare i tok.

Mista Kata i tok Yunivesiti bilong PNG na Unitech i bin gat ol samting bilong skulim planti sumatin i stap pinis. Tasol Goroka i nogat na aninit long Edukesen Rifom program, kantri i nidim



• Olpela laiberi nogat inap spes bilong ol sumatin i yusim.

Ol foto: PEKU PILIMBO

planti tisa.

Em i tok ol i tingting long kisim planti sumatin tasol spes bilong ol sumatin skul gut i no stap na ol i mas surikim olgeta samting i go bikpela.

Wanwan yia 14,000 sumatin i save pinisim gret 12 na 2,000 i go

5,000 sumatin i save aplai tasol yunivesiti gat spes bilong 250 sumatin tasol.

Em i tok tu olsem yunivesiti i save givim bilong K26 milien tasol ol i save kisim hap bilong dispela mani tasol.

Neks yia baset ol i

givim wankain namba bilong mani na ol i bilip olsem gavman bai lukluk long dispela hevi.

Tupela bikman bilong skul i ting olsem long givim gutpela skul long kantri, ol tisa i mas gat gutpela save na wankain taim ol tisa i mas noken sot.

Skul sot long mani long Westen Hailans

PLANTI hetmasta bilong ol skul long Westen Hailans i tokaut olsem ol haikuk na sekandari skul long provins i nogat mani long helpim ol long ranim skul.

Nau yet i luk olsem bai ol skul i pas hariap long krismas holide bikos nogat mani long larim skul i go het yet.

Gavana bilong provins Pater Robert Lak i toktok wantaim ol hetmasta long Kapal Haus em provinsal het opis na ol i tok dispela piksa em i nogutpela na ol i mas pasim skul sapos nogat helpim i kam.

Wanpela as em ol skul i painim hevi long mani em bikos ol papa-

mama bilong ol studen i no peim gut skul fi mani bilong ol.

Ol skul i wetim ol long peim tasol dispela i no bin kamap.

Gavana Lak i tokim ol hetmasta olsem bai em i painim liklik mani long traime pinisim ol dinaw mani bilong skul.

Helt sevis helpim 80,000 pipel

PIPEL long Okapa distrik long Goroka bai nogat planti wari moa bikos Provinsal Eksekutiv Kaunsil (PEC) i mekim sampela gutpela wok long stretim haus sik.

Isten Hailans gavana Peti Lafanama i bin amamas long tokaut long dispela wok bikos em i tok helt sevis long provins em bikpela tingting bilong gavman bilong em na em i laikim olgeta sevis i mas kisim luksave long PEC bai wok i ken go het yet.

Siaman bilong Helt long provins i bin mekim wanpela sabmisen long PEC na ol i bin lukim na tok orait long kamapim Okapa Distrik Rural Haus sik.

Mista Lafanama i tok em i laikim bai projek bai kamapim ol gutpela sevis na em i tok gavman bilong em i givim K9 milien long mekim dispela projek.

Em i tok wok bilong ol em bilong stretim sampela eria we i gat nid tasol em i singaut long ol nesenel dipatmen

long ol i mas go het yet long helpim ol distrik long givim sevis yet long ol manmeri long distrik.

Mista Lafanama i tok gavman bilong em i traime tasol long bihainim Nesenel Helt Plen bilong 2001 i go 2002.

Em i tok long mekim ol dispela samting i kamap gut na ol pipel i ken kisim helpim ol bilding samting bilong ol haus sik i mas stap gut pastaim.

Lokal level gavman presiden Kaunsila

Epaga Taigi i tok tenkyu tru long Mista Lafanama na PEC long ol i tok orait long helpim distrik.

Mista Taigi i tok i gat moa long 80,000 pipel long Okapa na ol distrik we i stap klostu olsem Obura-Wonenara, Henganofi na Lufa olsem na ol bai amamas tru long kisim dispela sevis.

Em i tok ol pipel i amamas tasol na wetim ol sevis bai kamap long dispela gutpela distrik haus sik.

Kaunsila askim ripot bilong studen dai we

HILDA WAYNE i raitim

SAMPELA studen bilong Yunivesiti ov Papua Niugini (UPNG) i tok ol i no amamas olsem ripot bilong wok painimaut i go insait long dai bilong tripela yuni studen long Jun i no kamaut yet.

"Mi tingim edukesen bilong mi na mi laik skul tasol ol pren i dai bai famili bilong ol i mekim wanem," wanpela studen Barry Kopen i tok.

Em i tok ol famili i laik harim ripot tu na gavman i mas wok long mekim dispela ripot i ken kamaut.

"Sapos gavman i tokaut long ripot bai ol famili i ken wok long traime kisim kompensesen long helpim bel bilong ol i ken isi," Mista Kopen i tok. Wantok Las wik tasol Wantok

Niuspepa i ripot olsem sampela papamama na wantok bilong ol studen i dai i putim toktok long Praim Minista Sir Mekere Morauta long em i mas tokaut long ripot kwik taim.

Dispela wik moa studen long UPNG i tok nau em i taim bilong pinisim skul na ol i mas go bek long ples nau long statim krismas holide.

Ol i tok tingting bilong ol em ol i ting olsem Sir Mekere bai tokaut long ripot pastaim long ol i go long holide tasol nau bai skul i pas nau.

Ol i tok planti bilong ol i wok long wari tumas bikos em ol pren tru bilong ol na ol i laikim tru olsem ripot i mas kliaim tingting bilong ol.

Wankain tingting tu em wanpela kaunsila bilong Isten Hailans provins Willie Goraviro i

tok long Sir Mekere i mas tokaut long ripot.

Em i tok bipo tru taim ol studen i bin dai em Sir Mekere i tok em bai tokaut long ripot kwik taim tasol nau em Inkuairi o wok painimaut em pinis long stat bilong mun Oktoba na nogat tok-tok i kamaut yet. Mista Goraviro i tok nesenel gavman na ol lida husat i go pas long kamapim straik we i lukim ol studen i dai i mas wok long stretim ol papamama bilong ol studen husat i bin dai.

Em i tok gavman i mas wok long stretim dispela ripot na tokaut bai ol papa mama, wantok na pipel long provins bilong ol studen husat i dai i ken amamas. Nau yet em i tok kain pasin bilong haitim ripot i givim nem nogut long gavman bilong Sir Mekere na ol i mas tok stret.

Man Madang tok lukaut long AIDS

PAULUS TALI i raitim

WANPELA man Raikos long Madang i laki tru bikos meri bilong em i dai long sik AIDS tasol man ya nogut binatang nogut bilong sik i stap long blut bilong em.

Man ya nem bilong em Ulan Alois na em i tok em i bin stap wantaim meri bilong em husat i gat AIDS na meri bilong em i dai las yia.

Mista Alois i bin ting olsem em yet i bin gat dispela sik nogut tu na em i bin pret nogut tru.

Em i tok em i no save olsem wanem tru na em i no bin kisim dispela sik na em i save tingting planti i stap yet.

Tasol em i tok tripela taim olgeta em i bin go long go lukim dokta long mekim blut tes na ol i tok em i nogat sik i stap long blut bilong em.

Dokta i tokim em olsem em i laki tru olsem em i nogat dispela sik.

Dokta Bokun Wenani i tok moa olsem Mista Alois i laki man tru bikos em i no gat dispela sik maski em i bin silip wantaim meri bilong em long wanpela yia olgeta.

Mista Alois i bin pret nogut tru long laip bilong em na em i amamas tru olsem em i nogat dispela sik nogut i stap long em.

Nau em i singaut long olgeta manmeri long ol i mas lukaut gut tru na noken mekim

pasin pamuk na paul o silip wantaim planti manmeri.

Mista Alois i tok nau em i taim bilong olgeta manmeri long wanwan famili i mas sanap strong long holimpas famili laip bilong ol na noken giaman man o meri bilong ol yet.

Nau em i save raun wantaim ol Tieta Grup long mekim ol aweanes kempein long toksave long ol manmeri long Madang i noken mekim pasin nogut na paul wantaim ol narapela na ol i mas stap gut long famili bilong ol.

Mista Alois i tok em yet i amamas olsem em i no kisim sik na em i laikim olsem ol gutpela sitisen bilong PNG i mas tingting gut long laip bilong.

Paia bagarapim nesenel hai

HILDA WAYNE i raitim

BIKPELA paia tru i bin kukim na bagarapim pinis olpela Nesenel Hai Skul bilong Papua Niugini em Sogeri long Pot Mosbi.

Paia i kukim sevenpela haus silip o domotri bilong ol boi na nau long dispela taim ol i wok long silip long bikpela sosol haus bilong ol.

Paia i bin stat long bik moning tru long wanpela domotri na go kukim olgeta sevenpela na wanpela ples bilong toilet.

I gat tupela wik i stap bipo long skul yia i pinis tasol nau dispela bai i gat planti toktok i stap long em.

Paia i no isi na i hariap tru na kukim olgeta hap na ol manmeri i sanap lukluk tasol i stap bikos ol i no inap kilim paia i dai.

Nau em klostu mak long 400 studen i nogat ples bilong silip na ol i stap nating long skul.

Het meri bilong skul Mis Lillian

Ahai i tok em i no save wanem samting i statim paia tasol em i amamas olsem nogat wanpela i kisim bikpela bagarap long dispela taim.

Nogat wanpela studen i bin kisim bagarap tasol wanwan klos samting bilong ol em paia i bin kukim.

Sogeri Nesenel Hai skul em i wanpela olpela skul tru na planti bikpela lidaman bilong kantri nau olsem Sir Mekere Morauta na Jamie Maxton Graham tupela i bin skul long dispela hap bipo.

Long dispela yia tasol tupela i bin mekim bikpela wok long pulim mani i kam long wanpela fan bilong helpim skul long bildim wanpela laiberi.

Sir Mekere em yet i bin go long fan resing long Mosbi na wok long traime pulim moa sponsa long givim sapot.

Nau em ples bilong silip i paia na bai hat tru long luksave husat tru i bin mekim paia i stat.

Plis i stap yet long hap long mekim wok painimaut long rot we paia i bin stat.

Amerika bomim Afganistan

Amerika kilim planti manmeri nating

AMI balus bilong Amerika i tromoi bom na kilim planti manmeri nating bilong Afghanistan.

Ripot i kam aut long opisal bilong Taliban gavman long Afghanistan i tokaut olsem bom bilong Amerika i pundaun long rong ples na wok long kilim ol manmeri nating. Sampela pipel husat i

no dai long ol birua i kam stori olsem planti famili memba bilong ol i dai taim ol bikipela balus i kam na sutim ol nating.

Ol i tok ol i no luksave gut wanem hap Osama bin Laden na ol lain bilong em i stap na i kamap long viles anting na sutim i dai manmeri nating.

Planti famili, liklik pikinini na meri i dai

taim Amerika i tromoi bom na yusim bikipela balus long sutim ol wantaim masin gan.


Ol pipel i pret nogut tru olsem dispela kain birua pasin inap bagarap nating planti arapela manmeri moa sapos Amerika i no tingting na mekim wankain pasin yet.

Tupela wik i go pinis, Amerika i bin tromoi

bom long wanpela Red Crecent Senta na bagarap olgeta samting.

Planti kankain ripot i sutim tok stret olsem Amerika i makim rong lain na wok long bagrapim ol nating.

Ol pipel husat lusim sampela famili memba long birua i tong olsem ol nogat birua na Amerika i wok long kilim ol nating.



• Dispela lapun i prea long matmat bilong ol famili bilong em husat dai long bom. 35 manmeri olgeta i bin dai long birua we kamap tupela wik i go pinis. Piksa i kam long *The Weekend Australian*.

Amerika i no klia wanem kain birua i stap

AMERIKA i no luksave long wanem kain birua em i kamapim wantaim Afghanistan na wok long ting olsem Osama Bin Laden i hat long hap i stap na tromoi bom nating long ol manmeri.

Sampela ripot i tok Osama i mas i kam i stap long Pakistan aninit long lukaut bilong wanpela bikman long hap na sampela ripot i tok em i stap long ol bikipela hul bilong ston insait long Afghanistan yet.

Amerika i ting birua

bilong em wantaim ol lain sapota bilong em i stap long ol ples we Taliban gavman i lukautim na wok long tromoi bom nating.

Planti manmeri i ting olsem birua tru i hait gut tru na Amerika i kilim na bagarapim planti manmeri nating long painim wanpela birua we i no stap.

Planti taim Amerika i kamap bihain tasol long ol birua bilong em i lusim ples na tromoi bom long manmeri nating.



• Ripot i tok dispela em hul bilong ston we Osama bin Laden hait na raun i stap. Sampela i ting em i stap wantaim ol lida bilong Taliban. Sampela i ting em lusim Afghanistan pinis na stap long Pakistan. Amerika go het yet long tromoi bom. Piksa i kam long *The Weekend Australian*.

Paiaman na plis pait long New York

PLISMAN na paiaman i kamapim bikipela pait long ples we bom i pundaun na kilim planti tausen manmeri long New York.

Pait i kamap taim ol opisal bilong siti i tok wok bilong painim bodi i mas stap bikos New York siti i lusim bikipela mani long pait ol wok

man ova taim.

Tasol ol paiaman husat lusim 265 paiaman long birua bilong teroris long Septemba 11 i ting ol i mas painim yet dispela ol bodi.

Opisal i ting olsem bikipela masin i mas go insait na stretim na rausim ol bikipela ain bikos em inap kamapim

birua long ol wok.

Plis holim na kalabusim 12-pela paiaman na 5 plisman i kisim bagarap taim pait kamap namel long ol yet.

Ol plisman tu i bin lusim planti poroman bilong ol long birua tu tasol ol i karim aut oda bilong siti opisal taim dispela pait i kirap.

Olgeta Muslim manmeri mas pait

OSAMA bin Laden askim 2.1 bilien Muslim manmeri long sanap beksait long pait egenesim bikipela seten bilong ol Amerika.

Bin Laden i bin tok aut long wanpela televisen stesen olsem olgeta Muslim manmeri i noken larim Amerika na Israel i bagarapim sindaun bilong ol.

Em i askim ol long paitim bikipela birua bilong ol na noken

sanap na givim sapot long Amerika wantaim o pren bilong em.

Tasol PResiden George Bush, husat yet i wanpela kristen i bin tokim ol pipel bilong Muslim olsem em i no wanpela pait bilong ol lotu.

Em i tok pait i kamap bilong-traim rausim na pinisim tru sik bilong teroris na i no pait wantiam olgeta Moslem pipel

bilong wol.

Long wankain taim Amerika i ting olsem Osama bin Laden i nogat sapot long wok teroris bilong em na nau giaman laik traime grisim ol Muslim manmeri long helpim em.

Mausman i tok bin Laden i giaman na painim toktok long tokim ol pipel na laik bringim ol Moslem manmeri i kam sapotim pipia doti wok bilong em.



• Ol ami bilong Amerika i slip na redi i stap antap long wanpela sip long go pait long wanpela hap bilong Afghanistan.



• Ol ami kalap long helikopta bilong go pait long Afghanistan. Wanpela helikopta i lus pinis wantaim foapela man. Piksa i kam long *The weekend Australian*.

Bikpela hos resis bringim korapsen

Planti bikpela hos resis i save bagarapim na bringim korapsen long ol man bilong holim hos. Bikpela mani i stap insait na ol raskal wantaim ol man save pasim tok long stil. Plis i painim aut olsem.

Saintis laik kamapim hos

Ol saintis i tok ol bai traim kamapim hos wantaim masin we bai luk wankain olsem papa o mama bilong em. Ol i tingting long kamapim ol hos bilong resis.

Antrax birua kamap bikpela long Amerika

Ol manmeri i pret long kisim pas na opim long Amerika bikos ol i pret long kisim sik bilong Anthrax na dai.

Ripot i tok olsem foapela pipel i dai pinis na planti i kisim marasin na kamap orait.

Bikpela pret tru i

holim ol pipel bilong Amerika bikos ol i no save wanem hap tru dispela birua bilong anthrax i kamap.

Anthrax em wanpela pauda binatang we i save bagarap man na ol saintis i kamap long fektori bilong kamapim pait

na pretim ol pipel.

Planti pipel husat painim birua em long ol nius manmeri, ol politisen na wok manmeri bilong pos opis.

Planti pipel i bilip olsem Osama Bin Laden i stap bihain long birua bilong anthrax long

Amerika. Planti i ting olsem taim wanpela mani i kisim biknem na ris tru ol pipel i save mangal nating na traim bagarap an ating dispela em wanpela tingting Osama bin Laden i kisim long traim bagarapim Amerika.

Amerika salim spesel fos

Amerika i salim sampela spesol fos ami i go isnait pinis long Afghanistan tasol ren na klaut i bagarapim stret ples bilong salim ami balus long karim sampela moa.

Narapela hap ol ami bilong taliban i sutim ol spesol fos husat laik pundaun na balus tanim na karim ol i go traim painim narapela ples bilong dropim ol.

Ol man long graun nogat long toksave wanem hap stret birua i stap na ami balus bilong Amerika i bin bagarapim pinis planti manmeri nating bilong Afghanistan.

Australia redi long ileksen

PRAIM Minista John Howard wantaim oposisen lida Kim Beazley i kempen strong insait long ileksen bilong Australia.

Tupela man i redi na ileksen i stat dispela wik na ol manmeri bai makim husat i kamap praim minista bai kamap ples klia neks wik.

Planti manmeri i ting olsem John Howard

bai win na sampela i ting Kim Beazley bai bikos em kamaut wantaim polisi bilong em las wik tasol.

Pipel yet bai skelim na makim ol memba na ol i kamapim gavman.

I no olsem PNG we ol kendidet i save baim vot na bagarapim sindaun bilong ol manmeri, Australia i pulap long ol save

manmeri na ol i save skelim wanem man i kamap wantaim gutpela polisi.

Ol i save skelim ol polisi na wanem man bai mekim laip bilong ol isi taim em kamap praim minista.

Ol wanwan kendidet i save sanap wantaim pati polisi bilong ol na ol pipel yet i save glasim na givim vot.



• Mista Adam Gorman i wanpela tisa bilong Australia tasol nau em i stap long Britain bikos ol peim em bikpela fotnait. Piksa i kam long The Weekend Australia.

Planti tisa lusim Australia

Ol kantri olsem Britain, Amerika na Canada i save givim gutpela pe long tisa na planti tisa bilong Australia i lusim Australia i go.

Planti manmeri i wari olsem ol gavman i no luksave long ol tisa na traim hapim pe bilong ol.

Ol kantri olsem Britain na Amerika i save peim bikpela mani tru long grisim ol tisa i go skulim pikinini bilong ol.


Ol tisa bilong Australia i gutpela tru na planti kantri i save peim bikpela mani tru bilong kisim ol i go.

Planti manmeri bilong Australia i tok olsem ol i westim bikpela mani long takis long skulim ol tisa na gavman i mas noken larim ol gutpela tisa i go olsem.


Pe bilong tisa long Britain em A\$62,150 long wanwan yia o A\$120 long wanwan de.

Long Amerika A\$55,000 n abihain long 3-pela yia i go antap long A\$62,900 wantaim balus tiket bilong kam bek long Australia.

Australia yet i save peim A\$41,500 long ol tisa.



• Praim Minista bilong Australia John Howard i wokabout raun long kempen.



• Ol manmeri bilong Australia husat bai go holide o wok long narapela kantri i vot long opis bilong ilektorel opis. Dispela meri husat i wanpela sumatin i vot pinis bikos em bai go holide long narapela kantri. Ol piksa i kam long The weekend Australian.

**HITS & MEMORIES
FM 100
RADIO NETWORK**

PORT MORESBY FM 100.3	MT. HAGEN FM 100.4	TABUBIL FM100.3	ALOTAU FM107
BOROKO FM 100.3	LAE FM 100.5	WEWAK FM100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM
107.3			
LORENGAU FM 100.3	KUNDIAWA FM 101	BUKA FM100.3	KAINGUMA FM 107.1
KIMBE FM 100.3			DIMODIMO FM 107.7

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax300 4399 or email us at kalang@tiare.net.pg & we'll take

Gavman mas sapatim Hailans pis fam

PEKU PILIMBO i raitim

NAMBA bilong pis fam long Hailans i wok long kamap bikpela tasol mani bilong givim skul long ol fama bilong lukautim pis i no kam long gavman.

Japan Intenesenel Koporesen Agensi (JICA), wanpela han bilong gavman bilong Japan i salim pinis bikpela saveman bilong pis i kam long Aiyura Hailans Pis fam.

Chiaki Kuma em nem bilong saveman man ya. I no long taim i go pinis opis bilong JICA long Pot Mosbi i bin kamapim wanpela wok-abaut lukluk na Morobe.

Long wokabaut bilong mipela, mi luksave olsem pis fam long Aiyura inap kamapim bikpela mani sapos Isten Hailans Provisnel Gavman aninit long Dipatmen bilong Agrikalsa na Laipstok i lukluk na sapatim dispela projek.

Mista Kuma i gat bikpela laik tru long

stap na luksave olsem dispela projek i kamap bikpela na helpim ol manmeri bipo long em i go bek taim kontrak bilong em pinis bihain long tupela yia.

Mi bin sindaun wanpela nait na stori wantaim Mista Kuma na em i stori long ol wok em i save mekim long kantri olsem Namibia na narapela kantri bilong Afrika na Indonesia tu.

Long Namibia em i bin kamapim wanpela pis fam wankain olsem long Alyura. Em i kamapim tu wanpela fektori bilong mekim kaikai bilong pis. Nau ol pipel long hap i wok long groim pis long ol fam na saplain ol famili na maket tu.

"Ol lida bilong Papua Niugini i no save kamapim ol promis bilong ol.

"Planti giaman i save kamap long maus bilong ol na bihainim ol i no save sem long sanap long pes bilong ol pipel," em i tok.

Mista Kuma i tok olsem gavman bilong Japan i salim em yet i kam bilong helpim ol pipel. Tasol long mekim wok bilong em, mani i mas kam long gavman.



• Raun wara i save drai long drai sisen na pis i bagarap long san na stil man save bagarap taim nogat sekyuriti. Ples tu bus i karamapim.

Bikpela tingting bilong Mista Kuma em long lukim olgeta mama, papa na pikinini pis ol i kamapim long Aiyura i mas kisim sapat long gavman.

"Planti milien kina mak bilong bisnis inap kamap sapos gavman putim liklik mani tu de," Mista Kuma i bin tok.

Long 2001, Hailans

Pis Fam pröjek long Aiyura i bin givim baset bilong K150,000 long Isten Hailans Dipatmen bilong Agrikalsa na Laipstok tasol ol i bin kisim K80,000 tasol.

Dispela mani i no bin inap long ronim dispela 10 heka pis fam projek. Taim mipela lukluk raun, bikpela bus tru i karamapim olgeta raun wara bilong lukautim pis.

bin tok.

Long wankain taim senta ya i save kisim sampela mani taim ol salim ol bikpela mama pis wantaim pikinini pis long ol manmeri na ol fama tasol dispela mani i no save kam long han bilong ol.

Displa mani inap helpim ol long ronim sampela hap bilong projek tasol mani i go stret long opis bilong provinsel tresera.

Ating dispela mani i kam long ol bai i gat sampela senis i ken kamap.

Mista Kuma i tok i mas gat wanpela trening senta we ol man i ken kisim skul long kamapim bebi pis na rot bilong lukautim ol.

"Tasol olgeta taim mipela i nogat mani bilong mekim ol dispela samting.

"Ating em gutpela mipela i mas surikim dispela senta i go long han bilong Nesenel Agrikalsa na Laipstok Dipatmen bikos em bai helpim ol manmeri.

"Em i moa long tripela yia olgeta mipela toktok komplem na askim long bruk lusim provinsel

Sampela wik bipo


Wanpela gutpela samting gavman bilong PNG inap mekim em long luksave wanem kain helpim em ken givim bai ol pipel i ken kisim save bilong man ya na yusim bilong helpim ol.

Senta ya i stap long Aiyura veli. I gat 37 raun wara bilong pis i ken gro bikpela. I gat tu ol planti liklik tenk ol katim long hap wara tenk we ol i yusim bilong putim pis man na meri wantaim long taim bilong putim kiau. Na tu kiau save go insait long wankain tenk inap ol bruk na kamap pikinini pis.

Ol dispela tenk tu i luk yelo na ras i kamap. Haus bilong bebi pis tu i stap long bus. Nait tu nogat gutpela sekyuriti lait na taim wara i drai, ol pipel i save wokabaut i go insait long laik na stilim ol bikpela pis bilong kaikai.

Wok bilong senta em long kamapim ol pikinini pis na salim long ol fama husat laik lukautim ol.

Long wankain taim ol i traime luksave wanem pis i ken gro long wanem kain graun. Hot



NATIONAL WEEKLY HIT PARADE

October 5/11/2001


SPONSOR: TRADEWINDS

L/W	T/W	SONG	ARTIST
2	1	LAIKIM YU NATING TRU	PAINIM WOK
8	2	WI SIMBO	RAIOT 08
3	3	OULAMAGI	DEMAS SAUL
1	4	KEKENI KEKENI	KRYMUS II
7	5	PASIN BRATA	DEMAS SAUL
5	6	SMILE NATING	DUSTYS BAND
18	7	WHY MY ANGEL	SLUMZ OF SIMBU
19	8	BETENISI	ZHON BOSCO/LOUIE WARUPI
4	9	O SINE	DEMAS SAUL
6	10	JESTY MORI	FEKE YUTZ
11	11	JABON IBALA	STRUGGLERS BAND
12	12	NONGA BASE	ANSLOM
9	13	NGAU MALABONG	QUAKES
10	14	TINGANA VUDU	PAINIM WOK
13	15	TALAIGU	QUAKES
15	16	SORI VADA LASI	DEMAS SAUL
16	17	PONDOPONDO	FELIX YAUSI
0	18	FRIENDS FOR A LIFETIME	SLUMZ OF SIMBU
0	19	HAPOLASA	EDEN SOULS
0	20	REGGAE IS LAREVA	BASIL ÉBLITZÍ GREG

IN FRIENDS FOR A LIFETIME SLUMZ OF SIMBU
HAPOLASA EDEN SOULS
REGGAE IS LAREVA BASIL 'BLITZ' GREG

OUT COME BACK ANSLOM
CROCOMATO K2 BIIS BAND
WOPA KANTRI K-DUMEN
UKA BAI TEKE ANSLOM

SOURCES: YUMI BELO SHOW
LAIK BILONG ANKOL E.T
COCA COLA GARAMUT
FLAME CULTURE & PHONE ENQUIRES



• Ples bilong putim kiau bilong pis. Haus na tenk tu i bagarap bikos nogat mani bilong kisim nupela na katim daun ol bus tu. Poto i kam long JICA.

long mipela kamap long projek, sampela stil man i bin go insait na bagarap ol pikinini pis na stilim ol bikpela mama pis long projek.

Mani bilong kisim sekyuriti man tu i hat. Mani bilong sanapim gutpela banis na putim lait bilong lukautim ples tu i nogat. Taim bilong drai sisen wara i save drai na ol pis i save kisim taim liklik na mani bilong putim gutpela wara pam tu i nogat.

Mista Kuma i tok: "Save na wok manmeri mipela gat long hia tasol hevi i stap wantaim provinsel gavman baset.

"Mipela laikim mani long ronim dispela senta tasol provinsel baset i save nogat mani bilong ronim dispela senta," Mista Kuma i

gavman bai nesenel dipatmen ken luksave long mipela," Mista Kuma i tok.

"Gavman i no luksave olsem dispela projek bai kamapim bikpela mani na helpim planti manmeri.

"Tasol olgeta taim ol i katim daun namba bilong mani ol i givim long senta na mi ting mi westim taim bilong mi hia.

"Mi no mekim wanpela wok mi kam long mekim bikos mi nogat mani," Mista Kuma i bin stori.

Ol saveman olsem Mista Kuma i hat tru long kam long kantri olsem PNG. Opis bilong JICA save peim ol bikpela mani na kisim ol i kam skelim save bilong ol wantaim pipel bilong PNG.

ples o kol ples. Ol i bin karim pis bilong Philippines, Israel, Java long Indonesia na China i kam traime luksave wanem em gutpela bilong lukautim. Sampela i dai, sampela i no gro gut na sampela kamap orait.

Nau i gat narapela ol pis i stap long traime tasol wanpela pis we redi na ol fama stat lukautim em long kap. Dispela pis i red, orens na yelo wantaim wait long kala na i save kamap long ples hot.

Trot em narapela pis we i save kamap long kol ples. Aiyura i hot liklik na gutpela bilong kamapim kap. Trot i kamap long Maunt Wilhem insait long Simbu provins na i salim i go long narapela kol ples.

Paia bilong ileksen i laif nau

MASTA WAI I raitim

NEKS yia long Jun 2002 bai bikpela nesanel ileksen i kamap long Papua Niugini na olgeta manmeri long olgeta kona bilong Papua Niugini long ol taun, ol distrik na long ol asples wanwan.


Planti manmeri long Papua Niugini i redi pinis long dispela bikos ol i save long we bilong vot na husat man ol bai makim em long kamap lida na go makim ol long nesanel palamen.

Ol pipel i save long makim x long nem bilong husat kendidet ol i laikim. Maski nupela lo long we na stail bilong bihainim na makim vot; ol pipel i no wari long ol dispela nupela bilong gavman bikos bikpela samting em ol i save long nem bilong kendidet ol i laikim na tu ol save long we bilong votim kendidet bilong ol.

Long dispela taim ol wokman bilong Ilektoel Komisn i wok long raun long planti hap bilong provins long stretim gut nem bilong ol manmeri long Komon Rol buk. Dispela em bikpela buk we olgeta manmeri long Papua Niugini i mas gat nem long en. Ol manmeri i gat nem tasol long dispela buk bai votim kendidet bilong ol long nesanel ileksen. Sapos yu nogat nem, sori tumas, traim gen.

I bin gat planti komplek long 1997 nesanel ileksen olsem planti manmeri i nogat nem long Komon Rol buk olsem na ol i no bin vot. Planti lain i tok ol i bin rejista tasol olsem wanem na nem bilong ol i no stap long buk.

Ating long dispela as, nau ol opisa bilong Ilektoel Komisn i laik stretim gut nem bilong olgeta lain husat i no bin nogat nem long 1997. Em i gutpela tu bikos 1997 em 5-pela kris-mas i go pinis na planti manmeri i kamap 18 krismas pinis long mak



• Ol ileksen opisa i kaunim ileksen pepa.

bilong vot. Olsem na ol i mas gat nem nau long Komon Rol Buk long vot.

Narapela tu em sampela manmeri husat i gat nem long Komon Rol i dai pinis o ol i senisim ples i go long narapela ilektoel bikos ol i go wok o ol i go bek long asples bilong papa o mama o ol i go marit long narapela ilektoel. Olsem na olgeta i mas stretim gut nem tu.



• Sampela ol dispela man i sanap long skeim ron bilong ol kendidet ol i saptim insait long Mosbi Not-Wes ilektoel. Foto: Ivan Bayagau.

Dispela ileksen em bikpela samting bikos yumi laik makim wanpela gutpela lida man i makim maus bilong yumi long haus palamen na tok pait long wokim ol gutpela lo bilong sevim kantri na tu bringim sevis na developmen i kam long ples bilong yumi wanwan.

Tasol sampela manmeri i tok ol i no laik vot bikos ol lida i no save kamapim o bringim wanpela gutpela developmen i kam long ol. Olsem na ol i no laik westim taim bilong ol. Ating em wok bilong Ilektoel Komisn long bekim dispela toktok wantaim ol dispela lain.

Ating dispela em gutpela ileksen

pen. Ol i save pinisim olgeta tingting na save bilong ol long tokim ol manmeri long wanem samting ol inap long mekim na ol bai mekim taim ol i win long ileksen na kamap memba long palamen. Tasol olgeta toktok na mauswara bilong ol i save abrus tru. Ol i no save karimaut toktok bilong ol we ol i mekim long ai na ia bilong ol pipel long taim bilong kempen.

Ol pipel bilong Papua Niugini i save gut tru long wanem kain pasin na stail i save kamap long taim bilong ileksen. Wanem samting ol kendidet bai mekim em ol pipel i save gut tru bikos ol i save long wanem kain kendidet na nem bilong ol. Taim ol kendidet i kamapim poto na hangamapim piksa na nem bilong ol long kempen taim, bai ol pipel i lukim na save long em i husat na ples bilong em long we, wanem kain skul na wok bilong em, wanem kain bisnis bilong em, em i wanpela bikman o nogat, em i wanpela bikhet man o nogat na sampela moa. Ol pipel bai save yet long ol kendidet bilong ol. Ating dispela em gutpela bikos ol pipel i ken save gut na ske-lim gut man pastaim long ol i vot.

Olgeta kendidet i save gat ol wokman bilong ol. Dispela em ol komiti bilong ol kendidet na ol bai raun long mekim planti tok gris na apim nem bilong kendidet bilong ol long traim winim wanbel bilong ol manmeri. Ol komiti tu i ken mekim planti giaman promis long memba bai mekim dispela wok i kamap sapos em i win. Ol komiti inap inap mekim planti i toktok we i no stret bikos kendidet bilong em i no dispela kain man bilong mekim kain wok olsem i kamap. Sampela taim ol i toktok ekstra liklik long mak bilong kendidet. Olsem na ol pipel i mas lukaut gut na noken harim tumas mauswara bilong ol.

Ol plisman i mas stat redim ol yet gut nau long dispela bikpela samting bai kamap long neks yia bikos ol trabel na hevi bilong ileksen i save bikpela tru. I gat kros, pait na stil pasin i save kamap long dispela taim. Ol bikhet man bai stilim ol ileksen pepa o balot bokis wantaim ol ileksen pepa, ol bikhet lain bai pretim ol manmeri na ol kendidet na bai

pela helpim mani bilong ileksen. Long sait bilong ol kendidet, olgeta kendidet i mas stap wantaim wanpela politikel pati taim ol i winim ileksen na i go long palamen. Ol i no inap kalap moa igo long narapela pati. Sapos ol i kalap long pati, bai ol i go bek long ilektoel na Bai Ilekten i kamap gen na tu ol bai baim sampela fi long lusim pati na go long narapela pati. Sapos wanpela lida i win na i go long palamen olsem wanpela independen memba em i mas hariap joinim wanpela pati taim ol i laik fomim gavman. Tasol ating ol kendidet i no inap wari tumas long dispela Lo inap ol i win stret na go long palamen orait ol i ken save na bihainim.

Nesanel ileksen em wanpela samting we i save kamap long olgeta 5-pela krismas hia long Papua Niugini. Long nau yet, ol manmeri i stat long toktok long ileksen na ol i wok long kolim nem bilong ol kendidet raun nau. Planti wokman bilong gavman na ol kampani tu i risain long wok na ol i go bek long ples long redi long ileksen 2002. Olsem na nogut namba bilong ol kendidet bai sanap long 2002 nesanel ileksen bai bikpela moa winim namba bilong ol kendidet long



• Plisman i helpim lapun ya long rot long ileksen.

ol saptim bilong kendidet inap mekim trabel i kamap bikpela moa. Ol manmeri inap kros na stail sapos ol i nogat nem long Komon Rol buk long vot na trabel inap kamap wantaim ol ileksen opisa. Planti trabel na hevi i save kamap long ileksen taim olsem na ol plisman i mas redi na was gut long taim bilong ileksen bai ol mamapapa na ol gutpela yangpela manmeri i ken vot gut na amamas long laik ol i mekim long vot.

Gavman i bin kamapim wanpela Lo pinis we ol i kolim Integriti ov Politikel Pati na Kendidet. Long ol pati em olgeta pati i mas rejista na ol i mas i gat fultaim wokman bilong lukautim na ronim wok bilong pati na tu pati i mas gat ol kendidet long ileksen bikos pati inap kisim sam-

1997. Sampela ilektoel i bin gat 30 na 40 kendidet. Nogut namba i go antap long 50 na 60 kendidet long wanpela ilektoel.

Planti ol saveman wantaim bikpela skul na ol bikpela wok i pinis long wok na i laik go long ileksen. Planti bisnis lain tu i laik go long ileksen na wankain tu ol planti lain we ol i nogat bikpela skul tumas tasol ol i gat maus bilong toktok na save bilong skeim samting na mekim tu i redi long ileksen. Ilekten i nogat mak long husat tasol bai sanap olsem na olgeta manmeri i gat rait long traim dispela bikpela resis. Ol lain bilong ples, sios woka, ol tisa, ol loya na olgeta kankain manmeri long wanem kain wok i gat rait long resis. Ol olpela memba tu bai resis gen long winim sit bilong ol.



Nem: Bob Kau
 Krismas: 18 (man)
 Adres: Para Village, PMB, Mumeng Morobe provins.
Save Laikim: Pilai ragbi tas, basketbal, tok pilai, raitim pas long ol pren na serim ol smting wantaim arapela.

Nem: Chris Ogen
 Krismas: 22 (man)
 Adres: Para Village, PMB, Mumeng Morobe province
Save Laikim: Pilai spot, lukim piksa, tok pilai wantaim ol pren, laikim long lukim naispela kaikai na harim musik.

Nem: Roselyn Akas
 Krismas: 27 (meri)
 Adres: M.D.C P.O. Box 667 Madang, Madang Provins.
Save Laikim: Painim poroman na marit.

Nem: Gamoga Mum
 Krismas: 22 (meri)
 Adres: M.D.C P.O. Box 667 Madang, Madang Provins.
Save Laikim: Painim man long maritim, raitim pas na go danis.

Nem: Ellen Tidy Arthur
 Krismas: 23 (meri) sumatin
 Adres: P.O. Box SW 375, Agona Swedru C/R, Ghana, West Africa,
Save Laikim: Raitim pas long penpren, raun na senisim presen.

Nem: Prince Philip
 Krismas: 22 (footballer)
 Adres: P.O. Box SW 357, Agona Swedru C/R, Ghana, West Africa.
Save Laikim: Singsing, raun, wok long gaden na pilai soka.

Gras trikim masalai

BIPO tru wanpela man i stap na long moning taim tru em i kirap na em i go limlimbur long bus. Em i raun i go long wanpela diwai kapiak i pulap nogut tru long ol pikinini kapiak klostu i laik mau. Em i lukim olsem na em i katim ol lip bilong saksak na em i banisim gut tru dispela diwai kapiak pinis na em i go long ples.

Na nau dispela diwai kapiak em i bilong wanpela tewel i save lukau-

tim. I no bilong man hia. Na taim man ya i go pinis long ples, tewel hia i kam lukluk long kapiak bilong em. Na em i kirap nogut long lukim olsem i gat man i bin banisim pinis na i putim tambu long en. Tewel hia i belhat nogut tru na em i rausim olgeta samting em man hia i bin banisim long em.

Na em yet i katim nupela samting na banisim gen na i go. Na tupela de i go pinis na man hia i kam bek na em

i lukim olsem ol lip bilong saksak i no i stap olsem em i banisim bipo. Em i bel hat nogut tru na em i rausim olgeta samting em tewel hia i bin banisim na em i katim nupela samting gen na banisim gut pinis na em i go long ples.

Bihain tewel hia i kam bek na em i lukim ol samting em i bin tambuim i no i stap olsem em i banisim na em i kirap na rausim olgeta samting bilong man hia i banisim pinis na em i banisim gen pinis na

em i banisim gen pinis na em i go. Tupela i wok long mekim olsem tasol i go na kapiak hia i nau pinis. Na wanpela taim long moning taim tru man i kirap na i go long kisim kapiak.

Taim em i kamap pinis na em i go antap na i wok long tromoi ol pikinini kapiak i kam daun. Na tewel hia i harim nois na em i kam long lukim husat tru i stilim kapiak bilong em. Em i kam na lukim wan-



pela man i stap antap na em i singaut i go antap long em. Ha, nau mi save em yu tasol yu wok long mekim dispela samting.

Na taim yu kisim kapiak pinis bai yu i go long wanem rot? Na man hia i tok, bai mi kalap i kam daun na i go insait long ol bus em yu stap long en.

Na tewel hia i harim olsem na em i katim raun olgeta gras na diwai i stap klostu long diwai kapiak. Em i mekim bikpela ring raunim kapiak em man hia i stap antap long em.

Pinisim pinis na em i askim man hia gen. Nau bai yu go long wanem rot. Na man i tok, bai mi kalap i kam daun na i go insait long ol diwai na gras em yu katim long en.

Na tewel i harim olsem na em i rausim olgeta diwai na gras em i katim long em na brumim olgeta pipia gut em i stap klostu long kapiak. Pinis nau na em i askim em, bai yu i go long wanem rot nau na man hia i tok, bai mi kalap i kam daun na i go insait long gras em i stap long het bilong yu.

Na tewel hia i harim olsem na em i katim olgeta gras i stap long het bilong em i mekim kela olgeta. Taim tewel i mekim olsem, man i pinis. Na i gat las wan tru i stap antap tru long het bilong kapiak. Em i kisim pinis na em i mekim singsing long dispela pkinini. Na tewel i lukluk i go antap na i laik askim em. Nogat. Man i tromoim dispela kapiak i kam daun klostu long ples tewel i stap long en. Na kapiak hia i ron i go. Na tewel hia i ting man hia i ranawe. Na em i kirap na ran bihainim dispela kapiak i go.

Man hia i lukim olsem na wantu tru em i kam daun na bungim olgeta kapiak hariap pinis na em i kisim na ranawe i go long ples bilong em. Tewel i raunim dispela kapiak i go na em i popaia.

Em i bel hat nogut tru long wanem na hia i bin trikim em. Em i tanim bek na bihainim man hia gen. Tasol na hia i kamap pinis long ples na tewel hia i go arere long ples na em i kam bek. Em tasol.

Xavierius Peter Maprik
 Is Sepik provins

Meri mi laikim i givim sik long mi

Dia Laiplain,

Mi gat bikpela laikim tru long yupela i ken givim edvais long mi. Mi gat wanpela gelpren mi laikim tumas. Mi save wok na meri ya em i stap long koles olsem na mitupela i bin stap longwe tupela yia nau.

Taim em i bin gat sampela problem, mi bin pilim sori long em na mi bin tokim mi yet olsem bai mi kamap boi pren bilong em na bihain bai mi maritim em. Tasol bihain em i bin kisim wanpela sik nogut. Mi inap long lusim em long taim na prenim ol narapela skul meri husat i bin askim long mi prenim ol tasol mi bin tok nogat bilong wanem mi bin strong long prenim dispela gel.

Laip bilong mi bai bagarap nau bikos em i givim mi dispela sik pinis. Mi lukim sampela sain bilong dispela sik i kamap long bodi bilong mi na mi pret tru long laip bilong mi. Mi wok long beten na bilip olsem bai mi stap orait.

Mi gat bikpela laik tru long em na mi nogat tingting kros long em. Mi tupela i no bin save olsem em i bin gat dispela sik inap em i bin go long haus sik na ol i painimaut olsem em i bin kisim sik tasol mi painim hat long lusim em na tulet long lusim em.

I no long taim i go pinis wanpela

prenim bilong mi i bin tokim mi olsem meri ya i bin raun wantaim wanpela boi. Wanpela samting mi belhat tru long em em taim em i bin tokim mi stret olsem em i bin raun wantaim dispela boi. Dispela i no pestaim em i bin giamanim mi. Em i bin giamanim mi bipo na mi bin lusim rong bilong em na stap isi tasol nau mi no save kisim gutpela tingting taim mi tingim ol gutpela pasin mi save mekim long em. Mi bin mekim sampela samting na laip bilong mi tu em klostu i kisim bagarap.

Mi no save wanem samting long mekim. Mi tok mi tupela lusim o maski. Mi no laik statim nupela prensip wantaim nupela gel. Mi tupela i gat bikpela laik tru long mi tupela yet na sapos mi tupela lusim bai laip bilong em nogut bagarap. Mi bin tok nogat long raitim pas o toktok wantaim em, na dispela i mekim mi pilim nogut tru.

"FOOLED"

Dia Pren,
 Tingting bilong yu i no stret bikos yu bin painimaut olsem meri yu save laikim tru na yu bin mekim planti gutpela sam-

ting long em i bin paul wantaim narapela man. Em i bin givim wanpela sik nogut long yu tasol yu laikim em yet.

Yu no bin tokaut klia sapos em i bin kisim dispela sik taim yu tupela i bin stap longwe long dispela tupela yia. Mipela i tingting nogut yu bin kisim dispela sik na givim long gelpren bilong yu. Sapos yu save tru olsem yu bin yusim kondom long silip wantaim ol narapela meri ating yu mas tok tru olsem gelpren i bin givim yu dispela sik.

Sapos gelpren bilong yu i no gutpela meri, bilong wanem yu save mekim planti gutpela samting long em. Nogut yu laikim gelpren bilong yu bikos yu save driman long em i mas kamap meri yu yet i laikim long em na i no meri ya em

yet. Yu tok em i gat bikpela laik tru long yu tu tasol mipela i askim sapos em ol trupela toktok em i bin mekim.

Yu tok tu olsem yu les long statim nupel meri tasol dispela tingting i soim olsem yu gat pasin bilong les nating nating. Bihain laip bilong yu wantaim meri husat bai karim pikinini bilong yu em i gutpela long yu wok hat long stretim o nogat?

Yumi no tok yu mas lusim gelpren bilong yu o yu stap wantaim em. Disisen em i bilong yu yet tasol mipela givim tingting long yu i ken tingim na mekim disisen bilong yu yet.

Mipela i no save long yu na gelpren bilong yu. Em yu yet save gut long pren bilong yu na yu yet i save long wanem samting yu laikim long laip bilong yu. Mipela i gat bilip olsem yu na gelpren bilong yu i ken toktok long ol dispela samting bikos em bai kamap long laip bilong yu. Sapos yu ting em i no rait meri bilong yu orait mipela i ting olsem yu ken gat strong long lusim em na painim wanpela nupela meri husat bai givim yu wanpela kain laip em yu i laikim.



LAIPPLAIN

Noken ronawe long kot bilong lida

WANTOK

NIUSPEPA BILONG YUMI OL PAPUA NIUGINI STRET

PASIN gavman i mekim long rausim olupela Plis Komisina John Wakon long wok bilong em i soim olsem gavman i gat hait tingting long mekim dispela. Dispela i soim olsem gavman i no min long rausim na bagarapim wok bilong Misa Wakon tasol gavman i traim long sevim em.

Sapos yumi skelim gut, Mista Wakon i bin kamap Plis Komisina long 1999 taim Sir Mekere Morauta i kamap Praim Minista. Pastaim Mista Wakon i lusim Hagen na go daun long Mosbi olsem Komanda bilong NCD na Sentrel.

Tasol gavman bilong Bill Skate long dispela taim i ting Mista Wakon i gat spesel plis operesen egensim em na gavman taim ol toktok bilong Mujo Sefa teip i bin kamap na ol i tok Plis Minista Thomas Pelika long dispela taim i bin askim long 10% bilong yelopela envelop. Olsem na Plis Komisina Peter Aigilo i bin rausim em na makim Jeffery Baki long kamap NCD na Sentrel Komanda.

Taim Mekere gavman i bin makim Wakon long 1999 olsem Plis Komisina, ol i rausim Peter Aigilo na John Toguata husat inap kamap Plis Komisina long dispela taim bikos em i stap long level bilong kamap Plis Komisina i risain long plis fos.

Olsem na yumi lukim olsem gavman bilong Mekere o PDM gavman i makim Wakon.

Nau taim PDM gavman i go pas yet long

dispela gavman na kantri, Mista Wakon i bungim sas bilong Lidasip Lo.

Em i go long Kot na Kot i sasim em long brukim oda bilong Kot bikos em i no bin kisim bek Geoffrey Baki long wok bihain long em i bin rausim em long wok. Geoffrey Baki em Deputi Plis Komisina.

Kot bilong em i stap yet na gavman i pinisim em long wok.

I gutpela sapos Mista Wakon i sanap yet long Kot bai ol pipel bilong Papua Niugini i ken save olsem em i asua o em i no brukim wanpela lo.

I gutpela long em i stretim nem bilong em long dispela kot o karim nem nogut na go aut long wok long abrusim Kot bilong Lidasip Traibunel.

Planti lida bilong Palamen long bipo i bin ronawe long kot bilong Lidasip Traibunel bai ol i noken kisim sas. Ol bai stap olsem friman bikos ol i no moa lida long opis bilong gavman.

Ating dispela gavman i laik sevim Mista Wakon long em i noken kisim taim long Lidasip Traibunel kot olsem na ol i pinisim em long wok bai em i ken stap friman.

Tasol em inap bungim gen Lidasip Traibunel kot bihain sapos em i holim wanpela wok insait long gavman opis. Wankain tasol olsem olupela Seketeri bilong Foren Afeas Gabriel Dusava. Kot i holim em bihain long em i kamap memba bilong Yangoru Sausia na lida long

palamen.

Ombudsmen Komisina long dispela wik i no amamas tru long dispela eksen gavman i mekim long rausim John Wakon taim kot bilong em i hangamap istap yet.

Komisina Ila Geno i tok Ombudsmen i bin lusim bikpela mani na taim long kamapim dispela sas egensim Mista Wakon. Wakain tu Pablik Prosekjuta i westim bikpela taim long redim olgeta wok bilong kotim John Wakon na taim gavman

i mekim olsem, olgeta hatwok na mani i lus nating.

Mista Geno i tok tu olsem gavman i no larim Mista Wakon long klinim gut nem bilong em. Na tu gavman i no pret long wok bilong Kot taim em i katim wok bilong Kot long dispela hap.

Minista bilong Pablik Sevis Philemon Embel i tokaut olsem gavman i rausim John Wakon long redim ol plisman long mekim gut wok long taim bilong nesenel ileksen long

neks yia.

Em i tok i no gutpela long Mista Wakon i stap ausait na plis fos i nogat bos bilong givim oda. Olsem na gavman i rausim em na makim Joseph Kupo olsem Plis Komisina long lukautim plis dipatmen na redim ol wok bilong plis long karimaut long taim bilong ileksen.

Tasol Mista Embel i tok sori long Ombudsmen Komisina long gavman i no bin toktok na kisim tingting bilong ol pastaim long ol i go het na rausim

Mista Wakon.

Mista Embel i tok gavman i mekim dispela eksen bikos long bikpela samting bai i kamap long neks yia olsem na gavman i mas redi gut long nau i go.

Sapos loya bilong gavman i bin givim sampela tok stia long gavman long mekim dispela disisen, orait ating gavman yet i save long wanem tingting em i gat na arapela tingting i poroman wantaim.

Planti savemanmeri bai ting stret olsem gavman i laik sevim John

Wakon bikos em i wokman bilong dispela gavman we PDM pati i go pas long en.

Em i ples klia tru olsem dispela kain pasin i save stap wantaim wanem gavman i stap long pawa. Sapos narapela gavman i kamap na kisim pawa, ol bai mekimsave long Mista Wakon na sevim ol lain bilong ol yet husat i hangamap long han bilong Kot.

Dispela pasin bai inap stop bikos olgeta gavman bai lukautim gut ol boi bilong ol yet.



Sauk les long lusim Plis

• Minista bilong Plis Jimson Sauk ino laik long lusim wok bilong em olsem Plis Minista na go long narapela wok. Praim Minista Sir Mekere Morauta i bin makim memba bilong Lufa Mathias Karani long kamap Plis Minista na surukim Jimson Sauk igo long Provinsal Afeas na Lokol Gavman Afeas Minista. Tasol Mista Sauk i no bin muv taim Mista Karani i laik go sindaun long opis bilong Plis Minista long dispela wik.

Mista Sauk yet i tokaut olsem em i no laik go na em bai askim Praim Minista long larim em i stap long wok bilong em.

• Sogeri Nesenel Hai Skul i paia long Mande dispela wik we inap givim bikpela hevi tru long ol nupela gret 11 studen long neks yia. Ripot i kamap i soim olsem dispela em wanpela bikpela bagarapim tru paia i mekim long ol skul bilding na inap bagarapim tru skul bilong planti sumatin long neks yia.

Sogeri Nesenel Hai Skul em wanpela bikpela na olupela skul insait long Papua Niugini. Paia Sevis long Mosbi i tok ol i no inap long ron i go antap long Sogeri long kilim paia bikos rot em longwe rut na sapos ol i traim long go, paia bai mekimsave yet long ol dometri na skul bilding. Sogeri i stap ausait long Mosbi siti.

• Wanpela bikpela ka i bin rives i kam na pasim wanpela liklik skul boi wantaim simen bilong klasrum na em i dai taim ol i kisim em i go long haus sik long Kiunga long las wik Fraide. Dispela boi ya i save skul long Kiunga Sekenderi Skul. Ol skul pikinini wantaim ol tisa i kraim nogut taim ol i lukim dispela birua olsem na Skul Inspekta i pasim skul inap wanpela wik long larim tingting bilong ol studen na ol tisa i kamap gut bai ol i ken kam bek na skul gut long neks wik i go. Dispela ka i karim ol samting bilong wokim ol nupela bilding long skul ya. Ol lain bilong dai manki ya i singaut long ol lain bilong draiva na kampani bilong dispela ka long baim kompensesen.

Ol hap hap nius

• Olpela Minista bilong Hausing Ludger Mond i tok em i lukim olsem Hausing dipatmen i gat bikpela wok tru long mekim tasol pasin bilong gavman long senisim ol Minista klostu klostu i no gutpela tru. Em i tok Hausing Ministri insait long dispela gavman bilong Mekere i bin gat 7-pela Minista olgeta nau na dispela em bikpela senis tru we inap stapim planti gutpela wok long kamap.

Nupela Minista na memba bilong Kabwum Ginson Saonu i tok em bai askim Praim Minista long noken mekim narapela moa senis nau bikos taim bilong ileksen i kamap klostu pinis na larim dispela sotpela taim long Nesenel Hausing Kopresen (NHC) mekim gut wok bilong em insait long dispela sotpela taim. Mista Mond tu i sapot long dispela long tupela wantaim i mas askim Praim Minista long noken mekim wanpela moa senis long ol Minista bikos taim i sot pinis.

• King Wally Lewis husat i save pilai ragbi lig long Australia i bin kamap long Mosbi long las wik. Em i bin raun long ol skul na planti skul pikinini i amamas tru long lukim em. Em i bin gat sans tu long bungim ol yangpela manmeri bilong Mosbi long las wik Trinde long Sir John Guise Stadium we ol sapota bilong em i bin gat sans long lukim em. Ol i save kolim em King bilong ragbi lig bikos em i wanpela top ragbi lig pilai bilong Australia. Em i save pilai wantaim Brisbane Broncos inap em i risain long pilai.

Praim Minista bilong Papua Niugini Sir Mekere Morauta i bin raun wantaim em long dispela raun bilong em long ol skul na tu long bungim ol yut long Stadium.

• I no King Wally Lewis tasol i kam long Papua Niugini, biknem fowet bilong Brisbane Broncos tu i kam. Em Gordon Tallis tasol. Em i bin kamap tu long wanpela bisnis raun bilong em long Mosbi. Gordon Tallis em fowet bilong Broncos na Australia tasol em i bin stap nating sampela taim i kam bikos em i gat

bagarap long nek bilong em na dokta i tambu long em i no ken pilai inap neks yia.

• Plis long Lae i holim tupela man ol i ting i bin stap insait long wanpela bikpela trabel ol i mekim long wanpela yangpela skul meri long Lae long las wik. Taim plis i wok long painim yet ol arapela trabel lain, ol asples Yanga we dispela yangpela meri i kam long en i belhat na i laik go insait long Hanta Kompaun long soim belhat bilong ol. Ol man nogut, namba olsem 7-pela olgeta i bin katim han bilong papa bilong dispela meri na ol i holim meri ya na bagarapim em. Yangpela meri ya i stap nau long Angau haus sik na plis i wok long mekim wok bilong ol long painimaut ol lain i mekim dispela trabel.

Gavana bilong Morobe Luther Wenge i askim ol asples long noken kisim lo i go long han bilong ol yet. Ol i mas larim ol plisman i go het long mekim wok bilong ol. Tasol em i mekim bikpela tok kros tru long dispela pasin nogut tru we i kamap long dispela yangpela meri ya.

Kanage bilong Sepik em i go stadi long Amerika pinis na laik kam bek long PNG. Em i kam na ovanait long Honolulu. Apinun nau, бага i go long wanpela Salun long dring wanpela bia long kulim nek. Em wanpela blak skin man tasol sindaun stap long beksait tebol na dring stap. I no long taim em i lukim wanpela blak skin man tu i go na baim dring na go sindaun stret long fran. Kanage lukim em na tok dispela man em i luk olsem wanpela PNG o Afrika o wanpela man solwara long Pasifik. Kanage i painim tingting pinis na tekov na antap long kaunta na traim ba meri "I want some "SP" na ai sait i go long blak skin man sindaun long fran taim man ya i harim dispela hap tok "SP" em lukluk i kam long Kanage na em i dring. Orait ba meri tokim Kanage gen you speak slowly. Kanage tok gen "SP" orait dispela blak skin man em harim gen na em i lukluk long Kanage na lap, na wantu em ketsem em pinis. Orait Kanage kisim dring bilong em i go tok eskus long ol poro na go tok helow long blak sin man seken na askim, hai pren where are you from? Na бага tok I'm from PNG. Kanage which provnce in PNG? I'm from Kerema and I am studying here in Hawaii. Kanage tokim em well I'm your saki from Sepik. Tupela holim pas na krai nogut long wanem long taim i no lukim wantok man bilong PNG.

Maxwell Yawi Vanimo

Kanage bilong Goodenough Ailan insait long Milen Be provins em i bos kru long bot bilong ol Misen ol i karim long St Augustine na i save ron namel long Alotau. Wanpela taim ol i go sua long Alotau long bik moning na Kanage i no kaikai long nait olsem na em hangre nogut tru. Baga kisim baks tasol na tekov stret long fud ba kamautim mani putim long kaunta na tokim meri long kaunta, "excuse me my sista I want meat inside flour". Meri i paul na askim em gen, "what is it?". Kanage tokim em gen, "I want flour, inside meat". Meri i painim hat na em tokim Kanage you point. Orait Kanage i pointim stret long meat pie. Oh ye! Meri

ya i no isi long lap long Kanage em kilim stret long lap na hap toktok tasol na meri lusim olgeta strong bilong em.

Maxwell Yawi Vanimo

Kanage i bilong Sandaun. Na wanpela taim long bikpela moning tru em kirap long bet kaikai pinis na em laik i go long wok. Tasol Junia Kanage iwok long krai long go wantaim em long wok na Kanage kisim junia i go daun long rot na baim wanpela paket twisties long wanpela tred stua na givim em na tokim em long go bek long mama. Orait Junia Kanage i pinis krai na em wokabout i go bek long haus na lusim papa bilong em i go long wok. Junia Kanage wokabout i kam na em lukim wanpela samting ol waitman save yusim pinis na ol tromoi i stap na boi amamas nogut tru. Em i go kisim dispela samting na wok long winim olsem balun na karim i go long haus. Na taim em kamap long haus mama bilong em lukim em na em askim em yu holim wanem na winim ya. Na boi i kirap na tokim mama bilong em olsem em balun bilong mi, papa baim na givim mi. Taim mama bilong em laik kam kisim em i karim ronawe i go insait long haus na mama bilong em isi tasol i go insait na kisim na tromoi long en.

Bee Kay Vanimo

Kanage i bilong Wewak long Is Sepik provins. Wanpela krismas bikpela pikinini man bilong em i pinis skul na go krismas brek long ples. Orait, wanpela taim em i go wantaim papa bilong em long bus. Taim tupela i wok long wokabout Kanage i askim son bilong em olsem "son ol tisa i lainim yu wanem kain samting?" Na son bilong em i stori long em. "Papa ol tisa ya ol i lainim mipela long ol samting olsem saikoloji, astroloj, teminoloji na potoloji. Kanage i bilong i bisi stret long harim son bilong em na i no pilim ren pundaun na em kirap na tok "son the rainoloji is falloloji let's runioloji to the hausioloji.

KANAGE



Marjori Warisaito Boroko

Kanage em man Tari na em i wanpela strongpela man i save wok wantaim Parker Driling Company long Kutubu. Long hat wok bilong em bikbos i makim em olsem kru bos long driling seksen. Wanpela taim bos i kam bek long Mosbi siti wantaim ol nupela wok man. Kanage i go mitim ol nupela wokman long Moro eapot na lukim ol longpela man tasol. Kanage em save pinis olsem em ol man nambis na ol i no fit long ol kain wok long rig sait. Kanage em belhat pinis na em i go lukim bikbos na i tok. "Yes Sah my gut taim bos, ol this longpela new stiks ya .from Mosbi, bai yu mekim haus wantaim ol o bai yu mekim banis Kakaruk?" Bikbos bilong Kanage i sanap longlong na Kanage i givim ken na i tok, "mai wan boks. Na sarena, no ritrit, haipaia na rikruit tu Huli wokman so dat ol bai dril ol nait em wok bai i kamap neks moning sapos san kamap."

Ricky Yandi Kutubu

Kanage em wanpela smatpela yangpela man bilong Bena Bena na em i lukim planti manmeri bilong Kesavaga i kam long Bena long lukim wanpela wantok bilong ol i dai. Tasol wara Bena em i tait na ol manmeri i no inap long brukim wara, olsem na boi nogut Kanage em i stat long brukim wara na karim wanwan bilong ol i go long hapsait. Wanpela kum katim meri bilong Kesavaga i tokim ol meri wantok bilong em olsem: "Em i karim yupela olgeta i go pastaim, bihain tru em bai hos long

mi i go long hap sait. Em nau Kanage pinisim olgeta na meri i tok hos long em. Kanage kirap hos long manmeri na tupela wantaim pundaun long wara Bena.

Enoch Jim Goroka

Kanage i no save long tok pisin na em i gat 75 krismas. Em bilong ples Suave long Simbu provins. Wanpela moning em i go long Kundiawa Haus Sik. Long rot Kanage i bungim wanpela waitmeri na meri ya i tok moning long Kanage. Kanage i lukim wait skin na waitpela pes na ting wait meri ya i tok wanem long mi. Em ting meri ya i tokples na tok em i ken dai o samting. Em nau Kanage bekim wankain long meri ya na tok, yu ken dai long tumoro, tasol wait meri i no save na i go pinis.

Martha Onny Bialla

Kanage bilong lailbu long Sauten Hailens na em save lukautim ol yangpela boi long haus bilong em. Wanpela taim Kanage i go wok gaden na sampela hauslain i kalapim banis na brukim haus na stilim sampela samting. Kanage i kam bek long gaden na lukim olsem na kwik taim Kanage i saspek na go tokim ol plis olsem. "Orr forris, orr mangi mi wokim rong long as brong mi orsem as brong orr. Orr burukim fans brong mi na go insait rong as brong mi na kisim orgeta samting pinis.

Zimba Esthte Bialla

Kanage i bin raun i go long Lihir Ailan. Em i bin bungim wanpela nilpis bilong Kavieng. Bihain em kirap singautim olsem, "hey! Ol nilpis tu ya, yupela save karim stret ya." Na bihain nilpis tanim bek na singaut long stail manki Kanage olsem, "wee yu mas paul ya lapun na wip yet." Kanage popaia long bekim.

Bruno Kaire Kinkim Kimbe



Makim grasrut gavman

Dia Edita,
Yes mi laik tokaut olsem long olgeta manmeri bilong Madang na open ilektoret na ol aut stesin bilong Madang.

Long taim bilong vot long yia 2002 bai yumi ol manmeri mas tingting gut na glasim ol kendidet na bai yumi putim X o vot. Mi laik tok olsem long ol manmeri bilong Madang na ol open ilektoret aut stesin bilong Madang olsem. Nau em taim bilong votim ol man bilong ples stret.

Husat kendidet bai sanap.

Yupela mas lus tingting long bisnisan o wokman. Man wok mani na wok bisnis na wok kampani em maski. Em dispela ol man em ol i no save long sindaun bilong ol manmeri long ples. Ol i save long taun laip tasol.

Yumi manmeri long ples yumi save painim hat-taim tru long developmen sait. Plis yupela mas bihainim tok bilong mi na votim stret man o meri bilong em we i kendidet bilong ples. Ol manmeri i stap long taun em ol i save pinis long dispela kain

pasin. Yes narapela we olsem. Man o meri pinisim hai skul o yuni-vesiti na em i stap nating long ples mi orait. Bai yumi ken lukluk na putim vot na votim em stret. Bikos em ol i stap nating long ples.

Planti yia pinis nogat gutpela developmen olsem na nau makim strongpela gavman bai i stap gut na sevim gut ol pipel na kantri.

Jacob Bremai Madang.

Daewong Wabag Hotel stap long rong hap insait long Wabag taun

Dia Edita,
Mi wanpela man bilong Wabag taun stret, mi gat bikipela wari na laik putim dispela wari bilong yumi olgeta pablik bilong Wabag taun long tingim na stretim.

Dispela Daewong Hotel long Wabag em i no stap stret long

posisen bilong mekim mani. Bikipela Haiwe (Okuk Haiwe) ron namel na pablik (main) maket long narapela sait. Dispela hap em pablik ples bilong olgeta kainkain manmeri na pikinini wantaim.

Long lukluk bilong mi, Daewong yu no kea long wanem samt-

ing bai kamap ausait na daunim mani tasol stap insait.

Spakman pulap long rot, pasim ka, bagarapim maket bilong ol turangu lain. I no long-taim bai wanpela bikipela hevi kamap long hap.

Plis, Daewong yu toktok wantaim ol bos

wantaim Wabag taun kausel na stretim dispela hevi.

Pasim geit na putim long narapela sait o painim narapela hap long wokim Daewong Hotel. Em tasol wari bilong mi.

David Lwingstone Sangurap Doe Street Wabag Town.

Spak brus (mariwana) mekim planti longlong kamap long Wabag taun

Dia Edita,
Mi wanpela manki bilong Wabag taun stret insait long Enga provins.

Mi gat bikipela wari olsem na mi laik autim dispela wari bilong mi long yumi ol pipel bilong Wabag taun bilong tingim na skelim.

Taim mi raun long Wabag taun, mi save lukim planti ol yangpela man raun long taun. Pasin ol dispela yangpela man soim taim ol raun i no stret.

Ol save putim dak glas, na kep kalamapim ai na pes bilong ol, doti pulap long ol. Ron i go kam olsem ol busi tru

long wok. Wanpela hap musik kamap yupela go pulap olsem ol rat ron-awe long birua na kamapim planti stil pasin.

Plis, dispela pasin i no stret long ai bilong ol man. Yupela papamama karim long kamap olsem gutpela man, i no olsem dok painim pipia long rabis dram.

Dispela spak brus (mariwana), yupela save

kisim long liklik mani na kamapim spak, wokim na yupela paul longlong nabaut long Wabag taun stap. Mi askim tu long pablik bilong Wabag taun long was gut long kain lain olsem na putim ol go long han bilong plis.

David Livingstone Sangurap Doe Street Wabag Town.

PDM pati i no gutpela

Dia Edita,
Mi laik autim wari na bel-hevi bilong mi go long ol pablik. Wari na bel-hevi bilong mi i go olsem. Olgeta pati i gutpela. Tasol wanpela pati mi luk olsem i no gutpela em PDM tasol.

Mi tok PDM pati i no gutpela min olsem pest-taim tru em i laik salim Papua Niugini go long ovasis. Seken taim PDM

Sekyuriti kampani i no peim gut ol wokman

Dia Edita,
Mi wanpela manki Wabag nau mi long Sisiak namba 3 long Madang na mi laik autim bel-hevi bilong mi i go long olgeta sekyuriti kampani long Madang taun. Tasol ating olgeta sekyuriti kampani long Madang i orait bikos ol i save baim gut ol wokman bilong ol liklik bihainim leba lo bilong Papua Niugini.

Tasol long wanpela sekyuriti kampani, dispela sekyuriti kampani em i gat ol kainkain pasin olsem, kaikai buai 4 auas, i no putim helmet 6 auas, yu slip long gads diuti 12 auas, i no givim inap auas, Ol wokman i nogat yunifom na ol samting bilong wok wantaim.

Olsem na mi tok olsem dispela sekyuriti i no save baim yumi gut na stilim bek mani long mipela gen. Mi yet mi bin wok wantaim ol na mi lukim dispela kain tasol olsem na mi stop

wok. Potnait pe bilong ol wokman tu i daun tumas.

Olsem yu stat nupela ol bai baim yu 5 auas long wan de. Na tu olgeta wokman i winim 2 o 3 o 5 yia em save baim ol long 70 auas na sapos yu i stap wantaim em 2 o 3 yia na yu pinis em bai i no inap long baim yu pinis pe bilong yu.

Olsem na mi tok dispela sekyuriti kampani i wanpela laspela kampani tru. Dispela operesen menesa em i save katim nating mani bilong mipela nating tru. Na tu ol i save baim mipela long K60.00 o K50.00. Mipela i save sot tru long nogat mani long baim kaikai long stua bikos kaikai long stua i go antap tumas. Olsem na mipela olgeta i tok olsem Sekyuriti kampani em wanpela stil kampani.

Paul Saki Madang.

Noken stilim ol samting bilong kampani

Dia Edita,
Mi wanpela lus frut manki save i stap long Hela plentesen na wok long pikim ol lus frut bilong oil pam.

Planti taim mi save lukim ol samting bilong

kampani, Downer Konstraksen i save lus long ples bilong wok long Hela Mill Faktori na Kulu Dagi bris projek.

Yumi ol asples na Waira man mas amamas long Downer Konstraksen bikos em bringim planti wok na

sevis long yumi. Noken traim long stil o kros pait wantaim ol wokman bilong Downer Konstraksen long Kimbe projek.

Michael Bomai W Hella Plentesen, WNPB.

Klostu Kwanga pipel bai kamap olsem enimol

Dia Edita,
Mi wanpela man husat nau i stap long baibel skul long yia 1996 long lligita long Maprik. Na papa God i singautim mi long go wok misin long Kwanga lokol sios.

Taim mi go i stap long Kwanga setelmen, long yia 1996 krismas pinis mipela kamap long nupela yia 1997. 1997 Jun i go inap Ogas mipela i makim nupela man.

Dispela nupela man mipela i makim em i winim ileksen. Sori ol brata, susa, wantok bilong mi, dispela nupela memba em i no tingim mipela ol manmeri long Kwanga setelmen blok.

Rot bilong mipela i bus na nogat gutpela sevis long setelmen blok. Rot bilong mipela i bagarap, stat long arere long ples Nungwaia i go olgeta long Kwanga setelmen blok.

Klostu na mipela ol manmeri, pikinini bai mipela i tanim na kamap olsem ol animel long olbus long Kwanga. Mipela i nogat gutpela lidaman i sanap baksait long mipela na lukluk long karim hevi na wari bilong yumi.

Taim mipela i laik salim kopi, kakau, o go long maket mipela i save pundaun kirap na karim i go long Nungwaia, Patambo, Daina, Drekkir, Ambut, Ambuken na Apulatak. Mipela i save karim

bikipela hevi tru long dispela kain pasin. Wanpela samting mi laik askim ol gavman lida bilong mi long Is Sepik, olsem Sir Michael Somare, Sir Pita Lus, Judah Akesim Galus, Yumbui, Arthur Somare, Bernard Narokobi wai na yupela ol gavman lida bilong mi Is Sepik i givim baksait long mi pipel bilong yu.

Bilong wanem na yupela ol lida bilong mi i no laik putim tingting wantaim na lukluk long helpim mipela pipel bilong yu na kirapim developmen.

Somare, na Pita Lus yutupela i papa na tumbuna bilong kantri bilong yumi na yutupela i gat tingting na yutupela inap lukluk wantaim pikinini lida bilong yutupela Galus Yumbui na lukim na sapotim na helpim mipela ol pipel bilong yutupela long Wosera ilektoret.

Somare na Sir Pita Lus yutupela yet gat save long dispela blok long Kwanga long Wosera. Yutupela yet i blokim na salim ol manmeri i go i stap, na nau yutupela i aipas yet.

Na nau mi lukim Wes Ni Briten Oil Palm em i kamap Angoram bilong Sepik i kamap. Olsem wanem long Kwanga setelmen blok long Wosera?

Timothy Saun Kimbe, WNPB

Lotu i mekim bikipela nois moa

Dia Edita,
Mi raitim dispela pas long askim Lens Dipatmen, Nesenel Hausing Koporesen na NCDC long traim na lukluk long wanpela residen insait long Gerehu Stage 2, dispela residen em i gat haus we Hausing Komisen i bin wokim pastaim na narapela haus em liklik haus em wanpela liklik lotu Rivaivol ol i save lotu long en.

Dispela lotu em ol i gat laif ben na olgeta Sande ol i save statim lotu long 8 kilok na pinis long wan kilok olgeta Sande, dispela nois bilong ben na na mi autim tok em bai yu harim long Gerehu maket.

Man, em i no lotu em ating wanpela klap ya. Mipepa olgeta lain residen em mipela i les pinis.

Mi askim gen Lens Dipatmen, Nesenel Hausing na NCDC long i go na askim papa bilong dispela haus, (Allotment 17, Section 250, (Gerehu) Hohola) sapos yupela i no helpim na tokim ol long lusim dispela hap, em bai i gat bikipela hevi bai kamap na mipela bai kros long man husat em i oraitim ol na ol i wokim haus na lotu long en i stap nau.

Plis lukim dispela pas bilong mipela na kisim eksen hariap tru.

Dispela em wari bilong mipela olgeta husat i stap long dispela eria mipela bai hamamas tru long helpim bilong yupela.

Memolau Anatas Gerehu

Larim Somare i ronim kantri

Dia Edita,
Mi laik autim bel hevi bilong mi na ol pablik i ken lukim na skelim. Yes wari bilong mi i go olsem.

Inap Praim Minista Sir Mekere Morauta i ken lusim sia bilong yu pastaim na stepdaun inap olgeta hevi i pinis pastaim. Bikos yu ronim kantri na kantri i no ron gut. Olsem na mipela ol pipel i no amamas long yu olsem mipela olgeta i askim yu long stepdaun na givim i go long lapun papa bilong kantri Sir Michael

Somare na bai yumi lukim bikos em i man bilong kisim independens. Na tu, em papa bilong kantri olsem na traim lusim long han bilong em na yumi lukim sapos em i no wokim wanpela samting, orait yumi olgeta pipel i save olsem kantri bilong yumi PNG i bagarap pinis na bai mipela i stap anitim long narapela gavman.

Olsem na mipela tok lapun papa bilong kantri em i gat pasin kastom bilong haus tambran bilong em

olsem na mi wanpela manki Sepik i tok traim na lusim long han bilong lapun papa bilong kantri na yumi lukim bikos yu Sir Mekere gavman i no ronim kantri gut olsem na prais bilong ol samting long stua i go antap na mipela ol grasrut i kisim taim tru.

Olsem na mipela pipel bilong PNG i askim yu long stepdaun inap long 2002 nesenel ileksen.

Samson Sully Madang, MP

Sarnmaen Waiua Pangia, Sauten Hailans

Sapot go yet long PDM pati

Dia Edita,
Mi wanpela manki Dei Kansel yet na mi laik sapotim Paias Wingti wantaim pati bilong em PDM long 2002 nesenel ileksen.

Mi sapotim bikos mi lukim planti sevis PDM pati i wok long kamapim insait long Western Hailans provins. Mi lukim han mak bilong Paias Wingti i stap long WHP. Rot sistem, nupela dabol klasrum, haus tisa, komputa sistem, fri edukesen na planti moa.

Sapos yumi ol pipel bilong Western Hailans i sapotim Paias Wingti wantaim pati bilong em PDM, bai yumi lukim bikipela senis bai kamap long ples, provins na kantri wantaim.

Anis Moia Mt Hagen, WHP

Saonu bai winim sit gen

Dia Edita,

Mi wanpela pikinini Kabwum nau i stap long Kabwum ples. Planti taim mi save harim pikinini Kabwum nau hangamap nabaut long taun save komplem long memba Ginson G. Saonu bilong Kabwum olsem em i no kamapim projek long Kabwum insait 8-pela yia long niuspepa na long redio.

Long bekim dispela em i olsem mipela 3-pela eria Komba, Selepet na Timbe, holim Nesenel lidasip longpela taim klostu 20 yia dispela taim inap lida bilong yumi statim wanpela mejaprojek olsem Tipsit, Indagen Satwag rot, Kabwum hai skul voke-

senel skul na foma memba Tom Horick o Hon Ginson Saonu nau inap pinisim na kamapim nupela projek tasol i nogat.

Tu mipela 3-pela eria bin kontes long 1997 em i moa long 10 kendidet winim Teptep na ol i wanpela na ol i kisim pawa, nau yet long 2002 nesenel ileksen gen em i moa winim 1997 na Teptep nau lukluk gut long yumi gen, em bai ol i kisim gen tok tenkyu na i stap isi tasol.

So dispela soim mipela ples manmeri husat sapotim ol lusing kendidet long 1997 em nau bai mipela sapotim memba Ginson Saonu long wanem em i kamap-

ples klia stret olsem em i bai winim sit gen na kisim bek gen pawa. So yu husat pikinini Kabwum i stap aut nau yu komplem i stap ya bai yu komplem i go na kamap gripela rokrok na nek bilong yu bai solap.

Mipela manmeri bilong ples lukim pinis ya i stap! Ol komyuniti long YUS LGC ol i nogat 2-pela tingting. Nogat, ol i pasim wanpela nek bauri na salim long wara Urua i go pinis ya, nogut ol i holim lidasip yet. Asua bilong husat na ol i bai holim lidasip yet! Yumi ol lain bilong toktok, so maski i stap isi na ol i lukautim yumi, yu husat na husat lusim top wok

bilong provins na laik kam kontes long 2002 yu kam long tru developmen long distrik o kam bilong K1.5 milien yu kam na go long Usino Kewa, Usot na ekskus pastaim na kam bek na sindaun long ples bilong yu.

So nau yet 3-pela ol kamapim gut disisen bipo baim fi nogat em nogat ya yumi bai sindaun isi baksait long yus ya ples man Komba ya lukim pinis. Na tokaut olsem, yu husat Kabwum laik bekim salim i kam na mi lukim.

**Ipmo Katep
Kabwum, Morobe
provins.**

Makim lain bilong yu long ileksen

Dia Edita,

Olsem na brata mi bilip olsem yu i gat bikpela kros tumas long wok bilong Gavana Agiru na mi laik askim yu brata Wapu.

Maski komplem planti yu i mas makim wanpela man Nipa long 2002. ileksen. Na yumi traim resis long dis-

pela bikpela ileksen. Na yumi lukim husat bai winim dispela ileksen.

Sapos yupela ol Nipa i win yupela man tru. O sapos nogat mipela ol Tari win em mipela man tru.

**Palko Hela
Tari, Sauten Hailans Provins.**

Rot baset bilong 2001 i stap we?

Dia Edita,

Mi wanpela manki 100 maunten bilong Kabwum wokabout long Finsafen na arepela hap distrik bilong Morobe we pesim sem hevi i gat wanpela bikpela askim tru i go long opis bilong Gavana bilong Morobe na Morobe Gavman na long wanpela nius o nesenel niuspepa we i bin tok long 2001 baset.

bilong rurel rot aggredding i bin edvetais long Tunde, Epril 3, 2001.

Mi gat askim long dispela na i sanap bihainim askim bilong mi.

Olsem wanem long mipela biklain long maunten insait tru we i nogat rot bilong ka go pinis long en?

Mipela i laikim sevis tu na taitim bun long wokim eastrip i stap na pinisim mani long wil baro, spet na kankain i

lus i stap.

Gavman i gat sampela kain luksave long dispael kain long helpim ol 100 maunten bikos niuspepa i bin tok olsem tu na toktok.

Sait fand bilong rurel infrastraksa long karim aut sosel na ekonomik developmen.

Tru tumas mipela ol lain long maunten we nogat rot long en i traim long helpim mipela yet long wokim eastrip na planti lusim laip na westim liklik mani bilong ol long tuls.

Dispela em open leta mi raitim na sapos mi i no kam gut long rait toktok plis bekim na tokim mi sapos nogat mi amamas tasol.

**Dops G. Sapenu
Kabwum, Morobe
provins.**

Lukim man gut na makim

Dia Edita,

Mi laik tokim ol pipel bilong Not Flai olsem bipo sampela memba i stap long Not Flai provins o Kiunga no kamap i kam inap long 97 ol pipel votim ol memba.

Hon. Kala Swokin kamap olsem memba bilong Not Flai. Nau Kiunga kamap siti.

Hon. Kala Swokin i mekim planti developmen tru long Not Flai olsem na mi laikim 2002 makim maus, tingting na jaitim vot tasol i go long lida bilong yu.

Na makim i kam bek long memba bilong yu long Not Flai long palamen long 2002 tingting na lukluk bek long bipo taim.

Sampela memba i stap. Rot i go long ples bilong yu ol putim kolta long ples balus. Putim kolta long Kiunga. Kiunga hai skul kamap. Gret 12 nogat tru. Kala Swokin kamap memba bilong Not Flai.

Na ol samting i wokim long taim olsem narakain gen. Givim vot long lapun. Kala Swokin lukluk bilong mi olsem Kala swokin i laik makim Kiunga i laik kam. Nau siti bilong Papua Niugini olsem na yupela long Not Flai i mas lukim na makim papa. Kala i kam long memba bilong Not Flai long 2002.

Not Flai bai nogat developmen olsem na lukluk gut tingting gut na votim Kala Swokin.

Yumi ol pipel bilong Papua Niugini yet. Save long-long na votim man yumi mas lukim gut memba husat wokim rot, skul, haus sik okey orait givim vot long em long 2002 na kamap memba bilong yu ken. Faiv yia moa na bai provins bilong yu kamap gut. Yangpela man bai nogat developmen long ples olsem na Not Flai makim Kala Swokin tasol long 2002.

**Paul Zambe
Pot Mosbi, Nesenel
Kapitol Distrik.**

Ramo i no gat rait long klemim Barupu lagun

Dia Edita,

Mi laik sapotim pas bilong brata ya Kely long 7 Disemba. Dispela pas brata ya i raitim em i trupela na trupela olgeta.

Olsem na yu brata Hendi bilong ples Ramo, opim tupela ai bilong yu na enserim ol kwestim em i askim yu sapos ol ensa i go kran-gi i luk olsem yu bagarapim yu yet, i no olgeta Ramo. Yu bin tok nem Ramo i pariap, na Rai yu meri ya Yarnav i kilim yu, yu stap olsem bus kanaka, nau yu lukim, ka, nupela haus ol senis i lukluk long kam.

Brata sevis ya i kam long nem Ramo o

Barupu? Brata, mi Barupu i wari long yu na mipela i givim yu dispela sevis.

Sapos mi stap long nambis yu ting bai yu kisim dispela kain sevis? Na Rai mipela ol Barupu i save sem long apim nem bilong mipela yet, bikos mipela ol Barupu i no gat gutpela save man, ating long yu olgeta mas go long Yunivesiti o sampela kain skul.

Olsem na nem Ramo i pairap. Hendi yu wan-peal parasait flawa, Barupu, as bilong diwai Ramo.

**Cha Manaka
Aitape, Sandaun
provins.**

Sapos yu laik salim pas bilong yu kam long dispela niuspepa, alim i kam long dispela adres:

**THE EDITOR
WANTOK NIUSPEPA
PO BOX 1982, BOROKO, NCD**

**Arou eria
komyuniti
kamapim
ples balus**

Dia Edita,

Arou em i wanpela veli namel long Kelabo na Kopiago long hap bilong Lek Kopiago distrik bilong Sauten Hailans provins.

Mi amamas na wanbel stret long ol komyuniti long ples olsem Pongolaya, Uguni, Pakagi na Arou i wok bung wantaim long kirapim ples balus long hap.

Mi amamas long lukim ol wasman bilong CBC Sios olsem Limbu, Pongo, Limbawi, na Markus Alembo long go pas na lidim ol manmeri long stretim ples balus.

Ol kain wok ol dispela lain pipel save wokim.

Em levolim graun, putim ston long graun, wokim baret, kamautim as bilong ol diwai na planti moa ya.

Plis ol lain long Sivil Aviesen, inap yupela go na sekim wantaim MAF opisa long Hagen.

Mi bilip bai hat wok i no ken lus nating long hap. Rot em hat olsem na wanpela we em long balus tasol.

**Matt Dedeboh
Holeyah
Inputz, Sauten
Hailans provins.**

Nipa bagarapim Tari rot

Dia Edita,

Mi laikim askim yupela Wantok inap yupela givim liklik spes long mi.

Na mi laik bekim toktok bilong brata Wapu ilaibe bilong Nipa distrik, Sauten Hailans provins.

Yes, brata Wapu yu tok long yu yet olsem yu i no bilong taun Mendi. Yu bilong Nipa bus

Kanaka. Em i tru tumas, mi sapotim yu, bikos yupela sampela Nipa man, yupela olsem wail man tru long bus bilong Nipa.

Na yupela planti taim i save blokim Nesenel Haiwe rot na wokim raskol pasin nogut long Nipa na Tari rot.

Brata Wapu yu wari tumas long

Hon. Agiru gavana bilong Sauten Hailans provins.

Brata Wapu mi laik tokim yu olsem mi wanpela liklik man na sapota bilong memba Anderson Agiru.

**Hela Huli
Tari, Sauten
Hailans provins.**

Nogat sevis i go long Gumini

Dia Edita,

Mi wanpela manki Saut Simbu long Gumini. Nau mi stap long Mosaina mi gat wari long Gumini rot i gat bikpela bagarap long ol hul na tu ol bris bagarap na mi no lukim wanpela senis i kamap.

Mipela ol pipel bilong Gumini i ting memba i dai pinis. Mista Joseph Wamil yu save go long ples tu o nogat. Sapos yu go long ples yu traim na lukim dispela wok bilong husat.

Mipela ol Guminini pipel i votim yu bilong kisim sevis i go long Gumini i no bilong yu pasim maus na hait long Mosbi. Mipela bungim maus long yu go long

palamen na toktok strong na kisim sevis i kam. Mista Wamil mipela i no save lukim yu long TV, redio na niuspepa toktok strong na kisim sevis i kam, nogat na nogat tru.

Wamil yu save olsem yu no fit long mekim wanpela wok yu lusim na stap nating. Bikso yu westim taim bilong ol nupela blut i gat save inap long ronim kantri ya.

Yu westim taim bilong ol nupela blut i gat save inap long ronim kantri ya.

Yu pasim spes i stap.

**Tura Sine
Boroko, Pot Mosbi.**

Bekim mani kwik

Dia Edita,

Wanem taim stret bai pe aut. Mipela wet longpela taim nau. Plis U-Vistract bos Noah Musingkus tokim mipela planti kristen manmeri nau.

Yu tokim mipela long tainim bel bai mipela i stap isi na kisim bikpela mani. Mipela wet tasol i nogat samting kamap. Sapos, yupela giamanip mipela. Plis bekim bek mani stret bilong mipela nau, mipela i no wari long win mani bilong yupela mipela wari long mani bilong mipela nau, laip hat tru nau.

**Wari Investa, Kimbu Nape
Madang, Madang provins.**

Laikim pen pren

Dia Edita,

Mi raitim dispela pas long yupela ating bai yupela inap long pinisim wari bilong mi. Dispela pas em namba tu pas bilong mi.

Long sait bilong pen pren mi bilong Morobe tasol mi stap long Wes Nu Briten provins.

Mi save laik harim musik, pilai ragbi, go lotu na mekim pen pren.

Mi laik tok tenkyu long yupela ol dispela lain we yupela putim dispela pas bilong mi.

**Tonny Haikam
Bjalla, Wes Nu Briten provins.**

Agiwa i no lukluk long banis bilong em

Dia Edita,

Plis givim mi spes long putim dispela komplem long pepa bai Papua Niugini i ken rit na luksave olsem 'Herowa Agiwa' memba bilong Koroba-Kopiago long Sauten Hailans i nogat taim long tingim ol Duna pipel bilong Kopiago distrik.

Dispela distrik i joinim wantaim Westen provins na Sepik provins tasol nogat developmen i kamap long en. Herowa Agiwa, yu ministra tasol, yu no stretim beksait bilong yu ya. Yu lus tingting long ol Kopiago pinis. Sapos yu go long Kopiago bai yu ken stat wokabout long Tangi bris long Koroba distrik na em bai tekim yu olsem 12-13 auas long wokabout:

- Kelabo CBC na MAF stesin i no senis liklik;
- Rot stat long Tangi bris i go olgeta long Kopiago stesen, nogat ka i ron;
- Kelabo helt senta na Kopiago haus sik i no gutpela. Nogat han mak bilong memba yet;
- Ples balus long Kelabo, Kopiago i no gutpela;
- Ol skul olsem Kujibi, Haredege, Arou, Hagiwi na Kopiago wantaim Paka i no senis yet. Mista Minista, wanem taim bai yu stretim Lowa na apa Tombutu na Kopiago? Save i stap long yu. Wok ministra em westim taim na ol pipel i bagarap tru long sevis ya. Lukim yu long 2002.

**Matt Dedeboh Holeyah
Inputz, Lake Kopiago.**

Gavman i wokboi bilong Australia

Dia Edita,

Mi wanpela man Dreke Sepia nau mi stap long Mt Hagen. Mi bin lukim Wantok niuspepa bilong Me 3, 2001 na mi laik sapotim wanpela brata bilong Sauten Hailans Engex Lum."

Em i bin rait na tok gavman i wokboi bilong Australia. Mi sapotim dispela brata, Papua Niugini em ris kantri na olsem wanem ol risos mi min kopa, gol, timba, ges, oil na sampela moa em. Gavman i putim mani we? Olgeta taim mi save harim long redio, lukim long EMTV, na tu long niuspepa.

Na narapela em gavman i mas wokim ges long Papua Niugini na

maski long putim paipain i go long Kwinnslen bai i ken holim mipela sampela ol yangpela bilong Papua Niugini no gat wok na mekim raskol.

Papua Niugini i gat bikpela graun i stap nating i inap dispela faktori long Kwinnslen i kamap long Papua Niugini na i ken helpim ol sampela grasruts, skul livas olsem gret 10, 11 na 12 na ol yangpela insted long wokim raskol stil pasin na painim mani.

Plis mi laikim Prais Minista o wanpela palamen memba mas ritim dispela wari na bekim.

**Raymond Mathias
Mt Hagen, Westen
Hailans provins.**

Ol opsisen Spot Dro

PORT MORESBY MENS SOFTBALL ASSOCIATION

Sunday, November 11, 2001

Week Three DIAMOND ONE

- 0900 B Gazelle vs AB Bears
- 1030 B B/Eagles vs N/Hawks
- 1200 A Manalos vs Gazelle
- 1330 A N/Hawks vs B/Eagles
- 1500 A AB Bears vs Kopex

DIAMOND TWO

- 0900 C Admiralty vs Manalos
- 1030 B Elcom vs Kopex
- 1200 C Dolphins vs Samurai
- 1330 B Dolphins vs Manalos

BYE A grade Elcom
C grade N/Hawks

2001 EXPORT LAGER CHAMPIONSHIPS

ZONE 1

Teams: Port Moresby Boromas,
Daru Stingrays and Mt Hagen
Heemers

Saturday November 10

Port Moresby vs Daru

ZONE 2

Teams: Morobe Hammerheads,
Morobe Tigers Sharks and Goroka
Kilituas

Saturday November 10

Morobe Hammerheads vs Goroka
Kilituas

Tuesday November 13

Morobe Hammerheads vs Morobe
Tigers Sharks

ZONE 3

Teams: East New Britain, New
Ireland and Port Moresby Gaigais

All match played at Kokopo
Sunday November 11

East New Britain vs New Ireland

SEMI FINALS

Teams: Zone 1, Zone 2 and Zone 3
and a Wild Card Entry

Venue: TBC

Saturday

Game One Zone 1 vs Zone 3
Games Two Zone 2 vs Wild Card
Entry

PNG FOOTBALL ASSOCIATION CLUB CHAMPIONSHIPS GRANDFINAL

Sunday, November 11, 2001

9.30: Gates Open
11.30 Under 13 versus Under 14


- 12.30 School of Excellence
Under 15 selection trials
Team 1 vs Team 2
- 1.30 Garamut (University and
Sobou warm-up)
- 2.00 Both teams line up facing the
grand stand
- 2.15 President/PMSA introduce
player to VIP guest
- 2.30 Official Grand final kick-off by
Patron/President and City
Administrators



• Menesing Dairekta bilong Downer Construction Greg Wright i redi long opim Downer Cup tas na soka grenfainel las wik long Six Mile.



• Graham Sakore na Aiem Pilakos i redi long winim bal long lain-aut egensim Sydney Randwick. (Top raithan) Moa eksen bilong Wol Barbarians Sevens we i bin kamap long Pot Mosbi.



WANTOK NIUSPEPA i laikim ol part-time niusman long salim nius na poto bilong sotbal stori i kam long ol bikipela senta olsem Mt Hagen, Lae, Goroka, Madang, Wewak na Wes Nu Briten.

Sapos yu ting olsem yu ken helpim Wantok Nius long dispela wok, plis ring na toksave long Spot Edita long dispela telefon namba 325 2500 o feks long 325 2579. Nogat yu rait long dispela adres: Spots Edita, Wantok Niuspepa, P. O. Box 1983, Boroko, NCD. Email adres em: word@global.net.pg : Attention: HENRY MORABANG

Sapos yu laik salim stori opiksa, dispela i mas kamap long Spots Desk.



• Ol referi bilong World Barbarian Seven i sanap kisim poto long opisel welkam pati long Holide Inn.

Paia bilong Manalos i pinis?

WANPELA strongpela men's tim insait long Pot Mosbi Mens sofbal resis, Manalos, i wok long bruk isi isi nau.

Wantok Nius i guria long lukim olsem sampela ol biknem pilaia bilong klab, Manalos, olsem Danny Mong na Dick Bart jnr i joinim arapela ol klab.

Dick Bart nau i joinim ol lain AB Bears na Mong i surik i go joinim narapela klab.

Wanpela pilaia bilong Manalos husat i no givim nem i tokaut olsem planti ol pilaia i lusim laik long pilai bikos long edministresen bilong lokel asosiesen na tu nesanel federesen.

Em i tok planti pilaia i no pilai long wanem ol i no klaia gut sapos bai i gat ol samting olsem nesanel klab sempionsip o nogat.

Wantok Nius i painim aut olsem tripela ol biknem opisel bilong Manalos klab Henry Kila, Wesley Pialkolos na Albert Evald i lusim gem na statim basebal long Pot Mosbi.

Wanpela bikpela samting tru i kamap long olgeta Sarere na Sande, ol sapota i no save kamap moa long sapotim tim bilong ol.

Long bikpela gem long Sande namel long Gasel na AB Bears, samting olsem 50 ol man meri tasol i kamap long lukim dispela gem.

Gasel i paia yet long Pom sofball

SOFBAL: sisen long Pot Mosbi i dai pinis o nogat.

Long las wiken, *Wantok Nius* i bin raun na lukim olsem 50 manmeri tasol i bin kamap long lukim bikpela gem bilong sofball namel long Gasel na AB Bears.

Dispela i soim olsem Henry Kila na ol olpela eksekutiv i mas karim sofball wantaim ol i go na statim basebal ya. Inap ol nupela eksekutiv i lukluk long dispela.



• Ol boi Gasel i sanap kisim poto bipo ol i go salensim AB Bears insait long bikpela A gret gem bilong Pot Mosbi mens sofbal resis las wiken. *Poto: JOE IVAHARIA*

Admiralty autim biknem AB Bears

ADMIRALTY i wilwilim stret Aishi-Bishman Bears 18-5 insait long Pot Mosbi wimen sofbal resis long las wik Sarere.

Insait long arapela gem, Mazda Carps i bagarapim tru sindaun bilong nupela A gret tim, SP, 13-4.

Admiralty i yusim gut eskyus long wanem planti ol biknem pilaia bilong AB Bears olsem Joyce Inguba, Wendy Katusele, Wendy Sogai na pitsa Maggie Joseph i no stap na mekim save long ol stret.

Bears i laik traim bekim long pinis bilong namba tu ining tasol ol Admiralty i taitim tru filding bilong ol na ol i no inap skorim wanpela ran.

Namba wan beta bilong AB Bears Antonia Tatai i no laki tumas long wanem ol i paitim bal na go pundaun stret long han bilong Ikanau Aumu bilong Admiralty.

Helen Tata i konektim gut bal bilong Pat Iwaroi long sanap long namba wan bes.

Leonie Simba i aut tasol lapun Deline Bais i paitim gut bal long bringim Tatai i kam hom. Em i paitim bal i go long auffilda bilong Admiralty Darusilla William.

Janet Rangou i paitim bal tasol pitsa Iwaroi i ketsim. Skoa nau i sanap 1-11.

Admiralty i kisim wanpela ran long seken ining. Ol lain Bears kisim arapela tupela long bringim skoa i go long 4-12.

Bears i mekim sampela asua long filding long lukim Della Iwaroi, Rose Mohe, Gloria Mattes na Cathy Salaiau i kam hom.

Bears i kisim tupela ran long namba tri ining i kam long Bais, arapela husat i kam hom em Rangou, Tessie Komet na Janice Soweni.

Las poin bilong ol lain Admiralty i kam long Mohe long namba foa ining na Aumui i pinim long namba faiv ining long bringim skoa i go long 18-5.

Ol tim long GASA i kirapim das

ONIAS MANO i raitim

GAZEL Amata Sofbal Asosiesen i statim pinis pilai bilong en we i lukim ol tim i wok long kamapim strongpela gem tru.

Na long namba tu raun, ol tim bai kamapim strongpela gem long traim winim spes long stap insait long skwat long salens long Governors Cup long Ista.

Burmah Raiders i kamapim wanpela gutpela gem long daunim pawa bilong susa tim bilong en, Burmah Raiders 8-2.

Tigers i kisim sampela ol gutpela pilaia olsem Emil Lucas na Luke Waldiat. Tupela pilaia i bin stap long Pot Mosbi na i save

long kainkain ol stail long strongpela kompetisen.

Insait long tupela ining, nogat wanpela skoa i kamap long wanem tupela sait wantaim i strong long filding bilong ol. Ol i wok long stapim ol beta long go winim namba wan bes ya.

Raiders i brukim kiau taim ol lain Tigers i mekim sampela asua long filding bilong ol. Dispela i bringim skoa bilong Raiders i go 1-0.

Aninit long lukaut bilong Willie Karani, Tigers i stat long paia nau. Ol pilaia olsem Sylvester Voit, Emil Lucas, Victor, Alois na Luke Waldiat i stat long skor long olgeta ining bilong ol.

Raiders i daunim het na pilai strong

tru. Ol pilaia olsem Daniel Kinakava, Andrew Akuk, Michael Warium, Simon, Tingting Teran, Noah Kauke na Peter i sanap long bes tasol ol i no kam hom.

Black Python II i go het long poin lata taim ol i autim Strivers 11-10. Tupela tim wantaim i pilai strong na skoa i wok long senis senis olgeta taim. Strivers i rong long paitim bal long antap we ol lain Sinek i kisim na autim ol.


Rebels em wanpela strongpela tim i laki tru long winim St Theresa 6-3. Ol lain St Theresa i givim hat taim stret long beta bilong Rebels tasol ol i gat sampela ol ekseperiens pilaia long winim gem.

Ol lain Rebels i mas stretim filding dipatmen sapos ol i laik pilai strongpela sofball long kain ples olsem Gazel, Kokopo na Rabaul.

Black Python I i wilwilim stret St Mary's 6-0. Maski biknem pilaia Kenelly Kiriti i no stap, ol yangpela Sinek i strong moa na mekim posin long ol lain St Mary's.

St Mary's i gat sans long skoa tasol Python i mekim strongpela filding stret long blokim ol long skoa.

Na long gem bilong ol meri, Burmah Tigers i bagarapim tru sindaun bilong Unicats 26-4 na Royals i klostu mekim save long Rebels tasol ol i lus 1-13.



• Ol tim husat i kam resis long Utamo Spots tonamen we i bin kamap Tifalmin eria long Telefomin, Wes Sepik. *Poto: JOHN SAMAR*

Tifalmin i holim spot tonamen bilong ol

UTAMO Spots Asosiesen insait long Tifalmin eria insait long Westen Provins na Wes Sepik i holim namba tri tonamen bilong ol las wik.

Moa long 400 pipel i bin kamap long lukim dispela tonamen we i stap namel long ol viles pipel bilong Utamo.

Tupela bikman, Robin Moaina bilong OTML na Presiden bilong Star Maunten Lokel Level Gayman Kaunsil Borok Pitalok i bin witnessim dispela spot tonamen.

Tupela i tok ol i amamas tru long lukim ol pipel i stap bung long spot.

Ol pipel insait long Tifalmin i askim sapos OTML na Star Maunten LLG i ken givim ol sampela sevis bilong bris, skul na spot facilities.

Moaina i tok ol inap kisim helpim sapos i gat gutpela plen i kam long Provinsal Gavman bilong ol.

10-pela klab i resis long Pot Mosbi wimen sofball

IGAT wanpela ten klab (10) tasol nau i stap insait long Pot Mosbi Wimens sofball kompetisen long 2001/2002 sofball sisen.

Dispela namba i kamdaun bihain long tupela klab, Tarangau na NGI, i no putim tim long wimens kompetisen.

Ripot i kamap olsem Tarangau tim i no afiliet bikos tupela marit husat i save lukautim klab i pinis wok Woda Plis na go bek long ples. Olsem na ol i askim ol pilaia long go long laik bilong ol na painim nupela klab.

NGI i bruk long wanem i no gat inap pilaia long kamapim klab.

Ol tim i tokaut pinis long resis bilong dispela yia em Admiralty, Wantoks, AB Bears, Chebu, Norths, All Stars, Gazelle, SP, Mazda na Dolphins. Ol klab ya i gat tim long olgeta tripela divisen (A, B na C) long kompetisen.

Dolphin tasol i gat tim long B na C. Pot Mosbi Wimens Sofball

Asosiesen i singaut i go long olgeta klab na pilaia long baim ol kain fi olsem afiliesen, nominesen na rejistresen.

Klab nominesen fi em K100, tim afiliesen em K50, rejistresen bilong pilaia em K10 na rejistresen bilong kosa, tim menesa, teknikel opisel em K15.

Sampela ol ar apela fe em Apil fi em K50, inta klab trensfea em K20, inta klab trensfea bilong kosa/teknikel opisel em K30 na oval hire em K150 per day.

Asosiesen i putim get fi long K1 long olgeta man na meri. Levi fi bilong ol pilaia i makim asosiesen em eksekutiv bai makim long bihain taim.

Ol tim i no baim long taim bai kisim bikpela sas. Olsem sapos ol klab i no baim nominesen fi, mak bai surik i go long K200, tim afiliesen K100 na rejistresen em K10 long wanwan pilaia.

Rijonel dat sempionsip bilong Hailens i on

NESENEL Spots Institut long Goroka bai holim Hailen Rijonel Disable Gems long dispela wiken.

Ol tim bilong Westen Hailens, Lae, Simbu na ol senta olsem Callan Sevis na Mt Sion bai resis long dispela tona-

men. Tupela disabel atlit long Mt Sion husat i go resis long Brisbane i no longtaim i go pinis bai joinim tim bilong ol na salns long dispela wiken.

Ol disabel bai resis long swimming, asketball, resis, sut long banara.

Na ol bai putim sampela gem olsem soka, volibal.

Ol lain voluntia husat i laik lukautim dispela gem bai mas kamap long wanpela spesel kos.

Ol lain husat i laik sapotim dispela ol spot i

ken kamap long NSI graun na lukim ol turangau i pilai. Get fi em 50t long bikman na 20t long ol pikinini.

Dispela em i namba wan rijonel sempionsip long hailens. Ol arapela rijen i no holim yet sempionsip bilong ol.

Loya strongim pasin bilong tas kompetisen long asples

JACOBSEN SU i raitim

PLANTI lain bin kapsait ong Tambul Hai Skul Spot fil long las wik Sarere long lukim wanpela gren fund bin kamap namel long LNB na Kanvolu.

Tupela tim wantaim soim olgeta stail bilong tupela na planti bilong bikpela save olsem 4000 manmeri bin amamas na lukim.

Tupela tim wantaim taitim bun na nogat skoa bin kamap inap long fut lain stret.

Man husat i bin salim tok long ol man long ples ken oganaisesen ol yet na pilai sampela kain spot, em Danny Gonol bilong Pauline Dowa Langem.

Ms Gonol i tok, "Wanpela win olus, em i no tingting bilong mi. Mi no laik bai ol yang

pipel bilong komyuniti i go painim amamas long taun.

Ol yangpela moa stap bek long komyuniti bilong ol na hepim ol papamama. Na em i tok kain gem olsem em i gutpela long yu ken stap na amamas na em i givim trophi wantaim wan tausen kina long ammas ol yet.

Planti bihain long ples bin amamas nogat tru long Ms Gorel i bin salim tok long ol yangpela manmeri i ken oganaisim ol yet na pilai na i bin kamap gut tru.

Kepten bilong LNB, Simbu Pol Plak i tok, "Mi amamas nogut tru long pilai wantaim ol manki bilong yumi yet long taim tru i ken inap nau na mi save nau olsem ples yet amamas i stap.

Tambul hai skul BOG siaman na Kausil bilong komyuniti

Simana Kend i tok, yupela ol yangpela i mas save olsem mipela ol Idia i laik holim pasin yupela wantaim ol dispela spots bikos nogut yupela painim amamas raun na kisim bagarap o yupela sampela bai kisim trabel i kam insait long distrik na komyuniti na dispela bagarapim sindaun bilong ol pipel."

Komyuniti Idia Abe Misi i tok, yumi mas hepim yumi yet long stap gut na amamas long ples, helpim ol papamama na kirapim kain gem olsem.

Yupela yangpela i mas save olsem wanpela taim bai yupela kamap lida olsem na nau em i taim bilong yupela long stap aninit long ol Idia na kisim moa skul long ol na bihain yupela kamap gutpela manmeri bilong komyuniti provins na long kantri.

China Town Roosters winim Downer Cup



• Ol lain China Town Roosters husat i winim Backyard Roosters long fainel bilong tas ragbi long winim Downer Construction Cup.

CHINA Town Rooster bilong Saraga i winim Downer Cup ragbi tas gren fainel long las wiken.

Ol boi Saraga i salensim Backyard Roosters we tupela tim i dro. Tasol ol i bihainim gutpela pasin long givim gem i go long China Town.

Menesing Dairekta bilong Downer Construction Greg Wright i tok em i amamas tru long lukim kampani bilong em i sapotim ol yu insait long setelmen.

Ol yut ya i stap long Six Mile eria we kampani bilong em i sindaun long em.

Ol klab insait long dispela eria i resis long tupela spot tasol. Ragbi tas bilong ol man na soka bilong ol meri.

Gem namel long China Town na Backyard i strong tru. Tupela i dro tasol ol opisel i givim i go long China Town long wanem ol i gat planti gol.

Mista Wright i tok em i amamas long lukim olsem ol i oganaisim gut gem. Tasol em i lukim olsem gem i mas pinis gut na wanpela tim tasol i mas win.

Kepten bilong China Town Roosters Francis Benny i tok tenk yu long Downer Construction long sopsinsim dispela tonamen.

"Kain pasin bilong kampani i mekim i gutpela long wanem em i stapim ol yangpela long stap nating na mekim pasin nogut."

Mista Benny i salensim tu Rijonel memba bilong NCD na

tu Not Is long lukluk long ol yut insait long eria bilong ol.

Kampani i kam kisim wok long sponsorim tim i soim olsem Gavman i no mekim wok long lukautim ol pipel bilong em.

Ol lain Yandline Komuniti i kisim mani na kap bilong Downer.

Ol Yandime na Okapa Komyuniti long Saraga i wok long resis tripela taim long kompetisen. Tasol ol i no go long fainel na ol i go insait long dispela fainel na ol i amamas tru.

Mista Benny i tok amamas tru long ol boi Yandime na Okapa Komyuniti long sapotim tim taim ol i save go pilai.

Samting olsem 1000 sapota, manmeri i bin kamap long lukim dispela fainel



• Ol lain Erupi bilong Hohola 2 i sanap kisim poto. Tasol ol i no gat sans long pilai long wanem Okkaiheng ragbi lig kompetisen i save pasim ples bilong ol long Hohola fil. Poto JOE IVAHARIA

Anda 14 Hausin Komisnin i kisim nupela yunifom

HENRY MORABANG i raitim

WANPELA olpela pilaia na edministreta bilong ragbi lig i sapotim ol yangpela long kamap gutpela spotman long bihain taim.

Joe Taso em i no nupela pes long Lae. Em i bin stap longpela taim tru na em i save long lukautim ol yangpela long spot.

Dispela wik tasol em i givim wanpela set yunifom i go long Anda 14 Hausing Komisnin tim. Dispela klab ya i save stap resis long Buimo Road Asosiesen Op-sisen.

"Olsem wanpela spotman, mi amamas long sapotim spot. Na mi laik lukim moa yangpela i mas stap long spot," Taso i tokim Wantok Nius.

Em i tok em i bilip olsem spot em i bikpela samting long komyuniti. Na em i givim helpim long ol.

Taso i baim t'siot bilong ragbi tas, volibal na ol samting bilong trening. Las mun, Tasol i sponsorim

Combined Balob/Ampo atletik kanivel. Em i givim tu K1,500 i go long ol oganaisa long baim trophi na sil bilong wanem ol tim i win.

Em tu i save sapotim wanpela ragbi lig klab long Lae na go pas long fanraising bilong ol.

Long taim bilong presentation, presiden na sekretari i tokim ol pilaia olsem nau em i taim nogut. Em i hat taim tru long ol kampani i kam givim mani i go long ol spot.

"Nau yet planti ol bekim nogut i save kambek sapos ol klab i raitim pas long kisim sponsasip long ol kampani.

Presiden bilong Anda 14 Hausing Komisnin tim Moses i tok tenk yu tru long bikpela helpimbilong Taso i go long ol yangpela.

Dispela tim ya i no gat gutpela sponsa taim ol i statim em tupela ya o go pinis.

"Dispela helpim bilong yu, Mista Taso, bai helpim tru ol yangpela long pilai strong long traim winim fainel. Na long mipela olgeta i amamas long sponsasip bilong yu."

Soka Tras helpim komyuniti wok

HILDA WAYNE i raitim

PAPUA Niugini Soka Sariti Tras bin mekim K8,000 profit long kompetisen bilong em dispela yia na givim dispela mani long helpim komyuniti wok.

Komitim bilong dispela tras i wanbel na tok orait long givim K4,000 i go long Friends Foundation na narapela K4,000 i go long Friends ov Sen John.

Siaman bilong tras Rio Fiocco i tok aste olsem dispela tupela oganaisesen i save

mekim planti gutpela wok long komyuniti na em i amamas olsem komiti i makim tupela long givim dispela kain helpim.

Siaman bilong Friends Foundation Tas Fos Ivan Bayagau i tok amamas tru olsem oganaisesen bilong em i kisim dispela bikpela helpim.

Mista Bayagau i tok long wok bilong ol volentia long Friends ol yangpela yut i save wok strong long kamapim aweanes namel long ol komyuniti na ol skul studen long ol skul long Mosbi.

Narapela wok bilong ol em long go raun lukim na toktok na givim liklik helpim long ol lain husat i gat dispela sik pinis.

Wok bilong ol i nidim planti moa mani na mani em Soka Tras i givim bai helpim ol tru.

Dairekta bilong Sen John Graham Keake i tok amamas tu long mani em i kisim.

Em i givim tok piksa olsem sampela taim Sen John i laik go helpim ol singaut long helpim manmeri tasol ambulans i save bagarap.

Dispela kain mani i ken mekim ol lain wok olsem helpim komyuniti bilong mipela.

Em i tok Sen John i gat planti ol narapela wok tu na dispela mani bai ol i brukim i go hap hap long helpim olgeta wok bilong Sen John.

Long 1999 Soka Tras ya i bin givim mani i go long Aitape Pikinini Fan na long las yia em i givim long Sesaia Hom long helpim wok bilong ol.

Dispela yia profit em i givim long tupela grup em Friends Foundation na Friends ov Sen John.

Kunai Volibal statim fainel

WANPELA liklik op-sisen spot long Hohola i wok long kirapim das long olgeta wiken. Dispela em Kunai Volibal kompetisen klostu long Hohola Angliken Sios.

Dispela wiken, Kunai Volibal Kompetisen bai statim semi fainel bilong em.

Preziden bilong Kunai Volibal Asosiesen Linda Jonah i tok fainel bilong man na meri bai kamap.

Jonah i tok dispela volibal kompetisen i kamap bikpela tru na i pulim planti ol lain long Hohola. Olgeta fainel bai pinis bipo long Krismas

"Mipela i kamapim gutpela kompetisen stret na olgeta lain insait long Hohola i amamas tru," em i tok.

Dispela volibal kompetisen long Kunai



• Ol lain Kaivi i kisim poto bihain long em i gem egensim ol Bese las wiken.

stret i bringim na bungim planti ol famili long Hohola na ol i bungim ol nupela pren. Nau fainel i kamap

Misis Jonah i askim olgeta tim husat i stap long fainel long kamap long taim bilong pilai. Na em i askim tu long

olgeta pilai long tingting long kamapim hevi sapos tim bilong ol i lus.

Misis Jonah i tok dis-

pela kompetisen tu i kamapim sampela ol nupela pilai husat i ken pilai long taun kompetisen.

Netbal i makim mini SP Gems tim

PAPUA Niugini Netbal Federesen (PNGNF) i makim pinis tim bilong en long stap insait long Mini Saut Pasifik Gems long Norfolk Ailan. Dispela Mini Saut Pasifik Gem bai kamap long mun Disemba.

Presiden bilong PNGNF Janet Sape i tokaut long tim we i gat tripela nupela pilai. Ol nupela pilai em Sare Kada, Raina Anderson na Rakara Raula. Olgeta pilai long tim em bilong Pot Mosbi na wanpela tasol em bilong Goroka. Nem bilong pilai em Raina Anderson.

Mona-Lisa Leka em bai kepten long tim. Ful skwat em i stap olsem Sarea Kada, Renagi Dringo, Monalisa Leka, Winnie Mavara (midcourt), Roke Nope, Jacklyn Niblet, Raina Anderson, Rakara Raula (defenders), Kula Iamo, Mimi Ori, Gewa Raula and Lua Mavara (shooters).

Veitu Diro em kosa, tim menesa em Lucy Digger na Arnie Iamo em ampaia.

Diro na Digger i bin lukautim planti netbal tim na PNGNF opisel i gat bilip long tupela i ken mekim gut wok.

Misis Sape i tokaut long em bilong ol pilai insait long wanpela bikpela kaikai (2001 Netball Annual Ball) long Pot Mosbi las wiken.

Meri Enga ya i amamas long wanem em i kisim bek wok presiden long narapela tripela yia. Em i tok tenk yu long ol opisel husat i gat bilip long makim em long narapela tripela krismas.

Misis Sape i tokaut olsem wanpela top pilai long Australia na tu long wol, Vicki Wilson i bin kam sapotim trening bilong ol dispela pilai.

LFA makim skwat bilong Momase tonamen

LAE Futbol Asosiesen (LFA) i makim wanpela strongpela skwat long stap insait long resis bilong Momase Rijonel Soka tonamen. Dispela kik resis ya bai stat long tuden na pinis long Sande long Madang.

Kosa bilong LFA Max Foster i tok skwat bilong em i strongpela. Planti ol ol pilai bilong em i yangpela.

Namel long ol dispela pilai, ol selekta i makim Ben Sapo husat i wanpela kalabusman long Buimo Haus kalabus. Em i save pilai long Tarangau soka klab long LFA kompetisen.

Sapo i kisim 15 krismas long kilim nabarapela man tasol ol i larim em i pilai soka aninit long AusAid program Prison Rehabilitation Program. Sapo em bilong Morobe yet.

Tarangau soka klab em bilong ol woda na ol pikinini bilong ol.

Foster i tok ol i makim em bikos em i wanpela strongpela pilai stret. Em i save pilai gut na em i winim posisen long tim.

Sapo tasol i strong na Tarangau i

pinis long top faiv long LFA kompetisen long dispela yia.

Skwat bilong Lae (man) Bob Kuri, Joe Peli, Rubert Peka, Brown Pania, Issac Somani, Chris Napo, Ken Gule, Bobby Tara, Elise Piawari, Jack Jonathan, Essa Nasa, Peter Leo, Tara Eli, Ben Sapos, Martin Gelasi, Mayawa Esere, Paul Collin, Corray Timmas, Samson Kowa, Veronica Biwa, Nakare Nombe, em Masi Ngaiya.

Na tim bilong ol meri em Lydia Paulo, Erica Mani, Saunga Gorgom, Lucy Waina, Diana Fred, Linda Lei, Helen Neseq, Joyce Duna, Lavina Anio, Monica Simon, Susan Watpore, Alberth Pelika, Edna Thomas, Anna Yapi, Lisba Hasawi, Veronica Biwa, Nakare Nombe, Mingas Jojo, Nelly Limbai na Wanting Yangum. Kosa em Otti Noah.

Sekretari bilong LFA Don Haro i tok olsem seleksen bilong ol i bihain ol yangpela pilai long traime developim na sfrongim soka long sinia level.

NCDPSSA laik mekim senis long konstitusen

NESENEL Kapitel Distrik Pablik Sevan Soka Asosiesen (NCDPSSA) i laik mekim senis long konstitusen long bringim ol lapun Pablik Sevan long pilai soka.

Dispela em wanpela tingting bilong nupela eksekutiv aninit long Simon Koima. Ol arapela memba bilong eksekutiv em Luke Ambu (vais presidentman), Linda Wonuhali (vais presiden - meri), Paschal Lasalo (sekretari) na Joe Koiri (tresera).

Mista Koima i tok dispela kompetisen em bilong ol pablik sevans tasol nau kankain ol lain i pilai insait long en.

Aninit long lukaut bilong namba wan presiden Francis

Kasau, kik resis em bilong Pablik Sevans stret. Tasol nau ol pikinini na ol brata na kasen brata nambaut i pulaim tim na ol pablik sevan i no save pilai.

Misis Wonuhali husat i sapatim tingting bilong Mista Koima i bilip olsem sapos i gat sampela senis long konstitusen, dispela bai bringim stret ol bikman long wanwan dipatmen olsem sekretari na ol asisten sekretari long pilai.

Long stat bilong kompetisen, leit Philip George husat i wok long NDCD i save pilai wantaim tim bilong em. Na long dispela taim nau, Menesing Dairekta bilong Fores Thomas Nen i save pilai.

Dispela tupela bikman tasol i

kam pilai. Na Koima i askim olgeta dipatmen sekretari long kisim taim aut long kam pilai spot.

"Spot em i gutpela long mekim tingting bilong yu i kamap gut na tu stap helt. Taim yu gat helti tingting, wok bai go stret," Misis Wonuhali i tok.

Dispela sisen NCDPSSA i oraitim 26 tim bilong man na meri long stap insait long kompetisen.

Mista Koima i tok olsem ol i rausim 4-pela tim husat i no kamap long miting.

Em i tok strong olsem sapos ol eksekutiv bilong klab i no kamap long ol miting, em i soim olsem ol i no laik long stap long kompetisen.

Sir Michael bai opim Momase Rijinel soka sempionsip

HENRY MORABANG i raitim

PATRON bilong Momase Rijonel Soka Asosiesen Sir Michael Somare bai opim 2001 Somare Cup rijonel soka sempionsip tude long Madang.

Sir Michael husat i save givim bikpela helpim tru long developim soka insait long rijen yet i tromoi moa long K8,000 las yia. Dispela yia, ol ogenaisa i bilip Sir Michael bai givim sampela moa mani.

Dispela Momase sempionsip i save pulim ol tim i kam long olgeta distrik insait long rijen. Ol i save kam long Morobe, Madang, Wes Sepik na Is Sepik.

Madang Soka Asosiesen na Bel Soka Asosiesen i go pas long ogenaising dispela Momase soka tonamen.

Presiden bilong Momase Rijonel Soka Asosiesen Peter Angassa i tokaut long

wanpela ripot olsem olgeta i kamap pinis long Madang long aste. Na nau opisel opening bilong tonamen bai kamap long Ron Albert Oval.

Em i toktok strong olsem tim nominesen em K250 na afiliesen i go long Momase Soka Federesen em K300. Em ol klab o tim i mas baim dispela fi bipo ol i ken kamap long Madang long pilai.

Mista Angassa i laik olgeta tim i mas putim mani long akaun 304 6239663 - PNGBC Madang.

Nau yet 19 tim bilong man na 5-pela tim bilong meri i tokaut pinis olsem ol bai stap long Momase sempionsip. Nem bilong ol tim em Vanimo, Wewak, Madang, Madang Developmen skwat, Bel, Karkar Developmen Skwat, Waskia (KarKar Ailan), Ramu, Ramu Developmen skwat, Umi, Kaiapit, LFA, Lahi, Wantaot, Wampar, Finschafen,

Finschafen Developmen skwat.


Na tim bilong ol meri i sanap olsem Lahi, LFA, Madang, Ramu na Bel.

Las yia Umi i winim taitel bilong Momase Cup. Em i autim Madang long gren fainel na kisim Somare Cup.

Insait long arapela stori, Presiden bilong Wewak David Bandi i tok olsem Wewak bai traime pilai strong long dispela yia long go insait long fainel.

Las yia, Wewak i lus long semi-fainel. Em i bilip olsem nau ol i kisim strongpela save pinis long pilai soka long kain kompetitiv level we i ken givim ol biknem senta olsem Lahi na LFA gutpela gem.

Mista Bandi bai strong long ol sinia pilai olsem Henry Bee, Chauka Pomat, Charlie Alung na James Kapiin long lukim Wewak i go pilai insait long fainel bilong Somare Cup.



• Tripela opisel bilong PNGFA Haiveta Kivia, Gabriel Pise na Paul Pondo i soim K10,000 sek mani i go long Momase tonamen. Namba tu long raitan em Yakam Kelo, Edita bilong Wantok Niuspepa husat i save givim bikpela sapot long soka.

WANTOK SPOTS

INSAIT LONG WANTOK SPOTS LONG DISPELA WIK

LFA redi long Momase Cup

pes 27



PNG i mas gat moa gutpela spot edministreta

pes 26



Sir Michael bai opim Momase Rijinel Soka Kap

pes 27

Manalos i slek long Pot Mosbi sofbal



pes 25

Yuni i gat liklik sans

HENRY MORABANG i raitim

OL soka sapota insait long Pot Mosbi bai lukim wanpela gutpela soka gem i stap namel long ANZ Yunivesiti bilong Pot Mosbi na Sobou bilong Lahi. Dispela gem em gren fainel bilong 2001 PNGFA klab soka sempionsip.

Yuni na Sobou i no holim gren fainel long Kimbe bihain long sampela teknikel hevi i bilong kamap na tu i nogat inap taim long pilai.

Sans bilong Yuni long winim long dispela tonamen i liklik long wanem tupela ki pilaia Reg Davani na kepten Joe Aisa i no stap.

Yangpela Davani em wanpela top straika nau bilong Pot Mosbi i save mekim birua tim i guria wantaim "foot work" bilong em.

Arapela pilaia i no stap em kepten Joe Aisa. Boi hap Madang tu ya i gat kik ya. Em i save long kain stail long beklain we i save givim hetpen long straika bilong arapela tim.

Kosa John Davani bilong Yunivesiti i tok tim bilong em i gat planti ol gutpela riserv pilaia i stap.

Yangpela Brian Kule bai kisim ples bilong Aisa long lukautim beklain. Aisa i go lukim meri na famili husat i stap skul long Australia.

Na long franlain, Mista

Davani i tok em i tingting long tupela pilaia Roberto Gortez na Jonah "Lomu" Malus. Malus em i save wok hat tu olsem pele ya, Ben Lakasa.

Lakasa nau bai poromanim Malus long traim brukim umben bilong Sobou tim.

Davani i bilip olsem Yunivesiti bai putim strongpela salens long Sobou. Em i gat ol pilaia olsem Steven Mali, Batman Furigi na Nauata Inara.

Ol bai kisim sapos long ol yangpela pilaia olsem Eric Willi, Kaluwin Kora, Misty Andrew na Keith Norrie.

Long sait bilong Sobou, David Aua, Alu Kamake na kepten Richard Daniel bai go

pas long tim.

Ol tripela pilaia i no nupela long soka graun long Bisini. Ol i save trening wantaim nesanel tim long Bisini na ol i save long wanem hap gol i ken kamap.

Sobou bai kisim strong long ol pilaia bilong Solomon Ailan husat i skul long Unitech long Lae. Dispela ol pilaia bai tokaut long gem bilong Sobou long win o nogat. Ol i bin mekim save stret long Rapatona long Kimbe na dispela em wanpela samting Yunivesiti i strong long stapim ol.

San bilong Pot Mosbi bai helpim Yunivesiti long win. Bikos ol Lae i nogat strongpela sans ya.

• Sampela spot edministreta husat i kamap long Level One kos las wik long Pot Mosbi.

NSP i holim bikpela gem las wik

NOT Solomon provins i holim bikpela provinsal sempionsip bilong ol las wik long Tinputz.

Moa long 600 man na meri i bin kam long 12-pela distrik long stap insait long dispela provinsal spot.

Ripot i kam long Buka i tok olsem Deputi Praim Minista Michael Ogio i tokaut olsem Gavman i laik lukim gutpela bel-isi pasin i mas kambel long Not Solomon provins. Wanpela we long mekim dispela i kamap em long pasin bilong pilai spot.

Neks wik moa long 60 ol spot opisel long olgeta distrik bai sindaun long tupela wik kos long Buka.

Dispela kos em ol lain opisa bilong PNG Spots Komisin long Pot Mosbi bai go pas long en.

PNGSC i kisim moa long K100,000 long go pas long holim dispela kos long Not Solomon provins. Ol opisa bai lusim Pot Mosbi long go stap long Buka long neks wik.



36 kisim spots edministresen kos

MOA long wanpela ten tri sik (36) edministreta i sindaun long Level One Edministresen kos i wok long kamap nau long Pot Mosbi.

Papua Niugini Spots Federesen husat i go pas long holim dispela kos long traim strongim wok spot edministresen insait long kantri. PNGSF i kisim mani i kam long Intanesenel Olimpik Komiti long ranim dispela kos.

Nem bilong ol lain i stap long dispela kos em Melissa Kiruhia (athletic), Tony Daple (baseball), Ronnie Mea (basketball), Lohia Nuau (boxing), Louis Keamau, Onnie Teio (Central Province Gov't), Benson Tegia (Disabled Sports), John Watah, Roy Stanley (karate), Joe Godfrey (kickboxing), Pious Ausur (Lihir), Janet Sape, Annie Iamo (netball), Humphrey Binda (Oro), Evelyn Babona, Moale Noi, Gorethy Semi (PNGNOC), Kila Dick (PNGSC), Tracey-Ann Sexton (polo club), Francis Matmilo, Peter Barnanga (rugby league), Haiveta Kivia (soccer), Keni Lesa,

Lucy Tekwie (swimming), Joe Kimmins, Edward Kassman (taekwondo), Lucy Emboge (touch), Reatau Rau, Maria Warupi (volleyball), Jeffrey Robby (weightlifting), Elizabeth Bure, Linda Ahmat (women's lawn bowls), Barbra Stubbings (squash), Raj Ralavu Rai (cricket) and John Moia (NCDC).

PNGSF i kisim Ron Burns bilong Sports Industry Australia long holim dispela kos long Pot Mosbi.

Bihain long dispela kos, bai i gat tupela arapela semina i kamap. Namba wan em long Sarere moning em Marketing: Na long Sande, Media Semina bai kamap. Dispela semina i pulim moa long 35 ol opisel na ol wokman long spot indastri.

Man i go pas long semina em Jeff Gewritz bilong Meridian Marketing long Australia. Dispela em wanpela kampani bilong IOC. Stan Joyce na Sir John Dawanincura bai helpim em long mekim toktok.

Prime Minista Celebrity Walk kamapim K96,000

PRIME Minista Celebrity Walk i kamapim moa long K96,000 long salim tim bilong PNG i go long Mini Saut Pasifik Gems long Norfolk Ailan.

Dispela mini SPG bai kamap long namba wan wik bilong mun Disemba.

Papua Niugini bai salim wanpela strongpela tim long netbal, lawn bowls, clay shooting, athletic, bodibilding na golf.


Dispela wokabout bilong Prime Minista em wanpela bilong ol fanraising PNG Spots Federesen i save go pas long em long painim mani long salim tim i go ovasis.

Ol arapela fanraising em Trukai Fan Run na Prime Minister Golf Challenge.

PNGSF i save kisim moa mani i kam long ol kampani long strongim wok bilong em long lukautim spot long kantri.

LAITE *iti*

asples bilong ol kainkain bisnis



JICA bai mekim Leron bris

PEKU PILIMBO i railtim

JAPANESE Intenesenel Koporesenm Ajensi (JICA) bai stretim na sanapim nupela bris Leron na Bijita bris namel long Hailans Haiwe na Lae.

Dispela projek bai kisim mani inap long K24 milien.

Long wanpela lukluk raun las wik wantaim opisal bilong JICA, bris ya i bagarap tru na i no inap kisim ol bikpela ka wantaim bikpela hevi.

Dispela wanpela len bris i bin kisim kainkain hevi kago i kam long ol yia i go pinis na nau i bagarap olgeta.

Tupela bris ya i stap namel long Markham veli insait long Morobe provins na i save joinim ol Hailans wantaim Madang provins i kam long Lae siti.

JICA bai givim mani aninit long grent aid projek bilong ol bai gavman i ken mekim gen tupela bris bihainim wanpela askim bilong PNG gavman i go long gavman bilong Japan.

Bihain long dispela askim, JICA i bin salim wanpela stadi tim bilong lukluk raun long Ogas 2000 long wanem kain ol hevi kamap long Leron na Bijita bris.

Ol i luksave olsem wara i wok long wasim graun i go na bris tu i lapun tru na i hat long ol bikpela ka i ron i go i kam na klostu bris inap pundaun.

Long Julai dispela yia Foren Afeas Minista John Pundari wantaim Ambassando bilong Japna Tatsuo Tanaka i sainim opisal tok orait na dispela i makim tok orait bilong gavman bilong Japan long kamapim tupela bris.

Bihain long dispela tok orait, gavman bilong Japan lusim mani i kam pinis na wok bilong stretim na sanapim gen nupela bris bai kamap klostu.

Taim dispela projek i pinis stret, ol ka bai i no pilai long ron long dispela tupela bris namel long Hailans na Lae.

Planti bikpela kampani i save yusim dispela rot bilong karim ol saplai long

Lae i go antap long Hailans na kopi, oil, gol, kopa wanem samting long hailans i kam long nambis.

Wankain wok bilong kamapim nupela bris i bin kamap long Umi Bris. Dispela bris i bin bagarap long bikpela ren long 1993 taim graun i bruk na wasim bris i go pinis. Planti manmeri tru i pin kisim taim tasol nau gavman bilong Japan i bin givim mani na sanapim dispela bris. Bris ya i nupela tru rfa ol i bin opim long las yia.


Taim olgeta wok long Leron na aBijita bris i pinis, tupela bai luk wankain olsem Umi Bris na helpim ol manmeri gut tru.

Tude ol bikpela ka i stap long sait na larim wanpela ka i krosim bris pastyaim na bihain ol i save bihainim bikos nogut hevi i brukim bris.

Graun arere long bris i wesan tumas na taim bilong ren na wara i tait i save brukim ol dispela ston na karim wantaim go.

Dispela i mekim na as bilong bris tu i no sanap strong long hatpela graun.

Rot bilong Lae i kamap gud



• Dispela em Top Taun bilong Lae:

AIVA TAMATE i railtim

MOROBE provins na Lae Siti tasol bai lukluk long ol gutpela samting i laik kam i toktok bilong Lod Meya Tossamo Mionzing bilong siti taim ol i opim nupela rot bilong Lae long Oktoba.

Ol manmeri bilong siti i no inap moa sindaun long rot i bambam tasol ol bai sindaun amamas long ron long dispela 28 kilomita rot ol i putim kolta pinis na nau nupela rot sistem bilong Lae.

Mista Mionzing i tok Lae i lukluk nau long ol gutpela samting bai kamap long siti bihain long ol i pinisim rot, stretim baret na pinisim wok long wara Bumbu bris.

"Ol Lae siti rot projek i karamapim 20 kilomita bilong rot ol i stretim, planti liklik na bikpela baret mipela stretim, wanpela bikpela bris long Bumbu wara klostu long Saina taun, lait bilong ol rot na stretim lukluk bilong ples we manmeri bilong Australia i lusim moa long K70 milien," em i tok.

Ol wok bilong rot i wankain olsem ol bikpela rot mak ol i save kisim long narapela kantri olsem Queensland long Australia.

Mista Mionzing i tok tenk yu long bikpela Australia kampani Barclay Brothers husat i stap insait long sanapim dispela rot. mekim wanpela gutpela wok stret.

Em i singaut tu long Nesenel Gavman i mas lukluk long ol Nesenel Rot projek insait long baset bilong neks yia. Em i mas putim olsem K20 milien bilong ol i ken traim stretim ol rot we i wok long bagarap long narapela hap bilong Lae.

Mista Mionzing i tok Morobe provinsel mani i no save inap na moa mani i mas kam bilong stretim ol narapela rot tu.

"Yumi mas gat baset mani inap long K5-K6 milien bilong

lukautim na stretim gutpela lukluk bilong Morobe. Sapos Nesenel na provinsel gavman i ting dispela em bikpela mani tru, mipela bai askim Nesenel Gavman long givim mipela moa pawa long ronim Lae siti," em i tok.

Mista Mionzing i tok sapos Lae kisim moa pawa, ol inap holim planti mani bilong Lae yet na traim stretim na putim nupela rot na lukautim siti.

"Olgeta taim ol save tok Lae em wanpela siti we putim kiau we kamap gol tasol mama kakaruk i no save kisim gutpela kaikai. Dispela kain bai go het yet o olsem wanem? Pot Mosbi i wok long kamap bikpela yet na wanpela samting i no kamap long fektori siti bilong kantri, Lae?" Mista Mionzing i askim.

Em i askim gavman long luksave long amas mani em i save givim i go long gavman na taim bilong skelim baset, wankain hap mas kam bek na ol i ken ronim sifi gut.

Long wankain taim meba bilong Lae Bart Philemon i tok olsem olgeta rot bilong Lae i wanpela samting we yumi kisim nating. Yumi mas tingim olsem dispela rot em wanpela presen i kam long ol gutpela pipel bilong Australia.

Dispela rot i kamap long takis mani bilong sampela lain husat save hatwok na ol i givim yumi na i no wanpela samting i kamap nating," Mista Philemon i tok.

Em i tok Nesenel Gavman i luksave long hap rot ol i no stretim yet na bai traim long kisim sampela mani bilong pinisim ol rot ya bipo long pinis bilong yia.


Em i askim ol manmeri long noken yusim planti spit na kamapim birua olsem ol manmeri bilong Pot Mosbi i save mekim.

"Noken larim sik bilong Pot Mosbi i kamap long hia," em i tok.



NEW GUINEA FOOTWEAR LTD

MINING & INDUSTRIAL SAFETY PRODUCTS



NEW GUINEA FOOTWEAR LTD

**I LAIK TOK AMAMAS LONG BAGLAY BROTHERS (PNG) LTD
LONG OPISELI OPIM LAE SITI ROT.**



Sefti bilong yu em bikpela samting long mipela.

★ **Chemicals** ★ **Industrial** ★ **Petrochemical**
★ **Manufacturing** ★ **Construction** ★ **Mining**

Port Moresby: Tel: 325 5278, 325 8262 Fax: 325 3875

Lae: Tel: 479 1333, 479 1777 Fax: 479 1888

Email: keh@online.net.pg

Lae: Asples bilong Malahang Industriyel Senta

LAE, Morobe provins em wanpela gupela ples bilong putim ICDC Malahang Developmen bikos em i stap long wanpelacgupela hap ples we ol arapela pipel bilong Papua Niugini i save na isi long kamap.

Ol pipel i ken kamap long narapela rijen bikos i gat gupela rot sistem i stap na dispela helpim industri ri sip bris na ples balus wantaim gupela rot i go kamap long narapela senta bilong kantri i mekim dispela hap wanpela gupela ples bilong baim ol samting na karim i kam insiat na wankain taim salim ol samting we bai lusim nambis bilong yumi i go long narapela kantri.

Ol kain gol, silva, nikel, kromium na arapela gupela samting i stap long ol maunten na arere long maunten nabaut na ol i stap kam daun olsem long level ples olsem Markham veli.

Markham wara i kam longpela hap tru, klostu makim na pinis provins stret. 170 kilomita olgeta. Wankain taim wara save karim gupela gris graun em kisim long maunten i kam na kapsaitim nabaut arere long wara na kamapim gupela ples bilong planim gaden kaikai. Taim wara i kam kapsatim long Huon Galf stret, klostu long Lae, kainkain pipia em karim i kam save helpim long

kamapim kainkain laip bilong solwara yet.

Morobe yet i stap long wanpela tropikel klaimet tasol Lae yet i save drai olgeta taim tasol narapela sait bilong provins i save kisim ren olgeta taim long yia.

Lusim ol dispela risos long sait, Lae yet gat kainkain fektori bilong kamapim ol samting bikos planti samting bilong kamapim wok i stap klostu.

Morobe i gat planti manmeri na i winim ol narapela provins long PNG i ken kisim wok manmeri bilong wok long fektori. Long Lae tu i gat Yunivesiti bilong Teknoloji i stap na taim ol sumatin pinis skul, ol i save

kam aut bilong helpim na wok long ol fektori.

Stendad Fektori long Malahang Industriyel Bilding long Malahang Industriyel Senta i gat 8-pela ain bilding i stap long stedad sais fektori bilding, yu inap rausim na kamapim i go insait long foapela fektori yunit we spes bilong em inap stap long 300m sqa o wanwan fektori i ken gat 1.200 mita sqa long wanwan fektori.

Ol dispela 32 wanwan yunit i gat ol dua we i 4.5m i go antap na 6 mita long dua yu inap pusim bilong opim na pasim na wanpela narapela wankain dua long sait.

Wanwan yunit i gat pawa mita

bilong ol yet. Wanwan pawa poin i save givim 240 volt na wankain olsem ol narapela haus. I gat toilet na ples bilong rausim pipia long beksait bilong wanwan haus. Ol i ken rausim pipia bilong fektori tu.

Sevis alotmen

Dispela em ol spes bilong fektori we i stap bai ol i ken kamapim wanwan bilong ol yet.


Bung wantaim bisnis komyuniti

Malahang Industriyel Senta i bungim wantaim ol fektori eria. Edminstresen sevis na wanpela senta bilong ol narapela bisnis i ken kamap. Graun i stap pinis long han na i nogat wanpela hevi long dispela sait.

I gat 58 alotmen eria ol i sevisim pinis long kainkain sais long bungim wanem kain bisnis i laik kam ta wanem sais em laikim. Ol dispela alotmen i stap raunim wanpela ring rot sistem wantaim gupela barel bilong rausim wara, simen bilong wokabaut i go i kam na lait bilong stit i stap. Wanwan alotmen i gat wanwan bilong ol yet. Wara, pawa na ples bilong rausim pipia i stap long wanwan eria bilong olgeta alotmen. Ol waia bilong telepon long wanwan alotmen i stap aninit long graun.

Sapolim dispela industriyel senta i ga wanpela edminstresen senta i

i go long pes 4



• Ol Butibam meri danis long taim bilong opim niupela rot.

JICA na FRI wok bung wantaim

PEKU PILIMBO i raitim

FORES Rises Institut (FRI) bilong Papua Niugini wantaim Japanese Intenesenel Koporesen Ajensi (JICA) i wok bung gut wantaim long mekim wok painim aut i go insait long Forestri Industri long taim tupela i stat wok bung long 1988.

Deputi Dairekta bilong FRI Nalish Sam i tok long wanpela lukluk raun bilong ol niusman i no long taim i go pinis olsem bipo olgeta samting bilong wok painim aut i stap olgeta hap long kantri tasol JICA i kam insait na sanapim haus, opis na olgeta samting bilong wok long Lae na bungim olgeta samting bilong wok long hap.

Mista Sam i tok JICA i bin givim bikpela helpim tru taim em salim ol savemen bilong ol i kam wok wantaim ol manmeri bilong PNG na skelim bikpela save bilong ol.

"Namba wan projek ol i kamapim em ol i wokim bikpela opis bilong FRI na narapela samting bilong opis na masin bilong mekim wok painim aut bilong ol saintis.

"Namba tu samting em ol salim saveman i kam bilong helpim na givim tingting na soim rot bilong mekim wok painim aut i go insait long

fores," Mista Sam i tok.

Em i tok ol saintis bilong PNG i bin kisim helpim long ol saintis bilong Japan husat sampela bilong ol i kam stap longpela taim na sampela sotpela taim tasol.

Prén pasin namel long FRI na JICA i bin stap longpela taim tru na wankain taim JICA i ting olsem FRI projek em wanpeal bikpela projek tru em kamapim long helpim PNG.

Bipo long 1988, ol opis na wok manmeri bilong FRI i bin stap long olgeta hap bilong kantri tasol taim JICA i helpim na bungim olgeta, ol i kam i stap long Lae na mekim wok painim aut bilong ol.

Planti wok painim aut na pepa i bin kamap long olgeta wok painim aut bilong FRI na ol saintis bilong JICA na i kam inap nau ol i raitim 121 pepa long wok painim aut bilong ol. Ol dispela pepa ol i raitim i karim toktok long sait bilong fores, wanem rot long lukautim fores, wanem kain gupela samting pipel ken kisim long fores, rot bilong wanem samting i kamap long wanem hap, wanem animel na samting i stap long fores na kainkain ol animel samting i stap wantaim fores.

Planti manmeri bilong FRI i go kisim bikpela skul bilong mekim wok painim aut long ol yunivesiti bilong Japan na Malaysia.

Hi-Speed Diesel Service Ltd

Tok Amamas

long

Barclay Bros Ltd (PNG)

Long opisal opening bilong Lae siti Rot Project

Mipela i save gut long ol:

- Diesel Fuel Injection Equipment, Sales and Service
- Turbo Charger Sales service
- Diesel Engine reconditioning
- Repair and Recondition for commercial vehicles

Call us today on

Tele:4757288 Fax: 4757400


L & C PACIFIC
 ENTERPRISES

P.O. BOX 3337, LAE
 MOROBE PROVINCE 411,
 PAPUA NEW GUINEA
 Email: lcpacific@global.net.pg

TEL: (675) 472 0488
 (675) 472 0498
 FAX: (675) 472 1227
 D/L: (675) 472 1498

OL LAIN BILONG WOKIM OL FOAM PRODAK

Tok amamas long

Barclay Bros (PNG) Ltd

long gutpela wok ol i mekim

long stretim rot insait long

Lae siti.

OL LAIN BILONG WOKIM OL FOM PRODAK

pes 4 Novemba 8, 2001

WANTOK

Lae Siti *asples bilong kainkain bisnis*

Salim ain long narapela kantri

YU painim wanpela ples long rausim ras na olupela ain, kopa waia, bras ain, pipia sospen, pat bilong ka na wanem kain ain yu gat, ating nau em gutpela taim bilong yu save olsem Papua Niugini Recycling kampani em wanpela ples yu ken salim ol dispela samting.

PNG Recycling Kampani i bin statim wok bisnis long Lae long Morobe provins stat long 1993 na nau i kamap namba wan kampani bilong baim na salim ain i go ovasis long narapela kantri. Em i bikpela na i gat gutpela nem bilong mekim dispela wok.

Ol kainkain manmeri i save

go long salim ain na wanem samting ol i nogat wok long kampani na dispela i save givim sans long ol i ken mekim sampela mani.

Long wanwan mun, mak bilong 300 ton bilong ain ol i kukim go liklik i save lusim nambis bilong PNG na i go long ol kantri olsem Esia na Australia.

Kampani i mekim gutpela wok bisnis na nau i surikim opis bilong ol i kam daun long Pot Mosbi bikos planti manmeri laik salim ain long kampani tu.

PNG Recycling Kampani i wokl klostu wantaim olgeta manmeri na nau yet em i save wok wantaim Lae Siti Atorifi.

Lae - asples bilong Malahang Industriel Senta


from page 3

stap we i gat opis bilong Malahang Industriel Senta Menesmen opis na wanpela sekretariat long husat ol manmeri stap insait i ken kism sevis long gutpela mak bilong mani.

Dispela komesol senta i givim i u sevis olsem post opis, beng, ples bilong sindaun bung wantaim i stap namel.

ICDC i kism wanpela praivet sekjuritli kampani long helpim ol sevis

Voco Point Trading Limited



Menesmen na ol wokmanmeri i tok amamas long Barclay Brothers Kampani long stretim gut ol rot insait na arere long Lae siti

- Kam na lukim mipela long Voco Point stua long Nambis na Mein Maket
- Mipela distributa bilong San Bren, kaikai na ol arapela holsel kaikai
- Mipela i gat spesol prais bilong ol samting long wanwan mun
- Mipela i gat fri ka sevis long karim kago i go long wanwan stua insait long Lae siti
- Sapos yu laik baim ol kaikai bilong haus, go lukim "Sun Mart" supa maket long 4th street Top Taun i gat spesol prais long kainkain kaikai bilong stua.
- Long olgeta oda bilong stua bilong yu, yu ken ringim mipela long:

Telepon: 472 4300 Fax 472 3042

Mipela i save tingim ol Gras Roots Bisnis man na Meri!

Strongim bus marasin long PNG

OL pipel bilong Saina i bin yusim bus marasin long planti kribas tru na Dokta Andrew Bareng i bihainim lek mak bilong ol wantaim nupela ples bilong bus marasin long Lae siti insait long Morobe provins.

Em i bilip olsem Papua Niugini i gat olgeta samting

bilong kamapim ol bus marasin insait long kantri yet we inap kisim ples bilong marasin bilong waitman.

Dokta Bareng husat kisim bikpela skul long sait bilong bus marasin na husat papa nau long wanpela nupela bus marasin klinik i tok gavman i ken lukluk nau long

traim kamapim bus marasin we inap bringim planti bilien kina i kam insait long kantri sapos gavman strong long sanapim fektori na kamapim ol bus marasin long bikpela namba na salim long nara-pela kantri.

"Papua Niugini i gat planti bus marasin bilong

givim bikos em i gat moa long 50 pesen o hap bilong bus marasin i stap long graun. PNG i gat 250,000 kainkain bus marasin we yu ken painim long kantri. Yurop i gat 2,500 kain bus marasin tasol na Saina i gat 8,700 kain bus marasin. Long wankain taim gavman bilong

Malaysia i save lusim K10 bilien long stretim wok na mekim wok painim aut long bus marasin," em i tok.

"PNG i gat planti bus marasin i stap tasol yumi no luksave na mekim wok painim aut bilong stretim na yusim ol," Dokta Bareng i tok.

Dokta Bareng i bin pinisim skul bilong em long Icon International Natural Therapy Academy long Brisbane insait long Australia na bihain pinisim wanpela tupela yia stadi we em luksave long wanem marasin i stap insait long ol bus na gutpela kaikai ol inap givim long man.

Klinik bilong Dokta Bareng i save salim ol marasin bilong bus em yet save kamapim na sampela em i save kisim i kam olsem long Saina. Ol bus marasin i ken stre-


tim ol planti kain sik we save kamap long PNG.

I gat ol bus marasin we inap stretim ol sik olsem malaria, sik pen, numonia, sua na bagarap long skin.

Dokta Bareng i save go raun long givim toktok bilong

bus marasin long ol manmeri insait long kantri.

Em i stap olsem wanpela memba bilong wanpela grup Wol Helt Ogenaisesen i makim bilong mekim wok painimaut i go insait long bus marasin.



• Dispela masin save kamautim oil long ol samting olsem kokonas.

Kopi masin na presa helpim ol fama

ENGOGA GIGMAI i raitem

MAN bilong groim kopi i ken amamas tru olsem White Corner Machinery i kisim i kam maketim pinis nupela kopi masin bilong kamapim kopi na masin bilong rausim gris bilong ol kainkain prut na kaikai. Ol dispela kain masin i stap long Lae opis bilong kampani.

White Corner Machinery i karim daun stret ol rot yu inap bihainim long kisim kopi i kam putim long tebol bilong yu na yu inap mekim kuding oil bilong yu yet sapos yu painim hat tru long yusim masin bilong holim long han.

Papua Niugini i stap nau long mak bilong kamapim ol samting olsem kerosin bilong lemp, kuding oil na sop. White Corner Machinery long Lae, wanpela kampani ol as ples Papua Niugini yet i ronim i wok long kamapim ol dispela oil presa masin.

Dispela masin i save wok wantaim han. Em save holim na rausim wara bilong oil bihain long em i holim pasim strong tru. Ol samting olsem pinat, soya bin na kokonas ol kalim na drai pinis i ken givim

ol samting olsem kuding oil na samting olsem Jatropa i ken givim oil bilong kerosin long laitem lemp.

Olgeta antap samting i ken kamap wantaim long kamapim sop bilong waswas.


The gutpela samting tru em taim yu kukim kerosin bilong jatropa oil, yu bai kisim wanpela naispela smel stret na dispela smel i save rausim ol moskito na i no inap kaikaim yu.

Na masin bilong kopi tu i save wok wankain olsem tasol yu mas putim kopi bin i go insait long masin na mas tanim masin inap ol pikinini kopi i kamap olsem das na bihain yu ken mekim kopi bilong dring.

Dispela ol masin bilong rurel eria em kampani kamapim wantaim sapot bilong Support Services Facility (SSCF) long Lae.

Bikpela tingting bilong dispela ol masin em long helpim ol manmeri bilong ples i ken kisim moa mani.

SSCF fektori i wok bung wantaim long givim toksave auf long ol manmeri long viles nabaut long Morobe provins pinis. SSCF em samting bilong Provinsel Laipstok na Agrikalsa Dipatmen.



BALUS BUS SERVICE

P.O. Box 2033, Lae . Morobe Province PNG
Telephone: (675) 472 7351, Fax: (675) 472 7352
(675) 472 7350 (24 hours line)

(Nadzab Airport transfers, Bus Hire with Driver, Pickups within City areas, Wharf Transfers, Freights)

Tok amamas long Barclay Brothers

long gutpela wok ol i mekim long pinisim Lae siti rot projek.



Eapot Trensfea i go na i kam long Lae na Nadzab ples balus

Siti eria: K20.00
Ausait long siti bandri: K25.00

Taxi Sevis

Insait long siti eria: K25.00
Ausait long siti bandri: K20.00

Haia Sevis

K50.00 wanpela aua.

Long kisim moa toksave, plis toktok wantaim: Abel o Gabriel
long telepon namba 472 7351 (BH) o 472 7350 (AH)
Fax: 472 7352

A.P. WELDING and ENGINEERING

I laik

tok amamas long

Barclay Brothers

(PNG) Ltd

long opiseli opim

Lae Siti Rot Projek

Mipela i save givim: STEEL FABRICATION

GENERAL WELDING

STRUCTURAL ENGINEERING

CIVIL ENGINEERING


MECHANICAL ENGINEERING

P.O. Box 587, Lae-411, Morobe Province, Papua New Guinea
Telephone: (675) 472 7566 Facsimile: (675) 472 1960/472 7570
email: adorra@datec.com.pg



• Ol lida bilong Lae siti kaunsil na bikpela man bilong Barclay Bros kampani husat bin wokim rot long Lae i wokabaut namel bilong ol manmeri husat i go long lukim opening bilong dispela bung.

Ol piksa bilong Lae



• Bikman bilong Australia husat i bin makim gavman bilong Australia, John Davidson, i sanap wantaim Gavana bilong Lae Luther Wenge long pulim dispela redpela ribon bilong makim opening bilong ol rot long Lae.





• Ol lida long ples Butibam i sanap raunim dispela stone (plark) we i makim ol rot long Lae.



• Ol cow long trak i bin wanpela gift bilong Luther Wenge i go long ol bikman husat i bin kamapim ol rot long Lae.



• Aninit: Ol wokman bilong "Narapela we" kampani i wok long bungim ol timba.






• Wanpela meri husat i save salim buai na em i save bungim skin buai na salim long wanpela kampani long Lae long wokim matres . . . Raithan: Ol manmeri bilong Lae i pulmapim Lae So graun long tupela wiken i go pinis.




• Feris wil bilong Coca cola i save pulim planti man-meri na pikinini . . . Raithan: Slaid tu i save pulim ol so lain . . . Aninit: Ol Hailans mekim save long "Karim Lek".



• Wapela singsing grup bilong Finsafen i kilim skin stret long singsing na danis . . . Aninit: Ol wanwan kampani i save putim kainkain samting long so beg bilong ol we ol manmeri ken baim.



Lae So piksa



• Ol meri i putim ol bilas bilong ol long train winim Mis Morobe So taitel.



Barclay Bros kamapim nambawan intenesenel rot

BARCLAY Bros i mekim na givim wanpela nupela rot sistem we i wankain olsem ol rot bilong narapela kantri long mak bilong K86 milien long ol pipel bilong Lae.

Long taim em toktok long opim bilong rot las mun, Siamna bilong Barclay Mowlem Doug Ridley i tok dispela em namba wan taim dispela kain rot bilong intenesenel kain i kamap long Papua Niugini.

"Wok kamap i go wankain olsem long mak bilong ol gutpela rot i save stap long Queensland insait long Australia.

"Sapos yu wanpela man husat bin go lukluk raun long narapela kantri i ken sapotim mi long tok olsem ol dispela rot i wankain olsem ol rot i stap long narapela hap bilong graun," Mista Ridley i tok.

Klostu long mak bilong 5,000 manmeri bilong Lae i bin bung long wanpela raunabout long lukim opisal opening bilong dispela rot.

Long Jenuari 1999, AusAID i bin givim namba wan hap bilong rot kontrak long Barclay Brothers long stretim olgeta rot projek insait long

Lae siti. Bihain ol surikim gen na givim namba tu hap bilong dispela wok tu long Barclay Bros.

Strongpela wok bung namel long AusAID projek menesa SMEC International na Barclay Brothers i bin

mekim na projek i kamap gut na kamapim mani.


Ol rot wok i kamap long ol liklik han rot, bikipela rot namel long faktori na bisnis wantaim ol rot arere long sip bris na ples bilong putim bikipela bensin tenk.

Ol i bin putim ol masin bilong stretim samting bilong wok na Barclay Brothers i bin baim ol samting i kam na masinim long ples bilong wok long stretim rot.

"Barclay Brothters bai olgeta taim traim long wok

Niugini na i stap longpela taim long PNG.

Kampani i bin kamap insait long kantri taim em winim wanpela kontrak long 1958 long sanapim wanpela nupela Jenerel haus sik longh Madang we i kism



• Nupela rot ol i kolim Bart Philemon Draiv bihain long Memba bilong Lae.

KEDMEC AUTO REPAIRS AND ENGINEERING LIMITED

ABEL TASMAN STREET: P. O. Box 3423, Lae 411, Morobe Province, Papua New Guinea.
Telephone: (675) 472 6711 / (675) 472 5402 Facsimile: (675) 472 5014

"Sevis em bisnis bilong mipela"

Long dispela taim bilong hevi na salens kampani i luksave long bikipela wok bilong givim gutpela na rait sevis i golong ol kastomas bilong em.

Het tok bilong mipela i sanap olsem, "Sevis em bisnis bilong mipela".

Mipela is ave mekim ol dispela wok:

- Engine overhaul na reconditioning
- Mechanical repairs na servicing
- Head refacing
- Valve grinding
- Disc na brake drum machining
- Radiator repairs "n" overhauls
- Plastic radiator repairs

Kedmec Auto Repairs i amamas long tokaut long kamapim nupela plen bilong JetLae Diesel, wanpela kampani we bai givim moa bikipela sevis long ol kastomas na long sait bilong ripea na sevising ol injection pumps na injectors wantaim ol nupela plen long calibration control, diatronic phasing na dialamatic calibration, wok bilong mipela long testim i gutpela tru na i go strong.

Long kism moa toksave long ripea na kuotesen, askim mipela long telefon namba 472 6711 o salim fax log 472 5014.

MECHANICAL & ENGINEERING / SMASH REPAIRS / HIRE CAR

wantaim olgeta lokel bisnis na komyuniti long ol kain projek olsem na bai olgeta manmeri i ken kism mani na painim wok tu," Mista Ridley i tok.

Barclay Brothers i bin kamapim wok na stretim olgeta baret insait long siti tu we i save bagarapim tru ples long taim bilong wet sisen.

Mista Ridley i tok dispela tu yia 10 mun projek i helpim tru kainkain wok bisnis long Lae na givim ol wok manmeri save we bai helpim ol long painim wok bihain.

"Klostu long mak bilong 400 Papua Niugini manmeri i bin wok taim projek i stat i kam pinis na klostu K180,000 kampani lusim long givim skul na trening long ol wok manmeri mipela kism long wok," Mista Ridley i tok.

Barclay - Mowlem em husat?

Barclay Mowlem em wanpela bikipela kampani bilong Australia husat save go pas long mekim ol wok bilong bikipela rot wok an enjiniaring.

Long taim kampani i stat 50 yia i go pinis i kam tude, ol i save mekim rot bilong trein, mekim rot long bus na sip bris samting bilong solwara.

Barclay Mowlem, long liklik kampani bilong ol Barclay Brothers i save amamas long wok bung wantaim ol komyuniti bilong Papua

mani inap long UK\$650,000 i kam long Commonwealth Dipatmen bilong Works. Wankain wok projek tu i bin kamap long sanapim narapela haus sik long Lae, Morobe provins long 1961.

Rot na bris wok i bin kamap long Bogenvil long 1968 na bihain long dispela yia tasol Bogenvil Kopa Main i bin statim wok bilong em. Ol dispela wok i kain olsem nupela na ol liklik han rot, wara saplai, ples-bilong tro-moi pispis na pekpek, haus slip bilong ol wok manmeri, haus sik na ol samting bilong kamapim skul.

Bihain long dispela ol kainkain gavman kontrak i go long kampani na dispela i surikim taim bilong kampani i stap na wok bung wantaim olgeta pipel bilong Papua Niugini i kam strong inap nau.

Dispela wok bung i kam na long 1998 kampani i bin makim na selebretim 40 kris-mas em i bin wok insait long PNG.

Bikipela stori bilong kampani wantaim sampela bikipela projek em i bin kamapim insait long PNG em long ol projek olsem Paunda Haidro pawa stesen na stretim bilong ol bikipela sip bris long ol kain ples olsem Pot Mosbi, Lae, Rabaul, Kieta na stretim bilong bikipela rot ol i opim long Lae las mun.

Papagraun givim graun long kisim developmen

**AIVA TAMATE I
raifim**

NAU i gat bikpela 28 kilomita rot we ol putim kolta; planti raunabaut, strit lait na kainkain sain pos i sanap i bin graun we ol papagraun bilong Morobe tru i save mekim gaden na ples bilong painim abus.

Sikspela haus lain bilong Butibum viles, husat i papa tru bilong graun we Lae siti i stap i bin stretim rot bilong ol i ken stretim na mekim ol nupela rot sistem insait long Lae. Ol i bin lusim bikpela tumbuna graun bilong ol long stretim rot bilong developmen na Lae siti i ken kisim bek nem bilong em olsem wanpela "Gaden Siti na lusim nem "Pothole Siti."

Taim ol opim nupela rot long Lae siti i makim wanpela bikpela developmen projek long Morobe provins tasol wankain taim ol pipel bilong Butibum i lusim wanpela bikpela hap tumbuna graun bilong ol.

Ol i bin askim sikspela lida bilong hauslain long Butibum i toktok long planti manmeri tru husat i bin bung long wanpela raunabaut long nau nupela Bart Philemon Draiv i stap long en na bipo we olpela ples balus bilong Lae i save stap long en.

San i hat nogut tru na yu sanap yu inap lukim hot bilong san kirap long nupela kolta ol i putim long rot. Ol i bin sanapim tupela haus sel long raunabaut, wanpela bilong ol opisal man husat bai toktok na narapela bilong ol bik manmeri husat ol i askim long kamap long dispela bung.

Ol man i singaut na tok olsem nau em taim bilong ol papagraun bilong



• Ol Butibamlida makim ol papagraun bilong Lae Siti.

Butibum long givim toktok long ol manmeri husat bin bung.

Wanpela longpela man i sanap lusim sia bilong em aninit long sel haus na i go aut long hot san na sanap long ples bilong givim toktok.

Nem bilong man ya em Garret Kising, em mausman bilong Butibum na wanpela man husat makim sikspela haus lain bilong Butibum.

Em i toktok makim maus bilong ol pipel bilong A g a c t u c , W a p i g e h u c , Busulum, Apo, Gwatuc na Tumatuc hauslain.

"Mi salim tok halo," em i tok na toktok bilong em pairap bikpela long maikropon na bikpela spika ol i bin kam putim bilong ol man i ken toktok.

"Mipela ol papagraun bilong Butibum i givim bikpela helpim tru i go bilong developim dispela kantri stat long Independens i kam."

"Dispela ol helpim mipela givim i kisim bikpela hap bilong gutpela sindaun bilong mipela yet. Mipela givim 11933 ekas bilong tumbuna graun long kisim developmen i kam," Mista Kising i tok.

Ol man paitim bikpela han tru na singaut taim em

mekim toktok ya long soim amamas bilong ol.

"Ol ples we yumi sanap nau i bin tumbuna graun we ol papa bilong mipela i bin i go long kisim pis na hantim Agayulum. Ol gaden we tumbuna bilong mipela i bin groim taro, yam na kumu long kisim gutpela kaikai long ples i no moa stap wantaim mipela yet," em i tok.

Moa long 5,000 manmeri i bin bung long raunabaut long lukim opim bilong nupela rot sistem long Lae. Namel long ol manmeri i bin i gat ol memba bilong sikspela hauslain bilong Butibum, ol manmeri na pikinini tu i sidnaun harim i stap.

Ol famili bilong Butibum i bin bung na sindaun aninit long haus sel long we liklik long haus sel bilong ol opisal. Sampela kam long danis na i sanap ples klia ausait long san na sampela i kam sanap tasol bilong sapotim ol haus lain man bilong ol.

Mista Kising i go het wantaim toktok bilong em. Ol opisal olsem Minista Kaunsel bilong Australia Hai Komisnin John Davidson, Memba bilong Lae Bart Philemon, Gavana bilong Morobe Luther Wenge, Lod Meya bilong Lae siti

Toffamo Mionzing na Barclay Mowlem Siaman Doug Ridley husat i kam long mama kampani bilong Barclay Brothers long Australia i sindaun na harim ol dispela toktok.

Mista Kising i go het wantaim tok na i tok: "Pasin ol tumbuna bilong mipela i gat rait long mekim wantaim graun bilong mipela i no moa stap wantaim mipela. Mippela nogat fridom na amamas bikos mipela i nogat wankain amamas olsem ol narapela papagraun i gat.

"Ol tumbuna papa bilong mipela i bin lukluk tasol i stap na ol i tokim ol long sainim ol pepa nating ol dispela i bagarapim mipela tude. Mipela ol pipel bilong tude i kisim taim na i stap sori na rabis tru wantaim nogat wok na nogat toktok long wanem samting i kamap long graun bilong mipela yet," Mista Kising i tok.

Em i tok ol pipel bilong Butibum i no kisim sans long stap wantaim tru spirit bilong independens na kisim gutpela bekim long graun bilong ol.

Man, taim em mekim dispela toktok ol manmeri singaut nogut tru na paitim kundu wantaim na wanbel stret. Olgeta manmeri husat stap

long dispela bung i kisim stret toktok na hevi bilong bikman husat toktok.

"Mipela i save resis wantaim 120,000 manmeri bilong Lae siti tude long painim wok, kisim sevis we inap rait bilong mipela na mipela kisim namba wan. Ol setelmen i kamap bikpela yet na ol pipel bilong mipela i kamap liklik na liklik wanwan de," Mista Kising i tok.

Mista Kising i tok moa olsem stretim bilong olpela ples balus MOA na graun breking sere- moni bilong ol rot long Lae long 1999 i no inap kamap wantaim wanbel tingting bilong Butibum viles papagraun wantaim Butibum Len Mobilaisesen Komiti na sikspela haus lain grup bilong Butibum viles.

Long dispela as tingting Gavana Wenge i bin givim 50 peseen o hap bilong stretim olpela ples balus i go bek long ol Butibum pipel.

Mista Kising tokim gavman olsem ol i mas luksave long rait bilong ol pipel.

"Mipela nau i sanap long pes bilong yu long tok- save olsem mipela laik stap insait long olgeta level bilong developmen na i mas i gat lo bilong lukaufim na kamapim rait bilong olgeta papagraun long olgeta taun na siti bilong kantri," em i tok.

Tasol luk olsem olgeta samting i no lus nating long ol pipel bilong Butibum. Bikpela kampani bilong Australia Barclay Brothers i bin givim namba wan sans long ol Butibum papagraun.

"60 pesen bilong wok man long stretim olgeta rot wok insait long Lae siti em ol papagraun yet i mekim. Ol papa bilong wesau bilong rot i kisim

royolti mani," Mista Kising i tok.

Mista Kising i tok amamas long Barclay Brothers husat kisim foapela yangpela man bilong Butibum long wok na givim trening i bikpela samting bilong developim ol manmeri bilong ples wantaim save."

Em i askim tu Minista Kaunsel bilong Australia Gavman John Davidsson long luksave long ol papagraun husat slip arere long ol taun na siti sapos em laik givim helpim mani bilong ol projek long bihain taim.

"Mipela i amamas olsem gavman bilong Australia i putim moa long K40 milien bilong takis lain bilong Australia i kam insait long Lae siti. Liklik hap bilong dispela mani i bin helpim sampela long kisim marasin, skul fi na

royolti mani," Mista Kising i tok. Mista Kising i tok amamas long Barclay Brothers husat kisim foapela yangpela man bilong Butibum long wok na givim trening i bikpela samting bilong developim ol manmeri bilong ples wantaim save."

Em i askim tu Minista Kaunsel bilong Australia Gavman John Davidsson long luksave long ol papagraun husat slip arere long ol taun na siti sapos em laik givim helpim mani bilong ol projek long bihain taim.

"Mipela i amamas olsem gavman bilong Australia i putim moa long K40 milien bilong takis lain bilong Australia i kam insait long Lae siti. Liklik hap bilong dispela mani i bin helpim sampela long kisim marasin, skul fi na

royolti mani," Mista Kising i tok. Mista Kising i tok amamas long Barclay Brothers husat kisim foapela yangpela man bilong Butibum long wok na givim trening i bikpela samting bilong developim ol manmeri bilong ples wantaim save."

Em i askim tu Minista Kaunsel bilong Australia Gavman John Davidsson long luksave long ol papagraun husat slip arere long ol taun na siti sapos em laik givim helpim mani bilong ol projek long bihain taim.

"Mipela i amamas olsem gavman bilong Australia i putim moa long K40 milien bilong takis lain bilong Australia i kam insait long Lae siti. Liklik hap bilong dispela mani i bin helpim sampela long kisim marasin, skul fi na

royolti mani," Mista Kising i tok. Mista Kising i tok amamas long Barclay Brothers husat kisim foapela yangpela man bilong Butibum long wok na givim trening i bikpela samting bilong developim ol manmeri bilong ples wantaim save."

Em i askim tu Minista Kaunsel bilong Australia Gavman John Davidsson long luksave long ol papagraun husat slip arere long ol taun na siti sapos em laik givim helpim mani bilong ol projek long bihain taim.

"Mipela i amamas olsem gavman bilong Australia i putim moa long K40 milien bilong takis lain bilong Australia i kam insait long Lae siti. Liklik hap bilong dispela mani i bin helpim sampela long kisim marasin, skul fi na

royolti mani," Mista Kising i tok. Mista Kising i tok amamas long Barclay Brothers husat kisim foapela yangpela man bilong Butibum long wok na givim trening i bikpela samting bilong developim ol manmeri bilong ples wantaim save."

sapotim moa long 500 wok manmeri na bikpela namba bilong ol dispela manmeri i kam long Butibum viles," em i tok.

Mista Kising i holim stret ol manmeri wantim ol dispela toktok bilong em. Taim em laik pinisim olgeta toktok bilong em, em toksave long ol lida olsem ol i mas noken lus tingting long ol trupela papagraun long PNG.

"Olsem wanpela toktok ol Saina i save tok: "Sapos yu laik go long wanpela longwe hap yu save stat wok- about taim yu krungutim nam- bawan lek," na nau yumi lukim dispela namba wan lek mipela krungutim na yumi olgeta i mas wok- about wantaim i go inap long yumi pinisim dispela wokabaut," em i tok.

Mista Kising i holim stret ol manmeri wantim ol dispela toktok bilong em. Taim em laik pinisim olgeta toktok bilong em, em toksave long ol lida olsem ol i mas noken lus tingting long ol trupela papagraun long PNG.

"Olsem wanpela toktok ol Saina i save tok: "Sapos yu laik go long wanpela longwe hap yu save stat wok- about taim yu krungutim nam- bawan lek," na nau yumi lukim dispela namba wan lek mipela krungutim na yumi olgeta i mas wok- about wantaim i go inap long yumi pinisim dispela wokabaut," em i tok.

**GOD'S FARMACY
BARENG HERBAL SERVICE**

&

NATURAL FERTILITY CLINIC

Telephone (675) 4723142

P. O. Box 3613

Lae, Voco Point

Morobe Province Papua New Guinea

Location: Dickson Door

Wanem Hap: Dickson Door

Konsaltesen Fi: K15.00

Long kisim moa toksave, toktok

wantaim Mrs Lien Baravis

long telepon namba: 4723142 (BH) 4722347 (AH)

Fax: 4720314

Hair Salon & Gift Shop

P.O Box 852 Lae

Morobe Province

2nd Street

Phone: 472 4416

Luk nais

Luk fit

Luk smat

Toktok wantaim RG Hair Dressing
Salon & Gift Shop

Lae nogat pot hol moa

AIVA TAMATE I raitim

"KAMKUMU Kona! Kamkumu Kona! Taun! Ta-Ta-Ta-Taun, Eriku! Eriku!" ol bas draiva na bas kru i singaut long ol pipel husat sanap long sait bilong bas stap na sampela husat

wokabout i go long bas stap. Dispela em Top Taun long Lae. Wanpela ples we ol manmeri i save paspas tumas na yu no inap putim em wankain olsem Pot Mosbi taun o Boroko.

Man, ples ya pulap stret long ol manmeri. Wanpela wantok i bin tokim

mi olsem dispela em ol anis i kam aut wantaim famili bilong ol long Lae siti. Sapos wanpela manmeri i laik painim wanem em bisi rot stret, ating Lae i wanpela gutpela ples we yu ken lukim ol pipel.

Lae em wanpela bikipela senta insait long Papua Niugini

we wok long kamapim olsem 75 pesen bilong olgeta samting yumi kamapim long kantri long wanwan yia.

Bilong wanem em i save kamapim bikipela wok insait long ikonomi em bikos planti fektori bilong kamapim ol sumting i stap long

Lae tasol.

Bikipela long ol dispela em Lae Malahang Industriai Senta we i kam aninit long Industriai Senta Development Koporesen bilong Papua Niugini.

Lae i stap long wanpela gutpela hap ol narapela rijen insait long

kantri i ken isi tasol i kamap baim na salim wanem samting ol i laikim. Ples balus na rot i go olsem long Hailans na isi long yu go long narapela hap bilong Papua Niugini.

Long Top Taun, ol manmeri bilong Lae siti i save pulumapim ples long siks kilok morning yet klostu long Big Rooster, SVS Dipatmen Stua na Best Buy na planti taim ausait long Lae Post Opis bikos planti pipel i save laik stap klostu long ol telepon.

Tasol wanpela bikipela samting yu bai luksave long Top Taun em ol bas draiva na baskru. Ol i no save isi. Sapos yu tingting long kalap long bas, lukluk long ol lain husat save

kempen strong tru long kisim pasindia. Ol bai mekim kainkain samting long ksim yu i go sindaun long bas bilong ol. Taim yu krosim bikipela strit long go long bas stap, ol bas kru bai kirap singaut nogut tru long yu taim yu wokabout longwe yet i kam na tok:

"Kam long hia, kalap lo hia." Em wankain olsem wanpela ples bilong oksenim ol samting we ol man laik salim na baim kau i save askim long prais tasol samting tru em ol bas draiva na bas kru i askim na grisim yu long kalap long bas bilong ol.

Sampela bilong ol bas draiva tu i wankain ol ol kendidet husat traim grisim ol manmeri long ileksen taim.

I gat kainkain bisnis long Lae tasol narapela sait we kisim moa bisnis i luk olsem wok bilong stretim 28 kilomita rot insait long Lae siti. Nupela rot sistem ya i rausim nem bilong Lae siti

olsem wanpela pothole siti na kirapim gen nem Gaden siti. Dispela nupela rot sistem i grisim planti bisnis long go insait na sanapim bisnis long Lae siti.

Memba bilong Lae Bart Philemon i tok ol pothole long siti i bin stapim planti bisnis long go insait bikos ol i ting olsem em bai bagarapim ol samting bilong mekim bisnis.

"Mani bilong ronim ka long mekim bisnis i save bikipela na dispela em wanpela as ol bisnis les na tanim lusim Lae.

"Tasol nau olgeta rot i kamap gut, mipela i tingting long lukim moa bisnis i kamap long Lae siti," em i tok.

Mista Philemon i tok ol i gat tingting long givim graun i stap arere long Bart Philemon Draiv i go long ol bikipela bisnis i ken kamapim fektori long Lae.

Dispela hap rot ol i givim nem bilong memba bilong Lae taim ol i opim long Oktoba 18 dispela yia.

Lae siti i askim tu Ramu Suga long kamapim bisnis bilong em long Lae na salim bikos nau yet Ramu Suga i no stap longwe long Lae siti, klostu tasol long Ramu Veli.

Na neks taim yu go long stua na baim suga, noken ting em kam long narapela hap, em kam long Lae tasol na ol manmeri bilong Papua Niugini yet i bin kamapim dispela suga.

Planti manmeri bai tokim yu olsem Lae em maus rot we ol manmeri i kisim long kamap long Hailans, Niugini Ailan, Madang na tu Sepik provins na dispela i save kamapim gutpela

MOROBE SAVINGS AND LOAN SOCIETY LIMITED

Member of the PNG Federation Of Savings and Loan Societies Limited

Mipela Tok Hamamas Tru Long Gutpela Rot Long Lae City I Bin Op Long Fonde Namba 18 De Long Dispela Mun.

Mipela Tok Hamamas Tru Tu Long Lae Show Komiti I Kamapim Plandi Samting Long Ol Man Meri Long Lae City Long Lukim Long Lae Show.

Mipela Hamamas Tru Olgeta Long Wantok Bisnis Tudei I Kamapim Dispela Nius, Long Strongim Wok Bisnis Long Lae City Na Morobe Provins.

HARIM

YU HARIM

HARIM DISPELA TOK

Olgeta Man Meri Long Lae City Na Morobe Provins Ken Kamap Memba Long Morobe Savings Na Loan Sosaeti.

Opis Istap Long Graon Floa Long Vele Rumana 4th Street Lae.

Yu Ken Opim Akaon Long:-

1. Sea Na Loan Pasbuk
2. Putim Na Kisim Pasbuk Bai Op Long 2002
3. Skul Fi Pasbuk Bai Op Long 2002
4. Krismas Klab Bai Op Long 2002
5. Insurance Bai Kamap Bihaen

Mipela Askim Ol Kampani Long Halpim Ol Wokman Bilong Yupela Long Peirol Didaksen Sapos Ol Laik Kamap Memba Long Morobe Savings Na Loan Sosaeti.

YU SAVE TU?

Mipela Winim Pinis Mak Bilong K4 Million Long Ol LikLik Grassroots Dinau Mipela Bin Givim Stat Long Mun Jun 1999 Ikam Nap Long Septemba 2001. Sea Moni Bilong Ol Memba Abrusim Pinis Mak Bilong K2.6 Million.

Kamap Memba Long Bank Bilong Yu Stret; Na Wok Strong Long Kamapim Gut Sindaon Bilong Family.

Na Noken Lus Tingting Long Tok Tok Bilong Anutu (God) Long Bisnis Na Moni - Deut 8:18, Hagai 2: 8. Provabs 3: 9. Psalm 96: 8. Malakai 3: 9 - 11. Livitikes 27: 30, 32. Hibru 7: 2, 4. 1Korin 9: 13, 14. 2Korin 9: 7.

Box 3488 - Lae Phone 4721777 Fax 4721778

Tok Tok Long Matthew Passigan - Acting Manager

Stadi bilong luksave long timba kampani

PEKU PILIMBO i raifim

OL SAINTIS bilong Japan na Fores Rises Institut long Lae i stap pinis long Finsafen long mekim wanpela wok painim aut long wanem bagarap i save kamap long bus, wara, graun na ol animel taim ol timba kamapni i katim diwai.

Ol saintis i kam long Japanese Intenesenel Koporesen Ajensi (JICA) i stap wantaim poroman bilong ol long Mongi-Busiga eria long Finschafen i traim painim aut wanem samting i kamap long taim bilong katim fores, bihain long katim fores na wanem kain samting i bin stap bipo long ol i katim ol timba.

Dispela tupela JICA saintis i traim painim rot bilong ol manmeri i ken katim timba bilong ol daun tasol wankain taim ol i mas lukautim ol samting olsem wara, graun na animel bilong ples.


Ol bai traim long painim tu sampela rot bilong traim na stapim ol bagrap i kamap long bus we timba projek i stap na kamap wantaim sampela rot bilong traim stapim ol dispela hevi long kamap.

Deputi Dairekta bilong FRI Nalish Sam i tok olsem ol saintis bilong Japan i wok poroman wantaim ol saintis bilong PNG long kamapim ol dispela wok painim aut.

Em i tok tupela save-man husat bai stap sot-pela taim long PNG i stap pinis nau long Finschafen long karim aut wok painim aut.

Mista Sam i tok wanpela bikpela hevi FRI i save kamap wantaim em long painim wanpela hap graun bilong mekim ol wok painim aut long olgeta hap bilong kantri.

JICA i bin helpim long karim kainkain han bilong FRI i stap nabaut long kantri i kam bung long Lae na




nau i stap olsem wanpela.

Em i tok wok painim aut bilong ol i stap long forestri prodak, planim diwai plentesen, wanem samting stap long bus na wanem kain arapela helpim samting ol manmeri i ken kisim long ol fores.

JICA i bin stat helpim PNG FRI stat long 1987 long lukautim wok painim aut, givim ol masin na saveman bilong helpim kantri long lukautim bikpela saplai bilong fores.

JICA i bin helpim tu FRI long sanapim bikpela opis bilong ol long Lae na salim plan-ti saveman bilong wok



Deputi Dairekta bilong FRI Nalish Sam (baksait) wantaim Schola Yoiyopi husat save wok wantaim FRI. Ol samting bilong wok tu i kam long JICA. Antap: Japan saveman Shinj Ogawa husat wok bung wantaim FRI long Lae.

painim aut i kam bung wantaim long wanpela hap. Dispela bai mekim isi long ol save-man i ken serim tingting long wanem kain wok ol i wok long

mekim. JICA i givim masin bilong opis na save-man bilong lainim ol PNG saintis na ol JICA saintis husat stap i wok long givim moa save

long ol wok manmeri bilong PNG. JICA i stretim na planti manmeri bilong FRI i go long Japan na kisim skul bilong ol long yunivesiti.

Lae nogat pot hol moa

1 kam long pes 10

maket bilong ol kaikai olsem kumu long kamapim bikpela maket long Lae.

Husat manmeri tingting long go lukim Lae i mas kamap long maket ples tu. Bikos long Lae yu no inap go long wanpela supamakel long baim ol gutpela kumu, yu bai painim ol long maket tasol. Ol kain samting olsem tomato, brokoli, koli flawa, bin, pi, karot, anian, letus, kukamba, spring anian na planti arapela gaden samting long liklik prais tasol. Planti taim ol supamakel i save stil taim ol hapim prais bilong ol i go antap tru.

Wantaim gutpela bisnis i stap na gutpela fektori bilong kamapim ol samting long kantri yet long Lae na gutpela kumu long maket, ating yu no inap askim wanpela ples long givim yu moa.

Ol manmeri husat slip name, long sifi i stap gut tru tasol wankain olsem ol narapela taun na sifi, i gat ol setelmen na arere lain husat save stap long Lae tu.

I gat ol kainkain pipel bilong olgeta hap provins i stap long Lae tu na dispela i save mekim na olgeta rot kona i save pulap long ol pipel long moning i go inap long apinun.

Morobe provins i go pas tu long kamapim ol samting bilong agrikalsa na animel

saif. Wanpela ples bilong lukautim kakaruk tasol long provns we save saplaim kiau na kakaruk mit long olgeta kantri. Morobe i save kisim biknem tu long saif bilong kamapim kau mit na pik mit wantaim.

Pelgen, lain husat katim pik na sosis bilong salim long ol stua insait long kantri i kam long Lae tu.

Wanem samting i mekim Morobe provins gutpela long saif bilong kamapim wok Agrikalsa em gut ren na san em i save kisim long wanwan yia.

Morobe provins i wet na ren olgeta taim na dispela em gutpela bilong groim ol samting long gaden na ausait long ol pilai graun ol kau na narapela animel i ken groim long laik bikos i gat planti ren bilong mekim olgeta samting gro.


Olsem na sapos neks taim yu gat plen na tingting long stap long Lae o go lukluk raun, lukim maket o yu les yu ken go antap long Hailans Haiwe na lukim Ramu Suga bikos taim yu kamap bai yu smelim naispela smel bilong suga bipo long yu lukim samting tru.

Tasol yu mekim ol dispela samting raun na noken lus tingting, yu mas lukaut long ol bas draiva na bas kru.




Made in PNG for PNG
"Support Papua New Guinea Industry"

PNG NAIS KOFI PULPER



OIL PRESS



No.1 liklik masin bilong ples bilong wokim:

- Kuk Oil • Karasin
- Sop • Peanut Bata


100% BACK-UP IN SPARE PARTS & MAINTENANCE

For Trade Enquiries



WHITE CORNER MACHINERY

Shed 4, Unit 2,
Malahang Industrial Centre
P.O. Box 4373, Lae

Phone: 472 1609 Fax: 472 0612



**Oi
piksa
bilong
Lae
maket**



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.